


# NDI KUFUMA KWA ZUWA

 Tiyeni ise tisindamiske mitu yithu. Fumu, umo ise tawunganirana muno mlenji uweme uwu wa chikondwerero cha Chiwuka, kuwona mphukira zichokozichoko zikumasuka kuwonekera kuwaro, njuchi kuwurukiranga mkati na kutorangamo chigaŵa chawo, tuyuni kwimbanga ngati mitima yawo yiphulikenge na chimwemwe, chifukwa kuli chikondwerero cha Chiwuka. Ise tikugomezga kuti Imwe mukamuwuska Yesu kuŵakufwa, virimika vinandi vyajumphu, muhanyauno, ndipo ise tikukondwerera zuwa ili la chikumbusko.

<sup>2</sup> Ndipo zomerezgani chifike chikondwerero cha Chiwuka pakati pa ise tose, muhanyauno. Mphanyi ise, ngati wateŵeti Wake, tipulikiske Mazgu Ghake, kuti ise kale tikaŵa mu wenenawene Wake, ndipo kuti sono kuti ise tawuka pamoza na Iyo ndipo takhala pamoza malo gha Muchanyachanya.

<sup>3</sup> Tumbikani chisopo muno mu kachisi, na vyaru vya kusirya uko ichi chikuruta, munthowa ya telefoni iyi.

<sup>4</sup> Chizgani ŵarwari wose na ŵakukomwa. Mphanyi ichi changuŵa chikondwerero cha Chiwuka kwa iwo, nawoso, na kufuma kufuma ku urwari kuruta ku nkhangono. Ndipo iwo awo mbakufwira mu kwananga na kujuywa, mphanyi iwo ŵangukhala ŵamoyo muhanyauno mwa Khristu. Ndipo ise timurumbeninge Imwe, pakuti ise tikuromba ichi mu Zina Lake. Amen.

<sup>5</sup> Ine nkhotora uwu kuŵa nadi mwaŵi ukuru, mlenji uwu kuwaso kuno mu Jeffersonville, Indiana, na gulu likuru ili, tchalitchi lazura ndipo ŵayimirira, na kuzungulira na kuwaro, na mu magulu na kulikose. Kwa imwe mwaŵanthu pa mafoni sirya la charu, ndi mlenji wakutowa kuno.

<sup>6</sup> Fayivi koloko mlenji uwu, mubwezi wane muchoko wa nganga yiswesi wanguwurukira pa windo ndipo wangundiwuska ine. Wanguwoneka ngati mtima wake uchoko uphulikenge, kuyowoyanga, “Iyo wawuka.” Ine nyengo zose ndiri kughanaghana za kayuni kachoko aka umo kali kuŵira mubwezi kwa ine, chifukwa ine nkhumutemwa uyu.

<sup>7</sup> Umo nkhani ya iyo yikuti, “Kayuni kachoko kaswesi kakamuwona Iyo wakusuzgika pa mphinjika, uko kwananga kukamuŵikapo Iyo.” Nkhumanya, kayuni kachoko kakaŵavaye kwananga. Iyo nthu wakayenera kufwira kayuni kachoko. “Kweni uyu wakawurukira pa mphinjika ndipo wakayezga kuti wakhule mizumali, na mlomo wake uchoko, ndipo uyu wakasanga kuti nganga yake yose yikaŵa yiswesi.” Ndipo umo ndimo ine nkhuhumbira kuti yane yiŵire, naneso,

ngati chiskango, cha kuyezganga kuvikirira Chinthu ichi chauchindami icho Iyo wakafwira.

<sup>8</sup> Pakumanya kuti nyengo yithu njichoko muno, chomenechomene kwa wabwezi awo wakupulikizgira munthowa ya telefoni iyi, ine nkhuKhumba kuti ndikope tcheru chinu mlenji uwu ku a—chithuzithuzi icho nyengo yinyakhe kale chikajambulika na kamera, za mboniwoni iyo ine nkhaŵa nayo kuno pa kachisi, za kufumako ku Indiana, kuruta ku Arizona; uko ine nkayenera kukakumana, mu kawonekero ka piramid, Wangelo seveni. Kwambura kumanya icho chizamuchitika kunthazi, para ine nkhati ndafika kula, kughanaghananga kuti ukaŵa umaliro wa umoyo wane, kuti ntha wakawako munyakhe wakumanya kuzizipizga kupuntha; ndipo ine ndiri na chisimikizgo mose imwe mukuyimanya nkhani. Ndipo ntheura mu Sabino Canyon, mlenji umoza ngati uwu, ndiri mu kuromba, kukaŵa lupanga likaŵikika mu woko lane, ndipo wakati, “Ichi ndi Mazgu, ndipo Lupanga la Mazgu.”

<sup>9</sup> Pamanyuma, Wangelo wakawonekera umo kukachimikira. Ndipo pa nyengo yenyera, chiwungawunga chikuru cha Kuŵara chikafuma apo ine nkayimirira, ndipo chikayenda mitunda sate kupholika mu mphepo, ndipo mumphepete mwa chizingirizgu, ngati mapapindo gha Wangelo, ndipo chikajambura mu mitambo kawonekero ka piramid mu chiwungawunga chenechira cha Wangelo awo wakawonekera.

<sup>10</sup> Sayansi yikajambura chithuzithuzi, ulendo wose kufuma ku Mexico, apo ichi chikayenda kufuma kumpoto kwa Arizona, uko Mzimu Mutuŵa wakati ine ndamkuŵa kuti ndayimirira, “mitunda fote kumpoto kwa kuvuma kwa Tucson.” Ndipo ichi chikaruta mu mphepo, ndipo *Life* magazine yiri navyo vithuzithuzi, “Chinthu chinyake chakuziziswa kutali mu milengalenga, uko kulije chinyezi, uko kulije mphepo za maji gha chirichose; mitunda sate kupholika, ndipo mitunda twente-seveni mu usani,” ndipo chikafumiranga nkhanira apo Wangelo ŵara ŵakaŵa.

<sup>11</sup> Sono, iwo wakafumba, kuti wamanye. Sayansi, yumoza wa iwo mu Tucson, wakakhumba kuti wamanye kuzirwa kulikose, kwani ine ntha nkhaŵaphalira iwo. Imwe mose mukachimanya ichi, chikayowoyekerathu kale. Kwani ichi ntha chikaŵa cha iwo; ichi chikaŵa cha imwe.

<sup>12</sup> Ndipo ntheura kula Iyo wakayowoya kwa ine, ndipo wakati, “Vididimizgo Seveni vizamujurika. Vyamchindindi seveni, chamchindindi cha vinthu seveni cha Baibolo, icho chikaŵa chakujarika kufuma pa mtendeko wa charu, chizamkuvumbukwa.” Ndipo ise, kwani gulu lichoko lakujikhizga, kulinganizgika na charu chose, ise tiri kusanguruskika na vitumbiko ivi, kupulikanga vyamchindindi ivyo. Nthengwa, kupatana, mbewu ya serpente, mafumbo

ghose agha ghakupambanapambana, ghali kuvumbukwa mwakukwanira kwa ise, nthu na munthu, kweni na Chiuta, Iyomwene, ndiyo wakajura vyamchindindi vira seveni; vya icho Mpingo ukaŵa, umo Uwu ukaŵira mwa Khristu pa chiyambi, na umo Uwu uzamkuvumbukwira mu nyengo yaumaliro.

<sup>13</sup> Ndipo sono, apo ichi chikati charuta kuchanya, ise tiri nacho chithuzithuzi kuwaro pa chipapati cha libwe. Kweni, pamanyuma, ine ndiri nacho chithuzithuzi chiri nkhanira muno, usange imwe mukuwona, umo *Life* magazine yikaŵira nacho ichi. Kweni ine nkhezizwa usange gulu lane, liri muno, liri kuchiwona nadi chithuzithuzi, wonani, wonani, mu nthowa umo ichi chikwenera kuŵira.

<sup>14</sup> Imwe mukukumbukira, ine nkapharazganga apo mboniwoni iyi yikafika, pa chisambizgo cha Buku la Chivumbuzi, uko ŵeruzgi ŵakale, uko ise tikawona Yesu mu Chivumbuzi 1. Para ise tikati tayamba kujura Vididimizgo Seveni. . .panji—panji Miwiro ya Mpingo, mphanyiko, kufupi waka ku kujurikanga kwa Vididimizgo Seveni. Khristu wakayimirira na “sisi ngati weya, lituŵa.” Ndipo ine nkharongosora icho kwa imwe, kuti ŵeruzgi ŵakale Ŵangerezi, na ŵeruzgi ŵanyengo yakale, para iwo ŵakarutanga ku chitengo, kuti ŵakaŵalumbiriske, mazaza ghawo ghakuru ghakapika kwa iwo. Iwo ŵakavwara wigi yituŵa, umo kukaŵira, pa mitu yawo, kurongora mazaza ghawo ghakuru.

<sup>15</sup> Inya, usange imwe mugadaburenge chithuzithuzi ngati *ntheura* na kulaŵiska, imwe mungamanya kuchiwona ichi kufuma ku gulu, ndi Khristu. Wonani maso Ghake ghakulaŵiska *uku*, mwakufikapo waka umo ichi chingamanya kuŵira; kuvwaranga wigi ya Mazaza Ghakuru Ghauchiuta na Mweruzgi wa vyose kuchanya na pasi. Kasi imwe mukughawona maso Ghake, mphuno, mlomo Wake? [Gulu likuti, “Amen.”—Munozgi.] Gadaburani waka chithuzithuzi kufumira *uku*, umo iwo ŵakaŵira nacho ichi; kudera *uku*, umo ichi chikwenera kuŵira. Ndipo imwe. . .Kasi imwe mukuchiwona ichi? [“Amen.”] Iyo ndi Mweruzgi Mukuru. Kuliye munyakhe kweni Iyo. Ndipo icho ndi kumanyiskika kwakufikapo kamosaso, kukhozgereka kuti Uthenga uwu ndi Unenesko. Uwu ndi Unenesko. Ndi unenesko. Ndipo nthu kumupanga Iyo Munthu wachitatu, kweni Munthu yekha pera!

<sup>16</sup> Na lituŵa, wonani, imwe wonani ufipa, chisko Chake, mwembe Wake, na maso Ghake. Ndipo wonani, Iyo wakulaŵiska. . .Kufuma kwa Iyo kukwiza Kuŵara uku kuŵaliranga ku chigaŵa cha ku woko lamaryero, ku cheneicho Iyo wakulaŵiska. Ndipo pa mphinjika, kula ndiko Iyo wakulaŵiska, ku maryero, uko Iyo wakagowokera wakwananga. Mu Kuŵara kwa chiwuka Chake, ise tikuruta ndithu mu Zina Lake.

17 Ine nakhumbanga, mlenji uwu, kuti ine nthena nanguwa waka na nyengo yikuru kuti—kuti ndikhalepo pa fundo izi izo zirije muzgezge uliwose wa nkhayiko, ziri kusimikizgika pa virimika vyakunyuma sate, panji virimika sate-fayivi, nkhanira muno pa tchalitchi ili; kufumira kusika pa mronga, apo Kuwara kwenekula kukakhira pasi muno mu Jeffersonville, mu 1933, ndipo kukayowoya mazgu agho, “Umo Yohane Mubapatizi wakatumika kuzakanozga kwiza kwakudanga kwa Khristu, Uthenga wako uzamunozgera kwiza kwachiwiri.” Ise tiri ku nyengo yaumaliro, ndipo ise tikuchiwona ichi. Ise tikuzizwa nyengo zinyake chifukwa icho ichi ntha chindafalikire pa charu; panyake nyengo yinyake ise tizamkuwa na nyengo kuchirongosora icho, usange Chiuta wazomerezga.

18 Sono ine nkhuumbamba kuti imwe mujure mu—mu maBaibolo ghinu, umo ise nyengo zose tikugomezga kuti Mazgu ghakwenera kwiza pakudanga, ku kuwazga kwa Mazgu. Ine nyengo zose nkhuwazga Icho, chifukwa Ichi. . . Mazgu ghane ndi mazgu gha munthu, igho ghazamutondeka; kweni Mazgu gha Chiuta ghangatondeka chara.

19 Sono ise ti—tiwazgenge kufuma mu Malemba Ghatuwa, makani. Ndipo ise tikukhumba kuti imwe mujure, chakudanga, ku malo ghatatu mu Baibolo, agho ine ndasankha kuti ndiwazge. Ghamoza gha igho ghali mu Chivumbuzi, chipatulo chakudanga, ndipo vesi 17 na 18; uko ndiko Iyo wakawonekera na “sisi Lake lituwa ngati weya; ndipo marundi Ghake ghakawa ngati mkuwa.” Ndipo nthaura ine nkhuumbaso kuti imwe musange, mu maBaibolo ghinu, Waroma 8:11. Ine ndasankha, mlenji uwu, malo ghatatu kuti ndiwazge, kufuma mu Malemba Ghatuwa, kuwa Uthenga wane muhanyauno, icho Fumu yawika pa mtima wane za chiwuka. Ndipo nthaura ine nkhuumbamba imwe kuti, mujureso, Marko 16:1 na 2. Uko ine nditorenge wane—mutu wane.

20 Sono mu Chivumbuzi 1:18, ise tikuwazga Mazgu agha, 17 na 18.

*Ndipo para ine nkhati ndamuwona iyo, ine nkhwana pa marundi ghake ngati wakufwa. Ndipo iyo wakawika woko lake lamaryero pa ine, wakati kwa ine, Ungopanga; pakuti ine ndine wakudanga na waumaliro:*

*Ine ndine mweneuyo ngwamoyo, ndipo nkhaŵa wakufwa; ndipo, wona, ine ndiri wamoyo muyirayira, Amen; ndipo ndiri na makiyi gha nyifwa na gehena.*

21 Ndipo mu Waroma chipatulo 8 ndipo vesi 11, ise tikuwazga ichi.

*Kweni usange Mzimu wa iyo mweneuyo wakawuska Yesu ku wakufwa ukukhala mwa imwe, iyo mweneuyo wakawuska Khristu ku wakufwa wazamusisipuskaso*

*mathupi ghinu ghachivundi na Mzimu wake uwo ukukhala mwa imwe.*

<sup>22</sup> Ndipo sono mu Marko chipatulo 16, chipatulo cha chiwuka, chipatulo 16, vesi lakudanga na lachiŵiri.

*Ndipo para zuŵa lakupumura likati lajumpha, Mariya Magadalene, nyina... na Mariya nyina wa Yakobe, na Salome, ŵakayegha vyakununkhira, mwakuti iwo ŵafike na kumuphakazga iyo.*

*Ndipo ŵakacherera chomene mlenji zuŵa lakudanga la sabata, iwo ŵakiza ku dindi pa kufuma kwa zuŵa.*

<sup>23</sup> Sono, makani ghane mlenji uwu, ine nkukhumba kuti nditorepo mutu: *Ndi Kufuma Kwa Zuŵa*. Ndipo ku chisambizgo, ine nkukhumba kuti ndigwiriske ntchito, “Nkhongono yakusisipuska.”

<sup>24</sup> Sono, imwe mukumanya, imwe panji mwakhala mukuyipulika rediyo na ŵapharazgi ŵakupambanapambana ŵakuyowoya. Ndipo M'bale withu wakuchindikika Neville mlenji uwu kuyowoyanga chisambizgo chake cha chikondwerero cha Chiwuka, pa chiwuka. Ndipo ine nangughanaghana panji ine ndichitore ichi a—nthowa yichoko yakulekana, nth kuŵa wakususka, kweni kuti ndisazgireko waka pachoko mwakurutirira, panji mu nthowa yinyake, kwa imwe. Malemba, nthowa yiriyose imwe mukwenda na Malemba, Ichi nyengo zose chikuvumbura Yesu Khristu. Imwe mungafumako chara ku ichi, munthowa yiriyose. Ichi nyengo zose chikuvumbura Iyo.

<sup>25</sup> Sono, umo charu muhanyauno mu a—chisopo chakukumbukira, panji, pafupifupi, mu United States na chigawā ichi cha charu chapasi, mlenji uwu, mu matchalitchi na kulikose, ŵakukondwerera chikumbusko cha—cha chimwemwe chikuru chomene icho munthu wakaŵapo nacho.

<sup>26</sup> Ine nkughanaghana, ngati Muponoski para Iyo wakati wafwa, panji ngati bonda para Iyo wakati wababika, Iyo nthena wakati waŵenge kuno chara kweni pakuŵa kuti wakizanga mu charu chapasi. Ndipo para Iyo wakati wafwa, nadi Iyo wakaphepiskira kwananga kwithu. Kweni, ndipouli, kuli kuŵa ŵabonda ŵanandi ŵachokoŵachoko ŵakubabika, ndipo kuli kuŵa ŵanarumi ŵanandi awo ŵakasuzgika ndipo ŵakafwira chifukwa cheneko, kweni nth wakaŵako yumoza uyo wakamanya kujiwuska iyomwene mpaka zuŵa ili.

<sup>27</sup> Sono, kuti iyi ndi sabata yikuru chomene mu mudauko, chikondwerero chikuru chomene pa nyengo zose, chikondwerero cha Chiwuka ichi ndi uko Iyo wakasimikizgira icho Iyo wakayowoya. Munthu wangamanya kuyowoya vinthu, kweni ndipouli ichi nth ndi ndendende chingamanya kugomezgeka, mwakufikapo, mpaka ichi chisimikizgike kuti ndi Unenesko. Ndipo umo Chiuta, Uyo wakati, “Simikizgirani vinthu vyose; koreskani mwakungangamika ku icho ntchiweme,” Iyo nthena

wakamuphalirani imwe chinyake icho Iyo nthā wangachita Iyomwene. Ntheura Iyo wakasimikizgira Uyu wakaŵa njani uyo wakafwira kwananga kwithu.

<sup>28</sup> Ndipo, sono, nthā ndi zuŵa lachikumbusko pera, la maluŵa ghose agha ghakuzirwa gha chikondwerero cha Chiwuka, na vipewa vya chikondwerero cha Chiwuka, na ŵakalulu ŵa pinki, na vinyake ntheura, ivyo ise tikuchita, na chikondwerero chituŵa; cheneicho chiri makora, kweni ichi nthā ndi chinthu cheneko mu kachitiro ako.

<sup>29</sup> Umo ŵanthu muhanyauno ŵakuyezga kuyowoya, “Ise tikwenera kuchapa marundi kamoza pa chirimika, pa—pa Chinayi, ndipo pa Chinkhonde ise tikwenera kutora monesko,” na vyose visambizgo vyakupambanapambana vya...Iwo ŵakukangana za kuti kwali liŵe zuŵa *ili* panji zuŵa *ilo*, panji kwali liŵe zuŵa lakupumura panji zuŵa lakudanga la sabata; panji...Vinthu vyose ivi ndi myambo waka. Kasi ndi chikweme uli chingamuchitirani chirichose cha ichi, kwali imwe mukawa na Kuziŵizga panji kukaŵavye Kuziŵizga, usange mulije Umoyo mwa imwe? Ichi ndi chikumbusko waka. Cheneicho, kulije kaheni ku ichi, kweni iwo nadi ŵachita myambo yawo, kweni ŵachileka chinthu cheneko.

<sup>30</sup> Satana wakupwerera chara kwali imwe muli ŵasopisopi uli, panji umo imwe muliri ŵaneneska mu Chisambizgo chinu. Usange imwe mwauphonya Umoyo ula, imwe muzamuwuka chara, munthowa yiriyose. Kwali imwe muŵe ŵasopisopi uli, ŵaweme uli, kwali imwe muli kuŵa mu mipingo yinandi uli panji imwe muzamuwamo, ichi nthā chiri na chakuchita chimoza pekhapekha imwe muli kubabikaso.

<sup>31</sup> Ipo, usange Chiuta wakawuska Yesu ku ŵakufwa, kasi Iyo wakamuwuska Iyo kuzakaŵa chikumbusko? Ndipo kasi mlenji wa chiwuka uwu ndi a—zuŵa limoza pera mu chirimika, panji zuŵa linyake ilo ise tikukondwerera ichi? Panji, kasi ise ndise ŵahaliri ŵa chiwuka Chake? Kasi ichi chikung’anamura vichi kwa ine? Kasi ichi chikung’anamura vichi kwa imwe? Sono ise tikugomezga, mwa chipulikano, kuti Iyo wakawuka ku ŵakufwa, kweni kasi icho chiri na chakuchitachi na ine? Icho pakaŵa virimika thu sauzandi vyajumphā.

Sono kuti ndisange mutu uwu!

<sup>32</sup> Apo ine nkhaŵa kuti ndavuka, woko lane likaŵinyanga, chifukwa cha majekiseni agho nasi wakandilasa ine. Pakuti, ndirutenge kusirya kwa nyanja sono, umo imwe mukumanyira, mu mazuŵa ghachoko, ndipo ine nkhuynera kupokera majekiseni agha, mwana na ine. Ndipo na cholera, yellow fever, na chirichose, ine nkhavuka chomene, kundipanga ine kurwara. Cheneicho, Kesare wakukhumba kuti mupokere majekiseni agha pambere imwe mundarute mu charu chinyake. Ndipo Iyo

wakati, “Perekani kwa Kesare cheneicho ntcha Kesare, kweni ntheura perekani kwa Chiuta cheneicho ntcha Chiuta.”

<sup>33</sup> Ndipo apo ine nkhaŵa chikhalire kula, kughanaghananga icho ine ndiyowoye ku gulu ili likulindizga mlenji uwu; cheneicho ine ndiri wakuwonga chomene, ndipo mwanarumi na ŵanakazi awo ŵangamanya kuŵika umoyo wawo pa mzere chifukwa cha icho iwe uyowoyenge. “Kasi ine ndichite uli ichi? Kasi ine nditore vichi kuŵa mutu?”

<sup>34</sup> Ndipo ntheura apo ine nkhaŵa chikhalire kula, pafupifupi mutulo, chijaro chane chikalira, kuwaro kunthazi kwa nyumba. Kukaŵavye munyake kula kweni ndamwene, umo ine nkhamanyira. Ine nkhapulikizga. Ine nthā nkchapulika makora ichi. Pakati pajumpha kanyengo, chijaro cha ku balaza, uko ine nk huruta kukaŵazga, ichi chikalira, ndipo munyake wakarutirira kusunkhunyangā chijaro. Ndipo ine—ine nkharuta ku muryango ndipo nkchajura chijaro, ndipo, ku kuzizwa kwane, a—wakuwoneka makora, muchoko, wasisi la yellow, msungwana wa maso gha blu wakayimirira apo, wakawoneka ngati luŵa lichoko la chikondwerero cha Chiwuka; uyo wakhalā apa kulaŵiskanga kwa ine sono.

<sup>35</sup> Iyo wakandipa kadi ine. Ndipo ili likaŵa . . . Nkhumanya, ine nkhusachizga para ndakafika ku nyumba kwamkuŵa makadi gha chikondwerero cha Chiwuka, na vinyake ntheura; kweni limoza pera, pakufuma pa nyumba, ilo ine nkchpokera. Ndipo iyo wakati, “M’bale Branham, ili lafuma kwa adada na ine.” Iyo wakakhumbanga kuti wawoneseske kuti “ine” wakaŵamo mu ichi. Ndipo dada wake wakusuzgika marundi, wakakhala mu mpando wakutchika, wakatumizga kadi uyu. Para ine nkhati ndalitora ili ndipo nkchamuwonga wakutemweka muchoko, apo iyo wakang’anamuka ndipo wakafumapo pa muryango, ine nkchajura kadi.

<sup>36</sup> Ndipo mu kawonekero ka kadi ili ine nkchapanaga mutu wane. Pakuti, pa kadi pakaŵa Marko Mutuŵa 16:1 na 2, zuŵa lawoneka, zuŵa likafumanga. Ntheura ine nkchaghanaghana za icho, ndipo pamanyuma chisambizgo cha “kuisipuska,” kwa Yesu Khristu kuti wawuke ku ŵakufwa, ine nkchapanaga chisambizgo chane.

<sup>37</sup> Sono, zuŵa, pa kufuma kwa zuŵa. Inya, yikaŵako nyengo apo charu chikaŵa mu mdima weneko. Ichi chikaŵavye mawonekero, ndipo chikaŵa chambura kanthu. Ndipo chose chikabenekerereka na maji, ndipo chikaŵa kula mu mdima, chachitima, kaŵiro kambura chigomezgo. Ndipo Mzimu wa Chiuta ukayendanga pa maji ghara, ndipo ukati, “Kuŵeko kungweruka.” Chiuta wakaŵa na chifukwa chakuchitira icho, pakuti kusi nkhanira kwa maji ghara kukaŵa mbewu izo Iyo wakapanda, ndipo ichi chikayenera kuŵa na kuŵara kula kwa zuŵa kuti lipenge ichi chamoyo.

<sup>38</sup> Ndipo Kuwara kwakudanga kukaperekeka mu charu chapasi ghakaŵa Mazgu ghakuyowoyeka gha Chiuta. Kuwara kwakudanga uko kukaŵalira charu chapasi ghakaŵa Mazgu ghakuyowoyeka gha Chiuta. Iyo wakati, “Kuŵeko kungweruka,” ndipo kukaŵako kungweruka. Kula kukazgora mdima kuŵa kungweruka, mwakuti kuwoneske chilengiwa cha chimwemwe na umoyo pa charu chapasi. Ntheura, Mzimu wa Chiuta, apo Uwu ukayenda na chitemwa na chisungusungu, pa zuŵa likuru lira, zuŵa lakudanga la kuwonekera kwa chilengiwa pa charu chapasi; zuŵa likafuma ndipo likaŵalira palipose, marazi ghake, ndipo likakamuska maji pa charu chapasi, ndipo likapanga kaŵiro kuchanya. Ndipo, kwa nyengo yake yakudanga, ili likayenera kuti lipereke chimwemwe na umoyo pa charu chapasi, kwizira mu mbewu. Lira likaŵa ora likuru.

<sup>39</sup> Kweni, o, nthā chikaŵa chinyake, kufuma kwa zuŵa kula, ngati kufuma kwa zuŵa pa mlenji ula wa chikondwerero cha Chiwuka. Nyengo iyi, na zuŵa kuŵaliranga mu mitambo, ichi chikapangiska kufuma kukuru kwa zuŵa kuruska kwakale; chifukwa kukiza nkhani yikuru na kufuma uku kwa zuŵa, kuruska icho likachita na kufuma kwa zuŵa pa kudanga. Kufuma uku kwa zuŵa kukiza na nkhani, kuti, “Iyo wawuka! Iyo wasisipuskika kufuma ku ŵakufwa, umo Iyo wali kulayizgira. Iyo wawuka ku ŵakufwa.”

<sup>40</sup> Nyengo yakudanga zuŵa likafuma, mu Genesis, ili likaperekanga uthenga wakuti pazamkuŵa umoyo pa charu chapasi, umoyo wachivundi.

<sup>41</sup> Kweni nyengo iyi, para zuŵa likati lafuma, kukaŵa a—kufuma kwa zuŵa paŵiri; kunyake, Mwana, kufuma. Ichi chikaŵa . . . nthā kufuma kwa z-u-ŵ-a pera, wakaŵa M-w-a-n-a wakawuka kuti wapereke Umoyo Wamuyirayira ku Mbewu yose yikalayizgika na Chiuta kuti mwa kumanyirathu Iyo wakayiwona yikukhala pa charu chapasi.

<sup>42</sup> Kuŵavye chinyake nthēna—umoyo wa vyakumera ukaŵako kula pa chiyambi kwambura z-u-ŵ-a kuwutorera uwu ku umoyo; nthā pakuru kuruska, muhanyauno, apo ŵana ŵa Chiuta ŵali pa charu chapasi, chikutorera Kuwara kwa M-w-a-n-a kuŵatorera iwo ku Umoyo Wamuyirayira, ŵakusoreka Ŵake awo Iyo wakaŵamanya pambere charu chikaŵa chindaŵeko. Iyo wakaŵasankha iwo mwa Iyomwene pambere charu chikaŵa chindaŵeko.

<sup>43</sup> Ndipo pa mlenji wa chikondwerero cha Chiwuka, ntheura, mu dongo ili kumalo kunyake kukaŵa mathupi ghithu pa nyengo yira, pakuti ise ndise dongo la charu chapasi. Ndipo Kuchanya, kukaŵa Buku la chikumbusko, ndipo maukhaliro Ghake ghakaŵa mwa Iyo, pakumanya kuti pakuti Mwana uyu wa Chiuta wakawuka, Ichi chikamanya kuzakawuskira ku Umoyo mwana waliyose uyo wakakhozgekerathu ku nyengo



yikuru iyi. Iyo wakamanya ichi chizamkuŵa nthaura. Ndipo ndi kufuma kwa zuŵa kwauchindami uli uko kukaŵa kuruska uko kukaŵako pa chiyambi, pa nyengo apo likawoneka pakudanga.

Sono, pa kubanankhula kukuru uku kwa Chididimizgo cha chikondwerero cha Chiwuka!

<sup>44</sup> Sono, muhanyauno ise tiri na chakutikhwaska, chididimizgo cha chikondwerero cha Chiwuka. Ŵanthu ŵakutuma uthenga, yumoza kwa munyake, na kuti ŵavwire thumba likuru ili panji kwendeska, kuti madokotala na chigaŵa cha mankhwala kuti vigwire ntchito pa chinthu chinyake, kuti vitondeske panji kovwira kukhwaskika. Iwo ŵadidimizgika, icho ise tikuchema chididimizgo cha chikondwerero cha Chiwuka, para ise tikutuma uthenga yumoza kwa munyake. Kweni para ise tapokera uthenga, chididimizgo chira chikubanankhuka, chifukwa chididimizgo ndicho chiri na uthenga chakukakirira mkati.

<sup>45</sup> Ndipo sono, Chididimizgo cheneko cha chikondwerero cha Chiwuka, pa kufuma uku kwa zuŵa, chikabanankhuka; ndipo chisisi, cha Umoyo pamanyuma pa nyifwa, chikavumbukwa. Pambere nyengo yira yindafike, ise nthā tikamanya. Charu chikaŵa mu mdima, kwendendeka, kukayikira kwa munthu. Vigomezgo vikaŵa pakati pa mtima wa munthu, vyakupangika na mwambo. Ŵanthu ŵakasopanga vikozgo. Iwo ŵakasopanga zuŵa. Iwo ŵakasopanga mitundu yose ya ŵachiuta. Ndipo mitundu yose ya ŵanthu awo ŵakakopa tcheru, iwo wose ŵakanjira mu dindi, ndipo iwo ŵakakhala mu dindi.

<sup>46</sup> Kweni Chididimizgo cheneko chikabanankhuka, ndipo Yumoza Uyo wakaŵa wamoyo umo ise tiliri ŵamoyo, wakafwa umo ise tizamufwira, wakawuka ku ŵakufwa. Mlenji uli! Nthā ukaŵako umoza ngati uwu, mu mudauko wose wa charu. Chisisi chikavumbukwa kuti Iyo wakaŵa vyose chiwuka na Umoyo.

<sup>47</sup> Ndipo Iyo wakayowoya, para Iyo wakati wawuka pa mlenji ula, “Pakuti Ine ndiri wamoyo, imwe muŵengeso ŵamoyo.” Nthā Iyo wakaŵa muhaliri wa chiwuka pera, kweni Mbewu zose zira uho zikapumuranga mu phangano likuru la Chiuta zikaŵa muhaliri ku chiwuka chira cha ku Umoyo. Chifukwa, Iyo wakati, “Pakuti Ine ndiri wamoyo, imwe muzamkuŵa ŵamoyo namweso.” Kula kukaŵa kubanankhuka kwa Chididimizgo. Chifukwa Iyo wakawuskika, nthaura ndimo waliyose uyo wali mwa Khristu wazamkuwuskika pamoza na Iyo.

<sup>48</sup> Pa kufuma kwauchindami uku kwa zuŵa, Chiuta wakasimikizgira, panji wakakhozgera, Mazgu Ghake. Mawonekero ghoŵe gha vitima na nkhayiko ivyo vikanjira mu malingaliro gha ŵanthu vikafumiskikapo, chifukwa apa pakaŵa Iyo Uyo wakaŵa wamoyo, wakurya, wakumwa, na kuyanjana na mtundu wa ŵanthu, uyo wakati, “Ine ndiri na nkhangono kuŵika umoyo Wane pasi; Ine ndiri na nkhangono

kuwuwuskaso uwu.” Ndipo sono ntha Iyo wakayowoyapo waka pera, kweni Iyo wakasimikizgira ichi kuwa Unenesko. O, ndi chinthu chauchindami uli icho chiriko!

<sup>49</sup> Ine ndiri na chigomezgo mlenji uwu kuti nanga ndise, ise tikugomezga ichi, tingapulikiska chara kasi ntchinthu chauchindami uli icho chikawako. Chifukwa Iyo wakawuka ku wakufwa, ise naseso tiri kuwuka kale ku wakufwa, pakuti ise tika wa mwa Iyo.

<sup>50</sup> Wonani sono. Apo mdima ukabenekerera charu chapasi, ndipo mbewu ntha zikamanya kukhala zamoyo kwambura z-u-w-a kufuma, ndipo mdima ukabenekerera charu chapasi. Ndipo sono M-w-a-n-a wakawuka, ndipo mdima wose ukamara na Kuwara uku, apo Uku kuka walira charu chose, ku wanthu, kuti, “Iyo ntha wali umu, kweni Iyo wawuka!” Kasi a—kasi ndi makani uli! Iyo wakasimikizgira Mazgu Ghake. Iyo wakasimikizgira Ichi kuwa, kuti uka wa unenesko, pakuti Iyo sono wakatonda nyifwa, gehena, na dindi.

<sup>51</sup> Utatu wa devulu; nyifwa, gehena, na dindi; pakuti Satana ndi chata wa nyifwa, iyo ndi mweneko wa gehena, ndipo kweniso dindi. Ndipo ula uka wa utatu wa Satana, paku wa chakuyambiskika na chinthu chimoza, icho yika wa nyifwa. Nyifwa, imwe mukuruta ku dindi; ndipo paku wa wakwananga, imwe mukuruta ku gehena. Vyose chinthu chimoza chenechira, utatu wa Satana, cheneicho yika wa nyifwa. Icho chikamukakirira munthu mu umikoli virimika vyose ivi.

<sup>52</sup> Kweni sono utatu weneko wa Chiuta, paku wa Umoza ukawonekera mwa Khristu, Uyo waka wa Umoyo, ndipo wakabanankhula Vididimizgo ndipo wakamutonda murwani, ndipo wakawuka, yumoza muneneska ndipo Chiuta wamoyo. “Ine ndine Iyo uyo wakafwa, ndipo Ine ndiri wamoyo muyirayira, ndipo ndiri na makiyi gha nyifwa na gehena.” Chiuta, mu Yumoza, wakapangika Munthu, ndipo wakakhala pakati pithu, ndipo wakatonda murwani waliyose. Ndipo wakasimikizgira kuti utatu wa Satana ukathereskeka, ndipo kuti utatu wa Chiuta ukavumbukwa, chifukwa Chiuta yekha pera waka wa na nkhangono kuwezgeraposo Umoyo. Iyo waka wa Emmanuel yura. Chiuta wakawonekera mu thupi.

<sup>53</sup> Ndicho chifukwa Iyo wakamanya kuyowoya kula, Mateyu chipatulo 27, “Mazaza ghose Kuchanya na charu chapasi ghali kuperekeka mu woko Lane. Ine nkhutuma imwe kuti mu we wakaboni Wane, ku charu chose.” Iyo wakatonda vyose nyifwa, gehena, na dindi. Ntha Iyo wakachita icho pera; ndipo wakawuka, kutonda, na mazaza ghose Kuchanya na charu chapasi. Chose icho waka wa Dada, chose icho waka wa Mzimu Mutu wa, na chose icho chikawako, chika wa mwa Iyo. “Mazaza ghose Kuchanya na mu charu chapasi ghali kuperekeka

kwa Ine.” Chinyake chirichose ndi chambura nkhongono. Iyo wakathereska ichi.

54 Sono! Ndipo pamanyuma, ntha icho pera, Iyo wakatumama Mazgu ku wasambiri Wake, wakumugomezga Wake. “Mungopanga, pakuti Ine ndine Iyo uyo wakafwa, ndipo ndiriso wamoyo muyirayira. Ndipo Ine ndiri na makiyi gha ku nyifwa na gehena; Ine ndiri kuthereska kale ichi. Ntha mungachitangaso mantha, pakuti waliyose wakakhozgekerathu, Mbewu yakusankhikirathu ya Chiuta yizamkwiza ku Umoyo para Kuŵara kula kwaŵalira charu chapasi, kwa Ivangeli lauchindami. Mu muwiro uliwose, Uku kuzamuwoneska vuna iyo Chiuta wakayikhozgera Iyi kuti yizamuchita.” Iyo wakawuka ku wakufwa.

55 O, ndi chinthu chiweme uli icho chiriko, “Ine ndine wamoyo, panji wakusisipuskika.” Lizgu likung’anamura, lizgu lakuti *quickened*, lizgu la Chigiriki likung’anamura icho ndi chinyake icho “chazgoka chamoyo pamanyuma pa nyifwa.”

56 Ngati a—mbewu iyo yikunjira mu dongo, iyi yikwenera kuti yifwe, chigaŵa chirichose cha mbewu. Iyi yikwenera kuti yivunde, chigaŵa chirichose cha mbewu. Ndipo chigaŵa chirichose cha umoyo, uwo ukaŵa mu mbewu, ukwenera kuti uwonekereso.

57 Iyo “wakasisipuskika.” Ntha icho pera. “Ndipo ndizamutuma Umoyo weneula uwo ukasisipuska Ine, Nkhongono iyo yikandiwuska Ine ku dindi, Ine ndizamutuma Iyi pa imwe, kuti yimosisipuskeni imwe, kuti uko Ine ndiri kwenekuko imwe muzamkuŵa.”

58 Mu Luka, chipatulo 24, yesi 49. Iyo wakati, “Wonani, Ine nkhotuma phangano la Ŵadada pa imwe; kweni imwe khalirirani, panji lindizgani, mu msumba wa Yerusalemu, mpaka imwe muvwarikike na Nkhongono kufuma Kuchanya.” Kurongora kuti Iyo ntha wakatora vyawanangwa vyose ivi kufuma ku ichi, kweni Iyo wakagaŵizga vyawanangwa vira.

59 Iyo wakiza kuzakawombora, panji kupereka Umoyo, Mbewu zira zakusankhikirathu izo Chiuta wakaziwona pambere charu chikaŵa chindaŵeko ndipo wakaŵika mazina ghawo mu Buku la Umoyo. Ndipo apa iwo ŵali pa charu chapasi, ŵambura chigomezgo; Iyo wakiza ntha kuzakaŵa Thumbiko pera, kweni kuzakagaŵana Thumbiko na Mbewu yiriyose yakusankhikirathu. Sono, usange Mbewu ntha yikaŵenge pa charu chapasi, iyi nthena yikakhala yamoyo chara. Iyi yikayenera kuŵa pa charu chapasi, ndipo kweniso kumera. Kwali Iyi yisungike nyengo yitali uli mu mdima, Iyi yizamuwuka para M-w-a-n-a waŵalira pa Iyi. Wonani sono, Iyo wakiza kuzakagaŵana Ichi na ise.

60 Ndicho chifukwa Ivangeli ndi makani ghaweme. Lizgu pera lakuti *Ivangeli* likung’anamura “makani ghaweme.” Makani

ghaweme, ghavichi? Usange munthu wakafwa chifukwa cha ise, agho ndi makani ghaweme. Usange Khristu wakababika, agho ndi makani ghaweme. Kweni ntha makani, ntha ghakaŵako makani ngati makani agha, ghakuti, Iyo Uyo wakapanga phangano wakhozgera phangano, kuti, “Iyo ngwamoyo muyirayira, ndipo wali na makiyi gha vyose nyifwa na gehena, mu woko Lake.” Mdimu wose ukafumiskikapo. Ntha ukaŵakoso mdimu wakuti wuwoneke, pakuti Mwana wakawuka kufuma mu dindi. Ntha kukaŵako, “Inya, Iyo wazamkwiza, panji Iyo wafikenge.” Iyo wakaŵa kuti wafika kale, Ivangeli, makani ghaweme!

<sup>61</sup> Wonani, Uthenga weneula wa Ivangeli, Iwowene, ndi wakuti usimikizgire ku ŵanthu kuti Iyo wawuka. “Rutani mukaŵaphalire ŵasambiri Ŵane kuti Ine ndawuka ku ŵakufwa, ndipo Ine ndikumanenge nawo, kuti ndikhozgere ichi kwa iwo.” O Chiuta, umo mu nyengo iyi yaumaliro kuti kuzamkuŵa Kuŵara kamozaso pa charu chapasi! “Ndipo Ine ndisimikizgirenge ku ŵasambiri Ŵane! Rutani mukaŵaphalire iwo kuti Ine ndiri wakufwa chara, ndipo Ine ntha ndine mwambo, kweni Ine ndine Khristu wamoyo. Ine ndizamukumana nawo. Torerani Uthenga uwu ku ŵasambiri Ŵane, kuti Ine ndawuka ku ŵakufwa,” Ivangeli, makani ghaweme.

Imwe mukuti, “Ndi unenesko uwo?”

<sup>62</sup> Ŵahebere 13:8 wakati, “Iyo ndi mweneyura mayiro, muhanyauno, na muyirayira.” Ise, ŵahaliri Ŵake, tikwenera kuti tisimikizgire Umoyo Wake uli mwa ise sono, ŵahaliri ŵa Umoyo uwu. Umoyo, ntha ukaŵako umoyo ukakhalika umoyo ngati uwu; Iyo wakaŵa Mwana wa Chiuta. Ndipo Iyo wakafwa, ndipo chira chikajalira uwu kuwaro; kweni para Iyo wakati wawukaso ku ŵakufwa, pa mlenji wa chikondwerero cha Chiwuka, ntheura ise, ngati ŵateŵeti Ŵake, tikutumika na Iyo kuti tirute mu charu chose kuti tikapereke makani ghaweme agha kwa munthu waliyose, kuti Iyo ngwamoyo. Ndipo kasi ise tingachita uli ichi mwa Mazgu pera? Pakuti kuli kulembeka, “Ivangeli ntha likiza mwa Mazgu pera, kweni mu nkhangono na kuwonekera kwa Mzimu Mutuŵa, kusimikizgira kuti Iyo ngwamoyo.”

<sup>63</sup> Sono, usange kuli ivangeli linyake, umo Paulos wakayowoyera ku limoza la magulu, “ine nkhezizwa chomene kuti imwe mukang’anamukira ku ivangeli linyake.” Cheneicho ntha liriko linyake, kweni ivangeli la chigomezgo chakuchita kupanga, ku utesi wa bungwe, kufumako ku makani ghaweme ghara.

<sup>64</sup> “Ndipo pakuti Ine ndiri wamoyo, imwe muliso ŵamoyo. Ndipo Ine nkhekhalala mwa imwe, ndipo milimo iyo Ine nkhekchita,” Yohane 14:12, “milimo iyo Ine nkhekchita

yindimanyiskenge Ndamwene mwa imwe.” Uthenga uli! Ndicho chifukwa, ise tiri kuŵapo na charu cha mdima cha kusambira vyauchiuta, kweni mu nyengo yakumise kuzamkwiza Kuŵara kamozaso. Kuzamkuŵa chiwuka mu nyengo yakumise. Kuzamkuŵa Kuŵara mu nyengo yakumise.

<sup>65</sup> Sono, kuzirwa kwenekula kwa Uthenga uwo ukatumika, kuti, “Iyo wawuka ku ŵakufwa,” ise ŵahaliri Wake, ise taŵeneise tikugaŵana chiwuka na Iyo, tikutora phindu kufuma ku ichi, pa kuchita kusimikizgira ku charu kuti Iyo ngwamoyo. Ise ntha tingachita ichi mwa mazgu pera. Ise ntha tingachita ichi mwa mwambo unyake wa munthu. Ise tikuwoneska waka ndendende icho ise tikuratako.

<sup>66</sup> Ine ndiri na chitima muhanyauno kuti ŵanandi chomene ŵa ise ntha tikutorera ŵanthu kwa Khristu. Ise tikuŵatorera iwo ku mpingo, ku fundo za chisambizgo. Kweni ise tikwenera kuŵatorera iwo kwa Khristu. Iyo ndiyo Yekha pera, ndipo Yekha pera uyo wali na Umoyo. “Uyo wali na Mwana wali na Umoyo.”

<sup>67</sup> Ndipo usange umoyo wa munthu uyo ngwakufwa unjire mwa imwe, imwe mukhalenge umoyo weneula iyo wakaukhala.

<sup>68</sup> Usange ndopa za munthu zikaŵa mtundu unyake, ndipo imwe mukatora ndopa kufuma kwa munthu yumoza na kusintha ndopa za munthu yumoza yura kunjira mwa munyake, iyo nadi waŵenge mtundu ula wa ndopa.

<sup>69</sup> Ndipo usange mzimu winu uwo uli mwa imwe mwautora kuti ngwakufwa, ndipo imwe mwazozgeka na Umoyo uwo ukaŵa mwa Khristu, uli pa imwe! Ŵaroma 8:11 wakati, “Usange Mzimu uwo ukawuska Khristu ku ŵakufwa, ukukhala mwa imwe, Uwu usisipuskengeso thupi linu lachivundi,” Umoyo weneula, mazaza gheneghara, ŵahaliri ŵeneŵara, ivyo Iyo wakaŵa navyo pano pa charu chapasi, kufuma kwa Chiuta. Iyo wakamuwomborani imwe, Mbewu iyo yikamanyikwirathu na Chiuta, awo mazina ghawo ghakalebeka pa Buku la Mwanamberere Wamoyo pambere charu chikaŵa chindaŵeko.

<sup>70</sup> Ndipo Kuŵara kwa Ivangeli kula kwa chiwuka, kukhozgereka kwa Mazgu! Kasi ise tikamanya uli Iyo wakaŵa Khristu? Chifukwa Iyo wakasimikizgira icho Iyo wakayowoya. Kasi ine ndiumanyenge uli Uthenga wa nyengo? Chiuta wakusimikizgira icho Iyo wakalayizga, ndipo Iyo wakuyowoya za ichi. Icho ndi chimanyikwiwo, kuti ise ndise ŵahaliri pamoza na Iyo mu chiwuka. Iyo wakusimikizgira icho Iyo wayowoya.

<sup>71</sup> Icho Iyo wakalayizga kuchita mwa Khristu, Iyo wakasimikizgira pa chiwuka. Icho Iyo wakalayizga kuchita mu mazuŵa gha Moses, Iyo wakasimikizgira ichi. Icho Iyo wakalayizga mu mazuŵa gha Enoki, Iyo wakasimikizgira ichi. Mu mazuŵa ghose gha ŵapostole, Iyo wakasimikizgira ichi.

<sup>72</sup> Sono mu nyengo iyi, Iyo wakusimikizgira icho Iyo wakayowoya, chifukwa iwo ndi gawo la Mbewu yira

iyo yikalebeka pa Buku la Umoyo awo Iyo wakiza kuzakawombora kuwerera kwa Chiuta kamosaso. O, Uthenga uli!

<sup>73</sup> Pa mlenji wa chikondwerero cha Chiwuka, ntha Iyo wakawuka pera, kweni wahaliri Wake wakawuka pamoza na Iyo. Iyo . . . Iwo wakaŵa mwa Khristu pa kupayikika Kwake. Iwo wakaŵa mwa Iyo pa chiwuka Chake. Ise ndise wahaliri Wake, wakusisipuskika pamanyuma pakuŵa wakufwira mu mdima.

<sup>74</sup> Charu cha mdima cha kuwura kugomezga, uko mipingo na mabungwe, na vinyake nthaura, vikatiguzira kuwaro ise. Ndipo muli chinyake mwa ise chikuchema, “O, ise tikukhumba Chiuta! Ise tiri na njara na nyota ya Chiuta.” Ise tikajoyina Methodist, Baptist, Pentekoste, Prezibetere, na yinyake yinandi, ndipo kweni chikaŵapo chinyake chakwanangika, ise ntha tikamanya kuchisanga Ichi nyengo yira. Ndipo mbwenu kwamabuchibuchi, apo ise tikayendanga mu mdima, chiwuka chikuru chikiza kwa ise mu kuwonekera kwa Mazgu ghakulayizgika gha Chiuta.

<sup>75</sup> Umo, Iyo wakaŵa kuwonekera kwa Mazgu ghakulayizgika gha Chiuta. “Ine ntha ndizamkuwuleka uzima Wake mu gehena, nesi Ine ndizamkuzomerezga Yumoza Wane mutuŵa kuti wawona chivundi.” Iyo wakawoneskera Ichi, Lizgu lirilose la Chiuta ilo likalayizgika kwa Iyo. Iyo wakasimikizgira Ichi para Iyo wakati wawuka pa mlenji wa chikondwerero cha Chiwuka.

<sup>76</sup> Sono, iwo weneawo kale wakayendanga mu mdima na kuyungwayungwa, usange iwo wangachapa marundi pa zuŵa *ili*, panji usange iwo wangasunga zuŵa linyake, panji kuchita mndandanda unyake wa marango, vinthu vyose ivyo vikamara. Pakuti, kukaŵa chiwuka chauchindami icho chikakana chintha chirichose chakupangika na munthu icho munthu wakachita, kughanaghana kulikose kwa munthu.

<sup>77</sup> Ntha wakaŵako, kufika ku nyengo yira, munthu uyo wakamanya kuŵika umoyo wake pasi na kuwuwuskaso uwo. Iyo wakakana kusimikizgira kwa sayansi iwo wakaŵa nako, pa kuchita kuwukaso.

<sup>78</sup> Para iwo wakuyowoya, kuti, “Yesu Khristu ntha ndi mweneyura mayiro, muhanyauno, na muyirayira,” kuti, “Nkhongono Yake ntha ndi yeneyira,” kuti, “Ivangeli Lake ntha ndi lenelira,” apo Baibolo likuti Ichi ndi chenechira! Chiuta wakakana bungwe lirilose, kachitiro kachigomezgo chirichose, ndipo Iyo wakayenda na Mzimu Mutuŵa Wake, umo Iyo wakalayizgira, ndipo wakasimikizgira ichi kwa ise, kuti Iyo ngwamoyo.

<sup>79</sup> Ise ndise wahaliri ŵa chiwuka Chake, wakusisipuskika pamanyuma pakuŵa wakufwira mu charu, mu kwananga na majuyvo. “Iyo wali kutisisipuskira ise pamoza na Iyo, tikawuka

pamoza na Iyo, sono takhala m'malo gha Mchanyachanya mwa Khristu Yesu." Kutitorera Kwake . . .

<sup>80</sup> Mzimu Wake ukwizaso na Umoyo Wake weneula pa charu chapasi. "Usange Mzimu wa Chiuta, uwo ukawuska Khristu," thupi, thupi lakuzozgeka; usange Mzimu wa Chiuta ukazozga thupi lira mu nthowa yakuti, para Mbewu yira yikati yawa mu dongo, Iyo nthu wakazomerezga kuti Iyo kupumura mwenemula. Yayi. Iyo wakamusisipuska Iyo ndipo wakamuwuska Iyo. "Mzimu weneula," na milimo yeneyira, na Nkhongono yeneyira, na vimanyikwiro vyenevira, "viŵe mwa imwe, Uwu uzamkumuskaniso imwe."

<sup>81</sup> Ine nkhukhumba kuti ndimuŵazgireni imwe Lemba lichoko apa. Ine nkhukhumba kuti imwe mujure ku Lemba linyake ine ndalemba apa. Ichi panji chingamovwirani imwe pachoko. Ili likusangika mu Buku la Levitiko, chipatulo 23, vesi 9 kufika 11. Tegherezgani mwacheru. Mu dango, dango la Ulevi, Chiuta kuyowoyanga kwa Moses. Tegherezgani. Vinthu vyose ivi ndi mizgezge sono, ndipo ise tilekezgerenge apa pa nyengo zichoko kuti tinjire mu muzgezge uwu.

*Ndipo YEHOVA wakayowoya kwa Moses, kuti,*

*Yowoya ku ŵana ŵa Israel, ndipo uyowoye kwa iwo,  
Para imwe . . . mwakanjira mu charu icho Ine ndapereka  
kwa imwe, . . .*

<sup>82</sup> "Kufika ku malo, malo, agho Ine ndapereka kwa imwe. Sono iwe uyowoye ku ŵana ŵa Israel, kuti para imwe mwakafika ku malo ghanyake agha agho Ine ndiri kumulayizgani imwe kuti Ine ndamkumukhazikaniko imwe, para imwe mwakafika kula mu charu ichi." Sono kuyowoyanga chakuthupi apa, chikuyimira chauzimu.

*. . . ndipo mwamkukolora vuna yake (imwe mwapokera icho Ine nkhamuphalirani imwe), nthaura imwe mwamkwiza na mtolo wa vyakwamba kucha vya vuna yinu kwa wasembe:*

*Ndipo iyo wamkukhupuzga mtolo panthazi pa YEHOVA,  
kuti yizomerezgekere imwe: machero pamanyuma pa  
zuŵa lakupumura wasembe wazamkuyikhupuzga iyi.*

<sup>83</sup> Usange yikaŵako ndondomeko yiriyoŵe yituŵa, iyi yikwenera kuchitika pa zuŵa lakupumura, ilo likaŵa zuŵa la nambala seveni la sabata, leneilo ndi Chisulo. Kweni kasi imwe mukawona, mu chikumbusko ichi, kukhupuzga iyi pa zuŵa lakudanga la sabata?

<sup>84</sup> "Mtolo, weneuwo ukaŵa wakudanga wa mbewu yinu iyo imwe mukapanda, para iyi yikati yakura ndipo yikakhwima, imwe mukadumura mtolo uwu na kutorera uwu kwa wasembe. Ndipo mulekeni iyo watore uwu na kuwukhupuzga uwu panthazi pa Yehova, ku kuzomerezgeka kwinu, kuti imwe

mwazomerezgeka. Imwe mwafika na mtolo winu, ndipo iyo wakwenera kuti wakupuzge uwu panthazi pa Yehova, pa . . .”

<sup>85</sup> Ntha pa zuŵa la kupumura, zuŵa la nambala seveni; kweni pa zuŵa lakudanga, leneilo ise tikuchema Sabata, S-a-b-a-t-a.

<sup>86</sup> Nkhumanya, ilo ndi a—lizgu la Chiroma, leneilo iwo ŵakachema ili nyengo ya zuŵa ku chiuta zuŵa. Kweni umo ili liri kusinthira!

<sup>87</sup> Ntha ndi z-u-ŵ-a munthowa yiriyose. Ndi z-u-ŵ-a la M-w-a-n-a, zuŵa la Mwana, kuti njere yira ya Tirigu (Yumoza wakudanga wa Chiuta kuwuka ku ŵakufwa) wakwenera kukhupuzgika pa gulu, kuti ise tiri Mbewu Yake; ndipo ndi yakudanga ya Mbewu pa izo zikagona tulo, kukhupuzgika pa zuŵa lakudanga la sabata. Pa Sabata, Iyo wakawuka. Wakababayiska kuti paweme ndaruta, ndipo wakakwera Kuchanya, panthazi pa ŵanthu.

<sup>88</sup> Wonani, Iyi yikaŵa njere yakudanga ya Tirigu wa Chiuta iyo yikawuskika ku ŵakufwa, njere yakudanga ya Tirigu wa Chiuta. Na Nkhongono yakusisipuska ya Chiuta, Chiuta wakasisipuska umoyo Wake, wakamuwuska Iyo ku ŵakufwa, ndipo Iyo wakaŵa Vyakwambakucha vya awo ŵakagona tulo, Chakwambakucha. Iyo wakaŵa Mtolo ula.

<sup>89</sup> Ndicho chifukwa iwo ŵakayenera kukhupuzga mtolo ula, pakuti uwu ukaŵa wakudanga uwo ukafika ku kukhwima. Ndipo uwu ukakhupuzgika ngati chikumbusko cha kupereka viwongo kwa Chiuta, kugomezganga kuti yinyake yose yikhwimenge. Ichi chikaŵa chimanyikwiro.

<sup>90</sup> Ndipo, muhanyauno, pakuti Iyo wakaŵa Mwana wakudanga wa Chiuta kufika ku khwima kweneko, kuti waŵe mwa Chiuta, Iyo wakatoreka kufuma ku charu chapasi ndipo wakukhupuzgika pa ŵanthu. O, chisambizgo chauchindami uli! Na Nkhongono yakusisipuska, Yumoza wakudanga! Nangauli, Iyo wakaŵa—Iyo wakaŵa muzgezge; ndipo nyengo zinandi, umo ise tiwonerenge kunthazi, kuti Iyo wakaŵa muzgezge. Kweni uyu nadi wakaŵa Chakwambakucha cha awo ŵakagona tulo. Iyo wakakhupuzgika pa Mbewu yakulayizgika iyo yikaŵa na phangano la Umoyo.

<sup>91</sup> Iyo wakakhupuzgika pa Zuŵa la Pentekoste, “apo kukiza kapomezi kufuma Kuchanya ngati kukhupuzganga, mphepo yankhongono yakuputa,” ndipo yikakhupuzgika pa ŵanthu, ŵanthu ŵa pentekoste awo ŵakaŵa muchanya pa Pentekoste, kulindizganga Thumbiko kuti lifike.

<sup>92</sup> Ndipo kuti wakhupuzgikeso, ise tikumanya, mu nyengo yaumaliro, kwakulingana na Luka 17:30, mu zuŵa la Mwana kamozaso, “mu zuŵa apo M-w-a-n-a wa munthu wazamkuvumbukwa,” panji kukhupuzgikaso ku ŵanthu.



<sup>93</sup> Sono, Ndinjani Mwana wa munthu? “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi, ndipo wakakhala pamoza nase.” Ndipo usange kusambizga kose uko ise tiri nako, na kukhozgeranga kwa Mazgu gha Chiuta; mwa Mazgu gha Chiuta, mwa vimanyikwirowo, mwa vyakuziziswa, ise tikuwona muhanyauno, kuti mu Buku la—la Luka umu, kuti umo ise tanguŵazgira waka kufuma umu, panji a—Luka chipatulo 17 ndipo vesi 30; na Malaki 4, na Malemba ghakupambanapambana agho ise tikumanya, kuti Mazgu ghara kamoza ghakhupuzgika ku ŵanthu, kuti myambo yakufwa ya munthu njakufwa, ndipo Mwana wa Chiuta ngwamoyo kamoza na ubapatizo wa Mzimu Mutuŵa nkhanira pakati pithu, ndipo wakutipa ise Umoyo.

<sup>94</sup> Umo Khristu wakaŵa Yumoza wakudanga kuwuka, pa ŵaprofeti wose, na ŵanyake nthaura; nangauli chikuwoneka mu malo ghanandi, Iyo wakaŵa Vyakwambakucha vya awo ŵakagona tulo. Mu Mkwatibwi, kwiza kwa Khristu, kwiza kufuma mu mpingo, kukwenera kuti kuŵe Mtolo ukhupuzgikeso mu mazuŵa ghaumaliro. O, mwe!

<sup>95</sup> Kukhupuzgikanga kwa mtolo! Kasi mtolo wakaŵa njani? Yumoza wakudanga uyo wakafika pa kukhwima, yumoza wakudanga uyo wakasimikizgika kuti wakaŵa tirigu, uyo wakasimikizgika kuti wakaŵa mtolo.

<sup>96</sup> Haleluya! Ine ndiri na chisimikizgo kuti imwe mukuwona icho ine nkhuwoyoya. Uwu ukakhupuzgika ku ŵanthu. Ndipo nyengo yakudanga kuzamkuŵa kuwonekera, ku muwiro wa Mkwatibwi, ku chiwuka kufuma mu kaŵiro kamdima ka bungwe, uzamkuŵa Uthenga, kuti kukhwima kweneke kwa Mazgu kwawereraso mu Nkhongono ya uzari Wake, na kukhupuzgika ku ŵanthu, na vimanyikwirowo vyenevira na vyakuziziswa ivyo Iyo wakachita kale kula.

<sup>97</sup> “Pakuti Ine ndiri wamoyo, imwe muli ŵamoyo namweso,” kuyowoyanga ku muwoli Wake. “Pakuti Ine ndiri wamoyo, imwe muli ŵamoyo namweso.” Ndi chiwuka uli icho chira chikaŵa! Ndipo ndi chiwuka uli ichi chiri, kususipuskika ku ŵakufwa, “kuzgoka ŵamoyo mwa Khristu Yesu,” na Nkhongono yakususipuska ya Chiuta.

<sup>98</sup> Iyo wakakhupuzgika kwa iwo. Mazgu, cheneicho Iyo wakaŵa, ghakakhupuzgikaso kwa iwo pa Zuŵa la Pentekoste, Mazgu ghakawonekera. Sono, ndipo apo ine nkhuti, Uwu ukwenera kuti ukhupuzgikeso mu nyengo yaumaliro. Sono, mwa kuyezgerera . . .

<sup>99</sup> Imwe mukuti, “Inya, sono, lindizga miniti pera, M’bale Branham. Ine nkhuwumanya mpingo uwo . . .” Inya, ine nkhumanya, naneso. Mukuwona?

<sup>100</sup> Kweni sono, mwa kuyezgerera, uli usange—usange ise tikaŵenge kuti tirutenge kuwerera ku Tucson kumuhanya uwu,

sono, ndipo walioyose wa ise wakaŵa na . . . wakati warutenge mu a—Cadillac yikuru, yiphya? Ndipo mipando yose yikapangika kufuma ku—ku chikumba cha nyiska, chikumba chakulipwituka chomene, chakulipwituka ndipo chipusu kukhalamo; ndipo vyakudyakapo vikaŵa vyakunyonyofoka; sigiro yikaŵa ya siliva ndipo yikaŵa na tumagonkhomagonkho twa diamond yose zingirizge; ndipo injini yikayezgeka na wamekaniki kuti yikaŵa ndendende injini yakwenerera; ndipo vingerengere vikaŵa . . . vyose vikaŵa na mabeling'i ndipo vikaphakika girizi makora; ndipo matayara ghose ghakaŵa ghakuti ghangadoroka chara na kuti ghangaphulika chara; ndipo vyose vikayezgeka mwasayansi.

<sup>101</sup> Izi zikatoreka kufuma ku malo ghakupangira, zose ziŵiri, ndipo zose ziŵiri ŵakazuzga mafuta. Iyo ndi nkhangono yakulizgira, mafuta, chifukwa mu agha muli octane. Kweni sono para imwe mulizgenge izi, nangauli zose ziŵiri zikuwoneka zakukozgana, kweni pali yimoza ya izi yirije pulagi yiriyose, nkhangono yiriyose yakubuskira.

<sup>102</sup> “Inya,” imwe mukuti, “nkhangono yiri mu mafuta, M'bale Branham.” Kweni ine nkhpwerera chara ndi nkhangono yikuru uli yiri mu mafuta; pekhapekha muli pulagi mula kuti yiwoneske nkhangono yira, pekhapekha muli nkhangono mula kuti yikhozgere kuti ghara ndi mafuta, agha panji ghaŵa waka maji. Mpaka . . .

<sup>103</sup> Kwali ŵakusambira vyauchiuta ŵangayowoya chomene uli, umo imwe muli kukhazikiskira makora mpingo winu, masambiro agho imwe muli nagho, umo imwe mukulitemwera Baibolo; mpaka Mtolo ula wakukhupuzgika, mpaka Mzimu Mutuŵa wafike pa munthu yura kuti wasisipuske Mazgu ghara! Mafuta ghakuyimira Mazgu. Ichi ndi Unenesko; kweni, kwambura Mzimu, Iyi yiyendenge chara.

<sup>104</sup> Ise tiri kuŵika kuzirwa kukuru chomene pa mu Vyakupangira ndipo ntha chirichose pa Nkhangono. Ichi chikukumbikwa Nkhangono yikuru ya Chiuta, Nkhangono ya chiwuka ya Yesu Khristu pa Mpingo, kuti yiwoneskere na kuti yikwaniriske kuti *Agha* ndi mafuta. Agha panji ghangawā mu chigubu cha mafuta; agha panji ghangawā ndithu maji, wonani. Kweni chisimikizgo chekha pera cha ichi, ndi, ŵikani Umoyo uwu pa ichi, ndipo Ichi chisimikizgirengwe kwali ndi mafuta panji chara.

<sup>105</sup> Ndipo para imwe mukuyezga kuŵika Mzimu Mutuŵa mu bungwe, imwe mukuchita waka umo mukuyezgera . . . Imwe mungamanya kupulika kukhetemurika; imwe munangenge injini yinu, pa kuchita kuyizuzga iyi na masizira.

<sup>106</sup> Kweni, o, ine ndiri wakukondwa chomene kuti kuli Nkhangono ya octane teni sauzandi, Mazgu gha Chiuta na Mzimu Mutuŵa kuti vibuske Ichi, na kuti yiwuske Nkhangono

ya Chiuta kunjira mu umoyo wa mwanarumi, panji umoyo wa mwanakazi, panji kunjira mu mpingo. Yira yikakankhira Cadillac yira pa msewu uko, pasi pa Nkhongono yikuru ya Mzimu Mutuŵa yeneiyo yikizaso ndipo yikakhupuzgika pa ŵanthu pa Zuŵa la Pentekoste, kumupanga Iyo mweneyura mayiro, muhanyauno, na muyirayira.

<sup>107</sup> Kula kukaŵa Mtolo wakudanga ukawuka pa ŵaprofeti wose, uyo wakaŵa Mwana wa Chiuta, Fumu ya ŵaprofeti wose.

<sup>108</sup> Yiri kuŵako mipingo, mipingo, mikwatibwi, mikwatibwi, mipingo, mikwatibwi, mikwatibwi.

<sup>109</sup> Kweni kukwenera kuti wafike Yumoza! Haleluya! Kukwenera kuti kufike Mkwatibwi mweneko! Kukwenera kuti kufike Yumoza uyo nthu wali na Vyakupangira pera, kweni Nkhongono mu Ichi, kupanga Mpingo ula wamoyo, kuyenda mu Nkhongono ya chiwuka Chake. Mpaka ise tifique ku malo ghara, mpaka ise tighasange malo ghara, kasi chikuchita uweme uli kuti ise tipolishe vingerengere? Kasi chikuchita uweme uli kumupanga mwanakazi chisko chakuskerereka panji kumupa ntchito yakuguliska vyakupatulika, apo mulije Nkhongono mu ichi? Kwali Vyakupangira vingasimikizgika kuti ndi viweme uli, kukwenera kuti kuŵe Nkhongono kupanga Ichi kuti chigwire ntchito.

<sup>110</sup> Icho ndicho Iyo wakasimikizgira! Haleluya! Icho ndicho chikondwerero cha Chiwuka chikasimikizgira. Iyo nthu wakaŵa Mazgu pera, kweni Iyo wakaŵa Chiuta Iyomwene, Nkhongono, mu Mazgu. Icho chikapanga thupi la Yesu Khristu (lakuzizima, lakuti gwa, ndipo lakufwa, mu dindi) kusisipuskikira mu Umoyo na kuwukaso, na kukunkhuzgira libwe kutali. “Ine ndine Uyo wakafwa,” kufwa nadi mpaka zuŵa likati Iyo wakafwa, mwezi ukati Iyo wakafwa, nyenyezi zikati Iyo wakafwa. Chilengiwa chose chikati Iyo wakafwa. Ndipo sono charu chose chikwenera kuti chimanye kuti Iyo ngwamoyo kamosaso. Iyo nthu wakaŵa Vyakupangira pera, Mazgu gha Chiuta, Iyo wakaŵa Nkhongono kuti wasimikizgire Ichi.

<sup>111</sup> Ndipo apo Iyo, pakuŵa Mwenenthengwa, Mkwatibwi wakwenera kuti wafike, chifukwa Uyu ndi gawo la Iyo. Ndipo Ichi chingaŵa kuwonekera kwa kukwaniriska kwa mauvumbuzi ghose na ghanyake ghalighose ghali kuyowoya za Mkwatibwi; Ichi chingamanya kuwoneskera pera. Usange ichi chikuchita chinyake chakulekana na Mwenenthengwa, ndi Mkwatibwi chara. Chifukwa, Iyo ndi munofu wa munofu Wake, chiwangwa cha chiwangwa Chake; Umoyo wa Umoyo Wake, Nkhongono ya Nkhongono Yake! Mkwatibwi ndi Iyo! Umo mwanarumi na mwanakazi ŵaliri yumoza, ndipo mwanakazi wakatoreka kufuma ku lwandi lake; Mwanakazi wakatora Mzimu, Mzimu wa mwanakazi, kufuma ku Mwanarumi. Munofu kufuma ku lwandi la Mwanarumi, ukapanga vyose Vyakupangira na Nkhongono,

Muwoli. Mzimu wa Mwanarumi na munofu wa Mwanarumi, na kuwika ichi pamoza, ndipo vikapanga Vyakupangira na Nkhongono. Mpaka mpingo panji wanthu . . .

<sup>112</sup> Masewero ghose agha gha wakalulu pa chikondwerero cha Chiwuka, na vikumbusko, na mipingo yikuruyikuru, na vyakutoweskera, vizamutondeka na kumara.

<sup>113</sup> Mpaka Mpingo ula uzgoke vyose Nkhongono na Vyakupangira; ndipo Mzimu wa Chiuta, uwo ukamusuntha Iyo, kuti wachite vinthu ivyo Iyo wakachita! Usange Iyo wafika pa vibowo sikisitini, ntheura wachitenge Mkwatibwi. Amen! Pakuti Iyo wakayowoya, mu Yohane 14:12, “Uyo wakugomezga Ine, milimo iyo Ine nkchuchita wazamuchita nayoso. Ine ndizakumupa iyo languro la Nkhongono Zane, mu Vyakupangira vyake, kuti charu nthā chizamkuwa na nkhangono kulimbana na ichi; ndipo Ine ndizakumuuskaso iyo pa zuwa laumaliro.” Uwo ndi Uthenga wa chikondwerero cha Chiwuka, Nkhongono na Vyakupangira, pamoza! Vyakupangira kwambura Nkhongono, virije ntchito; nesi Nkhongono, kwambura Vyakupangira.

<sup>114</sup> Imwe mungamanya kulira na kuchemerezga, na kuduka kukwera-na-kukhira, chose imwe mukukhumba kuchita, na kukana Mazgu agha, ichi nthā chimuchitireninge chiweme chirichose. Imwe mukukhowora waka kuzungulira—mapistoni gha . . . Muli nayo pulagi umo kuti mubuske, kweni mulije mafuta ghakuti mubuskire ichi.

<sup>115</sup> Ichi chikugwira ntchito pera apo ivi vikukumana pamoza. Amen! Ntheura, yimoza yikhalenge chete, ndipo Yimoza yinyake yikwerenge muchanya. Ndicho chinthu chekha pera chiriko ku ichi. Kweni, yose yingamanya kuwoneka yakukozgana, yose yiwiri kuyowoya kuti ndi mipingo, yose kuyowoya kuti ndi Mkwatibwi. Kweni Umoza uli na Vyakupangira na Nkhongono, Ichi chikupangiska ichi kuchitika, cha icho Iyo wakati ndi Unenesko.

<sup>116</sup> Iyi yingayenda chara, kwali Vyakupangira ndi viweme uli, mpaka Nkhongono zifike. Para Nkhongono zafika, Moto ula ukupangika kuti ulumikizane na octane mu mafuta. Ndipo para Icho chaphulika, ichi chikupangiska kubuka, ndipo kubuka kukupangiska kusuntha kulikose, kwenda kulikose, pakuti Iyo ndi mweneyura mayiro, muhanyauno, na muyirayira. Icho ndi chiwuka. Iyo ndi Nkhongono yeneko ya Chiuta, Vyakupangira na Nkhongono. Wonani, “Ndi Mzimu uwo ukusisipuska.” Ndi a—ndi Pulagi iyo yikubuska. Ndi mphepo chara izo zikubuska; ndi Pulagi ndiyo yikubuska mphepo. Mukuwona?

<sup>117</sup> “Imwe mungachita kalikose chara kwambura Ine; kweni na Ine imwe mungachita vinthu vyose.” Apo Iyo ndi Mazgu, Ichi ndi Wadada wakukhala umoyo. “Wadada wakatumā Ine, ntheura Ine nkhutuma imwe. Umo Wadada wali kundipira nkhangono Ine na kundikankhira Ine mu chirichose, Ine nkchuchita

chekha icho ntchakumukondwereska Chiuta. Sono, umo Iyo wakatumira Ine, ntheura Ine nkhutuma imwe na Vyakupangira vyenevira, ndipo ichi chikutorera Nkhongono zenezira kuti ziyendeske Ichi. Ndipo vimanyikwiwo ivi viŵarondezgenge awo ŵakuyowoya kuti ŵali navyo Vyakupangira. Nkhongono zitorenge malo Ghake.”

118 Paulos wakati, “Ivangeli likiza kwa ise ntha mu Mazgu pera,” kwizira mu mafuta pera, “kweni kwizira mu Pulagi namoso,” kupanga Ichi kuti chiyende. Apo imwe muli. Uwu ukiza kwa ise mu kaŵiro ako.

119 Ndi Mzimu weneula, uwo ukamuwuska Iyo, uwo ukasisipuskira wakugomezga mweneko ku Umoyo Wamuyirayira. Sono kumbukirani, mwachigomezgo... Sono wonani, apo ise nyengo yithu yikumara. Wonani, “Mzimu weneula,” sono, Ŵaroma 8:1. Sono tiyeni tiŵazgeso waka icho kamozaso, mu Ŵaroma 8:1, ndipo ise tiwonenge icho ilo likuyowoya. Viri makora. Ndi Ŵaroma chara... Ine nkhung’anamura, 8:11, phepani.

120 Mu Ŵaroma 8:11, “Kweni *usange*...” Apo pali suzgo. Apo pali wakukoreka Wake.

*Kweni usange Mzimu wa iyo (Chiuta, Mzimu Mutuŵa)  
uwo ukawuska Yesu ku ŵakufwa ukukhala mwa  
imwe,...*

121 Sono, apo imwe muli, “Usange Mzimu wa Mwenenthengwa ukukhala mwa Mkwatibwi!”

122 Para Chiuta wakati wapanga mwenenthengwa Wake wakudanga, Iyo wakadanga kupanga mwenenthengwa, ndipo iyo wakaŵa vyose mwanarumi na mwanakazi, mu mzimu; wakamupanga iyo kufuma ku dongo la charu chapasi, kuti wamupange iyo wakukhwaskika. Ndipo wonani para Iyo wakati wapanga Eva, kufuma kwa Adam, Iyo ntha wakatora chiduswa chinyake cha dongo, Iyo wakatora kufuma ku chiduswa chenechira cha dongo; Mazgu geneghara, pakuti Adam wakaŵa Mazgu ghakuyowoyeka. Mukuwona? Iyo wakatora kufuma kwa mwanarumi, ndipo pamanyuma wakatora... Iyo wakaŵa na mzimu wa mwanarumi na mwanakazi. Ndipo Iyo wakawuskamo mzimu wa mwanakazi mwa Adam, ndipo wakaŵika uwu mwa Eva; ntheura ndi gawo ndithu la mzimu wa Adam, ndi munofu wa Adam. Ntheura, ukaŵa mzimu wa Adam, nkhongono, izo zikasisipuska vyakupangira vya thupi lake.

123 Ntheura Mkwatibwi nayoso wakwenera kuŵa munofu wa munofu Wake, na chiwangwa cha chiwangwa Chake. Ntheura kasi munofu uwu wachivundi uŵenge uli munofu Wake? Ise tifikengeko ku ichi mu miniti pera, wonani. Kasi ichi chikuchitika uli? Uli? Kasi kusandulika kukuru uku ndi vichi? Wonani.

*Sono usange Mzimu wa iyo (Chiuta) uwo ukawuska  
Yesu ku wakufwa ukukhala mwa imwe, uyo wakawuska  
Khristu ku wakufwa wazamusisipuskaso mathupi ghinu  
ghachivundi na Mzimu wake uwo ukukhala mwa imwe.*

124 O, mwe! Yumoza wakusankhikirathu, nkhumanya, ngati Mbewu yikanjira mu dongo, Yumoza uyo wakaŵa na Umoyo mwa izo. Wanandi ŵa iwo wakafwa; iwo wakawŵa waka mbewu zakuvunda; maji na vinthu vikaŵawotcha iwo. Kweni, imwe mukumanya, yikaŵako Mbewu yikaŵa kula yikanozgekera Umoyo. Chiuta wakayimanya Iyi yikaŵa kula.

125 Sono, Wakusankhikirathu ndi wakudanga kuti wasisipuskike na Mzimu Mutuŵa, pakuti Mzimu Mutuŵa wakwiza kuzakatora Ŵake Yekha. Sono, ichi ndi chakuzongoka sono, ndipo woneseskani kuti mwachikora makora ichi.

126 Sono, apo zuŵa likatumika kuŵalira pa charu chapasi, nthu kuti liwuske malibwe, agho ghakaŵa dongo naghoso, ku umoyo, ili nthu likaŵa lakuti liwuske dongo lose ku umoyo, kweni likaŵa lakuti liwuske gawo la dongo ilo likavungirizgika na umoyo.

127 Ndi wanthu wose chara wamupokererenge Khristu. O, yayi. Kweni awo Chiuta wakawamikira Umoyo, wawungirizgika na dongo linyake la charu chapasi, ndi Yumoza Iyo wakwiza kuzakasisipuska. Iwo ndi Weneawo.

128 Kuti, sono, dongo lira likamanya kukhala kula mu zuŵa, na kuti, “O, zuŵa lakale ili likotcha chomene!” Libwe lira, likuti, “Zuŵa lakale ili likotcha chomene!” Kweni kambewu kachoko kala, kakati, “Icho ndicho ine nkhubenja,” ndipo aka kakayamba kuphukira ku umoyo. Ili likasisipuska chigaŵa chira cha dongo. Chifukwa, zuŵa likatumika nthu kuti lisisipuske libwe, nthu kuti lisisipuske dongo, kweni kuti lisisipuske umoyo wa mbewu.

129 Sono, Mzimu Mutuŵa wakwiza sono. Nkhumanya, Uwu nthu ukatumika... Ntchifukwa uli wanthu wose nthu wapokerenge Uwu? Uwu nthu ukatumika kwa iwo.

130 Munthu wakandiphalira ine, “ine nkhubomezga chara. Ine nkhubwerera chara icho iwe uyowoyenge. Usange iwe ungawuska wakufwa, panji chirichose, na kuchizga warwari; na kusimikizgira Ichi, munthowa yiriyose; ine nkhubomezga ndithu chara Ichi.”

131 Ine nkhati, “Chara nadi. Iwe ndiwe wambura kugomezga. Ichi nthu chikung’anamura kanthu kwa iwe. Ichi nthu chikatumika nanga nkhuwa iwe. Uwu uli kutumika kwa awo wazamugomezga.”

132 Uthenga ngwa ku wakugomezga. Kwa awo waparanayikenge, Uwu ndi kupusa; kweni kwa awo ŵali mwa Khristu, ndipo gawo la Mbewu yira, Uwu ndi Umoyo.

133 Nkhani yane yichoko yakupweteka ya mlimi kuŵikanga sumbi pasi, panji sumbi la nombo pasi pa nkhuku. Mukuwona? Nombo yichoko yira yikaŵa, mwakufikapo, iyo yikaŵa—iyo yikaŵa yamawonekero ghachilendo, chilengiwa chichoko. Para mlimi uyu wakati wachita chinthu icho iyo wakachita, kuti waŵike sumbi ili la nombo pasi pa nkhuku yilara iyi. Ndipo iyi yikakonkhomora nkhuku yamawonekero-ghachilendo, ndipo iyi yikaŵa a—yikaŵa yachilendo, kanthu kachoko. Iyi ntha yikawoneka ngati ndizo. Mahungwa ghake ntha ghakaŵa ngati gha zinyake zose, ndipo iyo—iyo mbwenu. . . Iyo yikaŵa yachilendo, kanthu kachoko. Ndipo nkhuku zinyake zose zikamanya kuti iyi yikaŵa kanthu kachilendo. Ndipo nkhuku yikayendayenda. . .

134 Iyo ntha yikachitemwa nanga ndi chakurya yikayiryeskanga iyo. Iyo ntha yikatemwa kupalasa kula mu maunyakasi. Iyo, iyo ntha yikaŵa na chirichose chakuchita na icho. Ntheura iyo yikazizwa chifukwa icho iyo yikayenera kuŵira yachilendo pamalo para, munthowa yiriyose. Mukuwona? Ndipo iyo ntha yikalaŵapo chirichose chakuti. . . Iyo yikarya waka chakukwanira kuyisungirira iyi yamoyo, chifukwa iyo ntha yikatemwa kanwero ka ichi, wonani. Chifukwa, iyo ntha yikaŵa nkhuku, kufuma pakuyamba. Mukuwona?

135 Ndipo a—nkhuku yikamanyanga kuguska, ndipo, imwe mukumanya, “Mazuŵa gha minthondwe ghali kujumpha. Kulije chinthu chantheura. Joyina mpingo.” Ichi ntha chikapulikikwa makora, na kanthu kachoko. Ntheura iyo yikarondezga nkhuku mpaka zuŵa limoza mama wake. . .

136 Nombo yilara yikamanya kuti iyo yikatayira masumbi ghanandi ntheura, ndipo pakaŵa limoza likasoŵa. Iyo yikamanya kuti nombo yira yikaŵa kumalo kunyake, ntheura iyo yikayambako kukamupenja iyo. Ndipo iyo yikazungulira pachanya pa phiri, na kukhirira ku vidikha, na kunyake kulikose iyo yikamanya kuŵa. Kufika nyengo iyi, iyo, ndi nyengo yakuti iyo wababike. Ndi nyengo yakuti iyo wakonkhomoreke. Yikati, “Panyake chaholi wakiza ndipo wakatora sumbi lane; panyake chabaŵi. Ine nkhumanya chara. Chinyake chikanyamura sumbi lane. Kweni ine nkhumanya. . . Sumbi lira liri mu malingaliro ghane. Ine ndiri na mwana kumalo kunyake. Ine nkhuayenera kuti ndimupenje iyo.”

137 Ntheura ndimo wakuchitira Chiuta. Iyo ndi Nombo Yikuru yira. Mu maghanoghano Ghake Iyo wakamanya Iyo wazamkuŵa na Mpingo. Iyo wakamanya Iyo wazamkuŵa na ŵanthu. Palije kanthu kwali chikaŵavumbatira ntchivichi, palije kanthu kwali iwo ŵakakonkhomorekere pasi pa vichi, Iyo wakupenja. Iyo wakupenja Ŵake Yekha.

138 Ndipo zuŵa limoza, nkhani yikurutirira, nombo yilara iyi yikawurukira pachanya pa maunyakasi. Iyo yikalaŵiskanga

palipose, ndipo iyo yikamusanga iyo. O, ku chiwuka chira, kumanya kuti iyo nthā yikaŵa nadi nkhuḱu, nakwenenako. Iyo yikaŵa nombo! Ndipo iyo nyengo zose yikasambizgika kuti yilaŵiskenge pasi, kupenja chibenene panji chinyake mu maunyakasi. Kweni iyo yikapulika kuchemerezga, uko kukati, “Laŵiskani kuchanya kudera *uku!*” Ndipo iyo yikalawiska kuchanya kwa iyo, ndipo kukaŵa chilengiwa cha mapapindo fotini-fiti, chankhongono kuruska nkhuḱu zose zikaŵa mu maunyakasi, ndipo chikayowoya kuti iyo wakaŵa mwana wake.

Iyo wakati, “Mama, kasi ine ningafika uli kwa imwe?”

<sup>139</sup> Wakati, “Duka waka, yambapo kukhupuzga mapapindo ghako, pakuti iwe ndiwe nombo.”

<sup>140</sup> Wonani, iyo yikamanya kuti iyo yikaŵa na mwana kumalo kunyake. Paliḱe kanthu kwali iyo wakalerekerā mu vichi, iyo yiri na mwana kumalo kunyake.

<sup>141</sup> Ndipo Chiuta wakumanya! Haleluya! Iyo wali nayo wakusankhikirathu, Mpingo wakukhozgekerathu! Iyo wakumanya Iyo wali na ŵana ŵanarumi na ŵana ŵanakazi, na Mkwatibwi, kulindizganga kumalo kunyake; para Mzimu Mutuŵa wayamba kuwurukira pachanya pa uwu, Mtolo ula wakukhupuzgika. O, mwe! Iyo ndi mweneyura mayiro, muhanyauno, na muyirayira. Nthā nkhanī yinyake yakwatika, kweni chenekocheneko!

<sup>142</sup> Paliḱe kanthu kwali mbalinga ŵakayezga kuyiphalira iyo, “nombo,” iyo nthā yikamanya kasi nombo chikaŵa chivichi. Kweni, iyo yikaŵa nombo. Iyo nthā yikamanya kupulikiska ichi mpaka iyo yikawona chinthu chinyake icho chikakozgana nayo, icho iyo yikakozgana nacho, mphanyiko.

<sup>143</sup> Ndipo para ise tikuwona, nthā bungwe, nthā Ph.D., nthā LL.D., nthā muzengezgani muweme; kweni mwana wa Chiuta wakuwumbika mu chikozgo cha Chiuta, na Nkhongono yikuru ya Chiuta kuti wazgore pempho la zuŵa ili, kuti Iyo ndi mweneyura mayiro, muhanyauno, na muyirayira, nthā yiriko nkhuḱu yimukanizgeninge imwe. Iyo wakupenja Mama wake. Iyo ndi nombo, kufuma pakuyamba. Iyo yikumanya. Nombo yeneko iyi yikumanya ntchemo ya Mazgu gha Chiuta. Chifukwa? Iyo ndi nombo. Nombo ku nombo! Mazgu pambere charu chikaŵa chindaŵeko, Mazgu ku Mazgu! Mazgu, wakusankhikirathu, ku Mazgu ghakulembekera ku ora. Imwe mukughamanya malo ghinu. Iyo wakupenja Ichi.

<sup>144</sup> Ichi nthaura, thupi la pacharu chapasi ili, likusisipuskika ndipo likuwuskika na Mzimu wakusisipuska wa Chiuta ku kupulikira Mazgu gha Chiuta.

<sup>145</sup> Mwaluŵiro. Para iyo yikakhumba kuti yimanye umo iyo yingakafikira kula na iyo, iyo yikasambizgika kuti iyo yingachita chara icho. “Iwe ungafika chara muchanya kuruska umo iwe ungadukira.” Iyo ndi nkhuḱu. Mukuwona?



Kweni nombo iyi yikati, “Icho chiri ntheura chara.”

“Inya, zilaŵiske nkhuku!”

<sup>146</sup> “Kupwerera chara icho nkhuku ziri, iwe ndiwe nombo. Yambako waka kutambasura mapapindo agho, ndipo chita masipotisi pachoko mwa igho. Yambako kukwerera muchanya!”

<sup>147</sup> Mazgu ku Mazgu! “Milimo iyo Ine nkhuchita imwe muzamuchita namweso. Uyo wakugomezga mwa Ine, milimo iyo Ine nkhuchita iyo wazamuchita nayoso.” Mukuwona? “Pakuti Ine ndiri wamoyo, iyo ngwamoyo nayoso.” “Ndipo usange Mzimu uwo ukamuwuska Iyo ku ŵakufwa ukukhala mwa imwe, Uwu ukusisipuska thupi linu lachivundi.” Mukuwona?

<sup>148</sup> Kasi Uwu ukuchita vichi? Sono tegherezani, mwakuti imwe mumanye. Ndipo chikondwerero ichi cha Chiwuka, ine nkhukhumba kuti ichi ching’anamure chikuru kwa imwe kuruska chikondwerero cha Chiwuka chirichose chikachita. Mukuwona? Ine nkhukhumba kuti imwe muchiwone ichi. Ise tikumanya icho Ichi chikamuchitira Iyo; kweni ine nkhukhumba kuti imwe muchiwone ichi, nthā chizamuchita, Ichi chamuchitirani chimozimozi imwe. Mukuwona? Kasi Ichi chikuchita vichi? Ichi chikusisipuska thupi lachivundi. Thupi lachivundi ili umo ise tikukhala, Ichi chikusisipuska ili, mu mazgu ghanyake, kulitorera ili ku Umoyo.

<sup>149</sup> Sono, imwe kale mukayenda na chingambwe chikuru mu mlomo winu, na chirichose, panji mulu wa ndudu; ndipo imwe ŵanakazi imwe kale mukaŵa na sisi lifupi, mukaphoda, ndipo mukachita viheni, ndipo mukavwara ŵakabunthu, na vinthu ngati ivyo; mbwenu pa nyengo yimoza, Chinyake chikachemerezga, ndipo imwe mukalaŵiska pasi uku ndipo Ichi ghakaŵa Mazgu. Wonani, Ichi chikasisipuska linu . . . Imwe mukati, “Ŵakabunthu kwa ineso chara, moŵa kwa ineso chara, boza naleka, kwiba naleka, naleka *ichi, icho.*” Mukuwona? Mzimu uwo ukamuwuska Iyo ku ŵakufwa, kukhalanga mwa imwe, uzamutoraso mathupi ghinu ghachivundi, dongo la charu chapasi, mu kupulikira. Imwe mukuwona? Kasi ntchichi ichi? Kupulikira ku vichi? Khristu. Khristu ndinjani? Mazgu. Nthā kusambira vyauchiuta, kweni Mazgu!

<sup>150</sup> Pamanyuma imwe mukuyowoya, kuti, “Vinthu ivi, o, ine nkhughanaghana chiri makora kuti ŵanakazi ŵavwarenge vyakuthina.”

<sup>151</sup> Apo, Mazgu ghakati, “Yayi.” Wonani, Ichi chikumusisipuskirani imwe ku Icho. Mukuwona? Imwe mukuguzikira ku Ichi. Wonani, ndimwe, pamanyuma. Ichi chikuzgoka . . . Imwe mukuzgoka gawo la Mazgu. Ichi chikawuska thupi linu, nthā . . .

<sup>152</sup> Inya, imwe mukuti, “Inya, sono, lekani ine ndimuphalireni chinyake imwe. Mliska wane . . .” Ine nkhupwerera chara icho mliska wako wakayowoya; ndi icho Mazgu ghakuyowoya!

Usange iwe ukukhumba kuwa nkhuku, rutanga na iyo. Kweni usange mliska wakuyowoya chakulekana na Mazgu agha, nthaura iyo ndi mliska wa nombo chara; u-nhu, iyo ndi mliska wa nkhuku, wonani, nthwa wa nombo. Mukuwona? Nombo yikurya Chakurya cha nombo. Mukuwona? Ichi chikusisipuska!

<sup>153</sup> Baibolo likati ndi kwananga kuchita icho, ndipo mwanarumi na wanyake nthaura na icho mose imwe mukuchita, ndi kwananga. Mukuti, “Mazuwa gha minthondwe ghali kujumpha.” Baibolo ili likati Iyo ndi mweneyura mayiro, muhanyauno, na muyirayira. Usange iwo wakuti, “Uko ndi kuwazga malingaliro. Ndipo ndi mtundu unyake wa kuwazga malingaliro, kusanda uku. Ndipo mboniwoni zose izi na vinthu, ndi kupusa,” wonani, iwo ndi nkhuku. Iwo nthwa wakumanya kasi Chakurya cha nombo ndi vichi.

<sup>154</sup> Kweni, m'bale, para iwe wapulika kuchemerezga uko, muli Chinyake mwa iwe! Iwe ndiwe nombo, kufuma pakuyamba. Chifukwa? Iwe ndiwe Mbewu yira, iyo kuwuka kwa M-w-a-n-a kwa walirapo, na Mtolo wakukhupuzgika pa charu chapasi, kukupanga iwe kumanya kuti iwe ndiwe nombo ndipo nthwa nkhuku ya bungwe. Imwe mukuchiwona ichi? Ha!

<sup>155</sup> “Usange Mzimu uwo ukamuwuska Iyo ku wakufwa,” Mazgu, Nkhongono ya Mazgu, “ukukhala mwa imwe, Uwu ukusisipuskaso thupi linu lachivundi.” Sono tikuwa uli ise munofu wa munofu Wake na chiwangwa cha chiwangwa Chake? Chifukwa, mwaluwiro, apo ise tika wa wanthu wakwananga, wanthu, wakunozgekera kufwa, mathupi agha, Uwu ukusisipuska thupi lira. Kasi *kusisipuska* ndi vichi? “Kutorera ku Umoyo.” Mzimu uwo kale ukatemwanga kumwa, kuchimbira uku na uku, kuchita uzaghali, na vyose ivi, uwu wasisipuskika; chifukwa, chinthu chikafwa, ndipo imwe mwawuskika. Uwu ukusisipuska thupi linu lachivundi.

<sup>156</sup> Ipo, mathupi ghinu ndi tempile la Nkhongono, chifukwa (chavichi?) kufuma pakudanga imwe ndimwe gawo la Vyakupangira. O! Apo pali chiwuka chinu. Apo pali Mpingo mu chiwuka, pamoza na Iyo. Mathupi agha sono nthwa ngakusisipuskika. Wonani, imwe mwapulika; imwe mukugomezga. Uwu ukamusinthani imwe kufuma ku bungwe kufika ku Mazgu. Mukuwona?

<sup>157</sup> Nkhongono, usange Iyi yafika pa maji, iyi yimbini nskenge waka; “Mazuwa gha minthondwe ghali kujumpha.” Tukumu-tukumu-tukumu, “O, ine nkugomezga Baibolo,” tukumu-tukumu-tukumu, “kweni kula—nthwa chiriko...” Tukumu-tukumu-tukumu! Mukuwona?

<sup>158</sup> Kweni para Iyo wafika wanu sauzandi octane yira, “Whrrrrr,” iyo yikuruta kutali, imwe wonani. Uli, mwe, Nkhongono zatchaya Icho! Kweni Iyi yikhwaske nkhuku, ichi nthwa chichitenge chiweme. Kweni para Iyi yakhwaska nombo,

iyoyikufumapo. Amen! Nkhongono pamoza na Vyakupangira! Mukuwona icho ine nkhung'anamura? Ndiko kuti, usange iyoyi ndi nombo yeneko sono, iyoyi "wapulikiskenge."

<sup>159</sup> Lekani ine ndimurongosorereni Lemba lichoko apa imwe. Ine nkhughanaghana kuti ise tadumulika pa foni, kweni ise tichali muno. Yohane Mutuŵa 5:24, Yesu wakati, "Uyo wakupulika Mazgu Ghane, ndipo wakugomezga pa Uyo wakandituma Ine, wali na Umoyo wamuyirayira." Sono wonani, ine nkhiruta pa msewu ndipo nkhiruta icho umo chayowoyekera, icho Ili liri, kwambura kapulikiskiro kauzimu... Ntha kupanga Ili kuyowoya chinthu chinyakeso, kweni kuyowoyanga waka icho Ili likuyowoya, wonani, lizgu lakwenerera apo, mu Chigiriki, mu chiyambi, ili likuti, "Uyo wakupulikiska Mazgu Ghane."

<sup>160</sup> Sono, tisimikizgire icho ndi unenesko. Ine nkhiruta kusika uku, ndipo apa pali muroŵevu wakwenda pa msewu, ndipo wali na mwanakazi wa mwanarumi munyake pa mawoko ghake, ndipo wakutuka, ndipo wakutora Zina la Chiuta pawaka, na chinyake chirichose ngati nthaura. "Wakuti, kasi iwe ukapulika icho mupharazgi yura wakayowoya? Ukapulika iwe?" "Inya, ine nkhapulika Ichi!" Icho ntha chikung'anamura iyoyi wali na Umoyo Wamuyirayira. Mukuwona? Mukuwona?

"Uyo wakupulikiska Mazgu Ghane," uyoyi ndi nombo!

<sup>161</sup> "Sono, M'bale Branham, ine nkhuumba Malemba ghanandi kuruska ilo."

<sup>162</sup> Viri makora, "Mberere Zane zikupulika Lizgu lane. Mlendo ntha zimurondezgenge."

<sup>163</sup> Ngati mu nkhani ya *Nthengwa Na Kupatana*, zuŵa linyake. Para Mzimu Mutuŵa wakati wandiphalira ine icho, ine nkhiruta nkhayowoya waka ichi ndendende umo Iyo wakandiphalirira ine.

<sup>164</sup> Mupharazgi munyake mwanakazi wakandikwenyerezga chomene ine, kundilaratira pachoko. Iyo wakati, "ine nkhusachizga iwe ukutora malo gha Chiuta?"

Ine nkhati, "Chara, mama."

<sup>165</sup> Wakati, "Inya, iwe ukawaphalira iwo kwananga kwawo kwagowokereka." Nkhati, "Nkhu?" Wakati, "Chiuta pera wali na mazaza." Wonani, muFarisi munyake. Mukuwona? . . . ? . . .

<sup>166</sup> Ine nkhati, "Iwe wona, mwakuti iwe panji ungamanya, kuti, Yesu wakaphalira Petros na wapostole, pamanyuma pakuti iyoyi wakaŵa na uvumbuzi wa Icho Iyo wakaŵa."

Iyo wakamuphalira Iyo, "Imwe ndimwe Khristu, Mwana wa Chiuta."

<sup>167</sup> Iyo wakati, "Wakutumbikika ndiwe," wona, "mwana wa Jonas; thupi na ndopa ntha vyavumbulira Ichi kwa iwe,

kweni Wadada Wane awo wâli Kuchanya wâvumbura Ichi. Pa jarawe ili Ine ndizengengepo Mpingo Wane; vipata vya gehena viwutondenge chara Uwu. Ndipo Ine nkhubereka kwa iwe makiyi; chirichose iwe ukakenge pa charu chapasi, Ine ndikakenge ichi Kuchanya; icho iwe usutulenge pa charu chapasi. . .”

168 Icho ndi uvumbuzi ula Wauzimu wa Mazgu kuzgoka thupi. Usange Ichi likaŵa thupi mu zuŵa lira mwa Mwana, Mwenhengwa, Ichi ndi thupi muhanyauno mwa Mkwatibwi. Mukuwona? “Waliyose uyo mukumugowokera zakwananga zake, kwa iwo zagowokereka; waliyose uyo mukumugowokera chara zakwananga zake, kwa iwo zindagowokereke.”

169 Sono, mpingo wa Katolika ukatora icho ndipo ukutorera ichi ku wâsembe wâwawo, kweni icho ntchakuthupi.

170 Wonani, chikaŵa chazimu, Mazgu ghakuvumbukwa agho ghakachita ichi!

171 Ndicho chifukwa Iyo wakaŵaphalira iwo kuti wârute wâkabapatize mu “Zina” la Wiske, Mwana, Mzimu Mutuŵa. Iyo wakamanya iwo wâkamanya Icho Iyo wakaŵa.

172 Nkhayowoyanga kwa mupharazgi muchoko zuŵa linyake, iyo wakayowoya kwa ine, iyo wakati, “Sono, M’bale Branham, ine ndiri kufuma ndipo nkhojyina, nkharuta uko ku mpingo *wakuti—wakuti* mpingo, wa Pentekoste.”

173 Uko, wâ Pentekoste sono wâli kuyamba kutora chibama charaundi, imwe mukumanya. Imwe muli kupulika za icho, ine nkhusachizga; chakupatulika, chiuta-mwezi, imwe mukumanya. Ndipo iwo wose wâkachizomera ichi ndipo wâkutora ichi. Mwanarumi uyu wakayowoya. . . Lake-gulu lake likaruta kwa iyo; iyo wakati, “Icho ine ndatumbika ndi chakutumbikika.” Sono, icho ndicho wasembe wakuyowoya chara, iyo “wali na nkhangono kuzgora ichi kuŵa thupi la Khristu”? Wonani, mbwenu waka sikisi pa chimoza na hafu wa dazeni wa chinyake, kuyana waka.

174 Ndipo iyo wakati, “ine nkhuumba kuti ndikufumbe chinyake iwe.” Iyo wakayezganga kugwentha nkhanu yira ya ubapatizo mu Zina la Yesu, chifukwa uyu wakaŵa mwanarumi uyo wakati ichi wakaŵa—wakaŵa chikanakhristu uyo wakachita icho. Iyo wakati, “Kasi iwe ukughanaghana kuti ndi chakwenerera kuti munthu wabapatizike mu Zina la Yesu Khristu?”

Ine nkhati, “Inya, bwana.”

175 Iyo wakati, “Pamanyuma pakuti iyo wabapatizika mu Zina la ‘Wiske, Mwana, na Mzimu Mutuŵa’?”

176 Ine nkhati, “Inya, bwana. Iyo ntha wali kubapatizika, ng’o. Mukuwona? Iyo ntha wali kubapatizika, ng’o; palije Zina.

Uwo ndi udindo.” Ine nkhati, “Ichi chikumanyikwa chara.” Ine nkhati, “Ntchifukwa uli—ntchifukwa uli Petros. . .”

177 Iyo wakati, “Inya, sono, leka ine ndikuphalire chinyake iwe.” Iyo wakati, “Sono, mu Milimo 10:49, iyo wakati, ‘Apo Petros wakaŵa wachali kuyowoya mazgu agha, Mzimu Mutuŵa wakawa pa iwo.’”

178 “Kweni,” ine nkhati, “iyo wakang’anamuka ndipo wakati, ‘Kasi munthu wangakanizga maji kuti aŵa ŵaleke kubapatizika?’”

179 Iyo wakati, “Inya, iwe wayowoyanga kudera kula, kanyengo kajumpha, za Milimo 19, uko Paulos wakayendera ku madera gha kumtunda mumphaka za Efeso, wakasanga ŵasambiri ŵara.” Ndipo wakati, “Chifukwa,” wakati, “iwo nthā ŵakabapatizika mu Zina la Wiske, Mwana, na Mzimu Mutuŵa.”

180 Ine nkhati, “Chara, iwo ŵakabapatizikira ‘ku kurapa,’ nthā ku kugowokereka ku zakwananga. ‘Ku kurapa,’ chifukwa Yesu wakaŵa wandamanyikwe. Sembe yikaŵa yindakomeke.”

Iyo wakati, “Inya, ntchifukwa uli iwo ŵakayenera kuti ŵabapatizikeso?”

181 Ine nkhati, “Munthu uyo wakaŵa na makiyi, wakayowoya ichi, ‘Pakuti chimanyikwe kwa imwe kuti kulije Zina linyake kusi kwa Mtambo liri kuperekeka pakati pa ŵanthu, mwenemumo imwe mukwenera kuponoskekeramo.’”

182 Chiponosko chekha pera chikwendera mu Zina la Yesu Khristu. “Chirichose imwe mukuchita mu mazgu panji mlimo, chitani chose mu Zina la Yesu Khristu.” Kulije Zina linyake, kulije mpingo, kulije mndandanda wa kalamuliro, kulije maudio, panji kulije chirichose! Kweni, Iyo ndi Luŵa Liswesi la ku Sharon, Luŵazoto la Mdambo, Nyenyezi Yamlenji, Alfa, Omega, Chiyambi na Umaliro, Jehovah-jireh, -rapha, -manasseh, vyose ivi. Iyo ndi vinthu vyose ivi, kweni ndipouli Iyo. . . Mulije chiponosko mu lirilose la maudio agho; *Yehova*, mulije chiponosko; *Luŵa Liswesi la ku Sharon*, kweni Iyo wali, mulije chiponosko; *Wiske, Mwana*, panji *Mzimu Mutuŵa*, mulije chiponosko. Zina lekha pera la “Yesu Khristu!” Ndipo nthaura Baibolo likayowoya, kuti, “Kurapa na kugowokereka ku zakwananga kukwenera kuti kusambizgike mu Zina Lake, kuyambira ku Yerusalemu, na kufika ku vigoti vya charu chapasi.”

Iyo wakati, “Kasi iwe ukughanaghana kuti ichi chikupanga mphambano yiriyo?”

183 Ine nkhati, “Bwana, ine nkikhumba kuti ndimufumbeni chinyake imwe.” Iyo na ine, na muwoli wane, tikakhala pa thebulo. Iyo wakasezgekapo waka. Wakandiwona ine, wakaruta. . . Ine nkhati, “Ise tose ndise ŵina Arizona; ise

tikukhala kuno. Ndipo ine, ndipo ise tikulimanya gulu lithu, na chigaŵa chithu, na vyose, na mulara withu wa msumba, mulamuliri, chirichose.”

Iyo wakati, “Inya.”

<sup>184</sup> Ine nkhati, “Sono, usange ine nkhakuphalirenge iwe, m’bale, kuti, ‘Ruta kudera uku ndipo ukachemeske chakurya chithu, mu zina la Mulamuliri wa Boma la Arizona,’ kasi iwe urutenge na kukachemeska ichi mwantheura? Kasi iwe ukughanaghana kuti iwo ŵachipokererenge ichi pa desiki?”

<sup>185</sup> “Chifukwa,” iyo wakati, “ine nkhusachizga ŵangachita chara.” Iyo wakati, “Ntchifukwa uli Yesu wakayowoya icho?”

<sup>186</sup> Ine nkhati, “Ichi ndicho, wona. Chifukwa? Usange ine nkhakuphalirenge iwe kuti ‘ruta ukachemeske chakurya ichi, mu zina la Mulamuliri wa Boma la Arizona,’ ndipo ise pakuŵa ŵenekokaya ŵa Arizona, ndipo tikumanya kasi Mulamuliri ndinjani, chifukwa, iwe umanyenge kuti uchemeske ichi mu zina la ‘Sam Goddard,’ wona.” Ine nkhati, “Chifukwa, iyo ndi Mulamuliri wa boma. Ine ntha nkhuwenera kuti ndikufumbe iwe. Iwe ukumanya kasi Mulamuliri ndinjani. Ndipo, para Iyo wakati, ‘Wiske, Mwana, na Mzimu Mutuŵa,’ Iyo wakamanya umo iwo ŵamkubapatizira. Iwo ŵakamanya Icho Iyo wakaŵa. ‘Mberere Zane zikupulika Lizgu Lane.’ Ukuwona? Ukuwona?”

Iyo wakati, “O, ine ndachiwona.”

<sup>187</sup> Kweni sono, chinthu chinyake, kasi iwe ugomezgenge? Ukuwona? “Uyo wakupulika Mazgu Ghane, ndipo wakugomezga Uyo wakandituma Ine, wali na Umoyo wamuyirayira.” Ndipo para Umoyo Wamuyirayira uphya uwu ukukhala mwa iwe, Ichi ndi mwachigomezgo.

<sup>188</sup> Para imwe mwapokera Mzimu Mutuŵa uwu sono, uwo iwo ŵakapokera pa Pentekoste; iwo ŵakaŵa vyakupangira, sono Nkhongono zikayenera kuti zifike. Iwo ŵakagomezga. Imwe mukumanya, ŵabwezi ŵithu ŵaweme ŵa Baptist ŵakutiphalira ise, “Para ise tagomezga, ise tiri nawo Uwu.” Kweni, iwo ntha ŵakaŵa nawo Uwu, ndipouli iwo ŵakagomezga.

<sup>189</sup> Milimo 19, iwo ŵakagomezga, kweni iwo ntha ŵakaŵa nawo Uwu. “Kasi imwe muli kupokera Mzimu Mutuŵa kufuma apo mukagomezgera?” Mukuwona? Iwo ŵakaŵa navyo Vyakupangira, makora waka, chifukwa ŵapostole ŵakaŵa. . . Panji, ine nkhung’anamura, Apolo wakaŵasambizganga iwo na kusimikizgiranga mwa Baibolo, Vyakupangira, kuti Yesu wakaŵa Khristu, kweni iwo ŵakaŵavye Nkhongono. Mukuwona? Ndicho ichi. Viri makora.

<sup>190</sup> [Pa tepi palije kalikose—Munozgi]. . . -kupangira, imwe mwachigomezgo mukuŵa nacho chenekocheneko, chakulindizgika.

<sup>191</sup> Sono, para imwe mwapokera Nkhongono, imwe mwasisipuskika kufuma ku chivundi kuruta ku chisavundi. Ichi chikupangiska thupi lose kuŵa lakupulikira ku Mazgu. Ichi chimupangiskeninge imwe kuchita mwakulekana, kuwoneka mwakulekana, kukhala umoyo wakulekana. Ichi chimupangeninge waka imwe ŵakulekana.

<sup>192</sup> Sono wonani. [Pa tepi palije kalikose—Munozgi.]... mwasisipuskika. “Imwe kale mukafwira mu kwananga na majuvyo, na mdima, Iyo wali kumosisipuskani.” Na vichi? “Mzimu Wake uwo ukawuska Yesu,” pa mlenji wa chikondwerero cha Chiwuka, “kufuma ku ŵakufwa. Ndipo usange Uwu ukukhala mu mathupi ghinu ghachivundi,” sono wonani, “Uwu ukosisipuskaso, kutorera ku Umoyo, kulipanga ili kupulikira Mazgu.”

<sup>193</sup> Sono, kasi imwe mungayowoya uli kuti muli na Mzimu ula, na kujiponya mwaŵene kutali na Mazgu? Imwe mukosisipuskika na chinthu chinyakeso. Pakuti, Uwu usisipuskirenge mathupi ghinu ghachivundi ku Mazgu. Nadi, Uwu uchitenge.

<sup>194</sup> Imwe mungalizga chara kwambura Uwu. Imwe mupangenge waka chiwawa, usange imwe nthā mukugomezga chose cha Ichi. Usange imwe muli na mafuta pachoko na maji pachoko, imwe nthā mukuruta kulikose. Mukuwona? Imwe mukwenera kuti mutore chose ichi kwathunthu, mafuta. Usange imwe mukuchita chara, imwe mukutondeka, ndipo imwe mulije nkhongono yiriyose. Mukuwona? “Kweni ine—ine nkugomezga *ichi*, kweni ine nthā nkugomezga *Icho*,” tukumu-tukumu-tukumu-tukumu. Imwe nthā mukuruta kulikose.

<sup>195</sup> Kweni, o, para imwe mwatora uzari wose! Lekani ichi chiŵalire pa icho, Lizgu lililose ndi Unenesko!

<sup>196</sup> Ntheura wonani sono, apo ise tikujara, wonani ichi. Wonani, ichi chiri ngati waka kachoko—kambewu kachoko kali mu dongo.

<sup>197</sup> Sono, mwachigomezgo, imwe mwawuka. Imwe mwawuka para imwe mwapokera Mzimu Mutuŵa mwa imwe. Imwe mukuwuka nkhanira penepapo. Thupi linu mwachigomezgo lawuka.

<sup>198</sup> Laŵiskani pa kambewu kachoko. Pandani aka mu dongo. Iko kakwenera kumwa kufuma ku mbwiwi Yake, maji agho ghakuthikira pasi. Ndipo apo iko kakumwa, iko kakukulira muchanya kurazga kwa Iyo, kwizanga chomene ngati chikozgo cha mbewu iyo yikanjira mu dongo. Mukuwona?

<sup>199</sup> Mpingo ukukura mwantheura umo, kwizira mu kurunjiskika, kutuŵiskika, ubapatizo wa Mzimu Mutuŵa, sono mu kuwonekera. Mukuwona? Mzimu wa Chiuta ukizira mu icho.

<sup>200</sup> Ndipo mzimu wa charu uli kwizira mu chikanakhristu, nthowa yene yira, ndipo ukuwonekeranga mu chisazga cha mipingo, wonani, chinthu chose.

<sup>201</sup> Ndipo munthu payekha wakukura munthowa yene yira. Chinthu chirichose chikuchitika munthowa yene yira, pa mlingo weneula wa Chiuta, chifukwa Iyo ndi mweneyura mayiro, muhanyauno, na muyirayira. Wonani, pa ulendo winu, kukuliranga ku uzari wa chiwuka, kurongozgeka na Mzimu!

<sup>202</sup> Umo zuŵa, z-u-ŵ-a, likuguzira kakumera kachoko kala ako kakumwa kufuma ku mbwiwi ya Chiuta, kakurutirira waka... Wonani, iko kakumwa kufuma ku chinthu chimoza pera. Imwe muthirepo mafuta pasi pa kambewu kachoko kala nyengo yimoza; mwakoma aka. Uwo mbunenesko. Imwe muthirepo maji ghakuvunda, maji ghakale agho ntha ngaweme, igho ngakunangika, igho ghakutiniska kukura. Iko ntha kapambikenge chipaso. Ndi unenesko uwo? Kweni imwe muthirepo maji ghaweme nadi gha vura, amen, ghambura mankhwala ghakupangika na munthu mwa igho, ghalekeni waka igho ghize kufuma ku mitambo kuchanya, ndipo kawoneni kambewu kachoko ako. Kulije maji ghakakuzgenge iko ngati maji ghara gha vura. Imwe mukuŵikamo mankhwala na vinthu mu agha, umo imwe mukuyezgera kutimweskeru ise na ichi, ndipo, chinthu chakudanga imwe mukumanya, agha ghakukoma kakumera.

<sup>203</sup> Ilo ndilo suzgo muhanyauno. Iwo ŵakuyezga kuŵapa maji iwo kufuma ku mbwiwi ya bungwe, ndipo agha ghakutiniska kukura. Mukuwona? Kweni lekani iyo waŵe na . . .

Zaninge uko manthonyezi gha jumi gha  
lusungu ngakuŵara;  
Ŵarani waka palipose pa ine zingirizge  
muhanya na usiku,  
Yesu, Kuŵara kwa charu.

Ntheura imwe mwapoka ichi, pamanyuma.

Ise tiyendenge mu Kuŵara, Kuŵara  
kwakutowa kula,  
Kukwiza uko manthonyezi gha jumi gha  
lusungu ngakuŵara;  
Ŵarani waka palipose pa ine zingirizge.

<sup>204</sup> Fumiskaniko mbwiwi izi zakupangika na munthu zikhale kutali na ine! Kulije mbwiwi yinyake ine nkhumanya; kulije kweni Ndopa za Yesu! Ndiyo yekha Mbwiwi ine nkukhumba kuti ndimanye. Zomerezgani Mazgu ghakhale mwa ine, Fumu; thirirani Ichi na Mzimu Winu.

<sup>205</sup> Wonani, sono, usange Mzimu ula uwo ukawuska Yesu ku dindi, ukukhala mwa imwe, imwe mwachigomezgo muli nawo Umoyo; kurongozgeka na Mzimu, kuti usisipuskire Mazgu kwa



imwe, kuti mugomezge Ichi. Kanthu kachoko kakurutirira kukankhiranga muchanya apo aka kakukura.

<sup>206</sup> Wonani, pa Pentekoste, mathupi ghawo ghakasisipuskikira ku Umoyo uphya. Laŵiskani pa gulu la ŵamantha ŵachoko.

<sup>207</sup> Kasi ine nkhumusungirirani imwe nyengo yitali chomene? [Gulu likuti, “Chara.”—Munozgi] Wonani, ine ndakhuka waka, ndicho ichi, nkhopulika makora. O, mwe!

<sup>208</sup> Wonani, iwo ŵakaŵa ŵamantha. Wonani. Kweni, iwo ŵakaŵa navyo Vyakupangira. Mukuwona? Kweni iwo wose ŵakakhala kunyuma kula, kuyowoyanga, “O, ine nkchuchita wofi na iwo. O, ine nkchuchita wofi kuruta kuwaro na kukaŵaphalira, chifukwa, o, wose iwo mabishop ghakurughakuru na vinthu kuwaro kula. O, ine nkhopa kuchita. Ŵasembe ŵara na vinthu, ine nkchuchita wofi kukayowoya icho, nkhopa ine ndamkuti ine nkhangomezga pa Iyo. O, ine ningachita chara icho, imwe wonani.”

<sup>209</sup> Kweni, mbwenu kwamabuchibuchi, Nkhongono zikafika. Inya. Ndipo kasi Iyi yikachita vichi? Iyi nthā yikazuzga mizimu yawo pera, mkati, kweni Iyi yikasisipuska vyakupangira vyawo. Mathupi ghawo ghakasisipuskika. Iwo nthā ŵakaŵaso ŵawofi. Iwo ŵakaruta nkhanira panthazi pa ŵanthu. Inya, bwana. “Imwe madoda gha Yudeya, na imwe mose mukukhala mu Yerusalemu!” Uko, pambere Nkhongono zikaŵa zindafike, iwo ŵakaŵa waka vyakupangira. Mukuwona? “Imwe mwaŵanthu imwe mukukhala mu Yerusalemu, lekani ichi chimanyikwe kwa imwe, ndipo pulikani ku mazgu ghane! Aŵa nthā ŵaloŵera, umo imwe mukughanaghanira.”

<sup>210</sup> Ine ndine yumoza wa iwo. *Ichi* ndi *Icho*! Ine ndimuwoneskeninge imwe kasi ichi ntchichi. Ichi ndi Lemba. *Ichi* ndi *Icho*! Ndipo ine nyengo zose nkchuyowoya, “Usange *ichi* nthā ndi *Icho*, lekani ine ndisungirire *ichi* mpaka *Icho* chifike.”

<sup>211</sup> “Chara, ichi ndi *Icho* chikayowoyeka na muprofeti Joel, ‘ndipo ichi chizamkuchitika mu mazuŵa ghaumaliro, wakuti Chiuta, Ine ndizamkupungulira Mzimu Wane pa ŵanthu wose.’” Wonani, Nkhongono zikafika mu vyakupangira. Iwo nthā ŵakaŵaso na wofi.

<sup>212</sup> Mwaŵanthu ŵanyake imwe muli na wofi kuti mwanakazi munyake wamusekeninge imwe chifukwa chakuŵa na sisi litali, panji muli kuleka kuphoda; mwaŵanarumi ŵanyake imwe muli na wofi kuti bungwe linu limusezgeninge imwe para imwe mukubapatiza gulu linu mu ubapatizo wa m’Malemba; imwe mukukhumbikwa kuti mujjarire mwaŵene mu chipinda cha muchanya mpaka Nkhongono zifike. Uwo mbunenesko.

<sup>213</sup> Iyi yikaŵasintha iwo. Iyi yikaŵasisipuska iwo. Iyi yikaŵapanga iwo ŵakulekana. Iwo ŵakaŵa ŵanthu ŵakusinthika, kufuma nyengo yira na kunthazi. Iyi yikaŵasisipuska iwo, kufuma ku umoyo wakale wakuŵa

na wofi, kufika kuwa ngati Nkharamu ya fuko la Judah. Iwo nadi wakafwira chigomezgo, wakakhomekera ku mphinjika, wakapayikika mwakuzgorikira pasi, wakawotcheka, wakaponyeka mu mphanji za nk Haramu. Ntha wakawaso wawofi, za iwo. Nyifwa ntha yikawa na kutonda pa iwo, ng'o. Nkhongono zikawa mu vyakupangira. Inya, bwana. Iyi yikasisipuska thupi lawo lachivundi.

<sup>214</sup> Sono tegherezani. Apa pali chinthu chinyake, kuwa chisimikizgo. Iyi yikawasisipuska chomene kufikira kuti (imwe mukumanya kasi?) iwo wakakwezgekera mu malo Ghamchanyachanya, ndipo mathupi ghawo ghachivundi ghakasisipuskika chomene mpaka chiyowoyero chawo chikasintha. Iyo mbwenu... Iyi yikasisipuska chiyowoyero chawo. Icho ndicho Baibolo likayowoya. Ndipo, mathupi ghawo ghachivundi pakuwa ghakasisipuskika, chiyowoyero chawo chikasisipuskika. Maghanoghano ghawo ghakasisipuskika. Mizimu yawo yikasisipuskika. Umoyo wawo ukasisipuskika. Iwo wakasisipuskika, wose pamoza! Iwo wakayezga kuyowoya, ndipo ntha wakayowoyaso mu viyowoyero vya umunthu. Iwo wakasisipuskika chomene mu Kuwapo kwa Chiuta mpaka iwo wakayowoya mu lilime liphya, chiyowoyero cha Kuchanya. Whi! Nkhongono uli yakusisipuska!

<sup>215</sup> "Usange Mzimu uwo ukawuska Yesu ku wakufwa ukukhala mwa imwe," o, haleluya, "Uwu usisipuskenge thupi linu lachivundi." Uwu umupangiskeninge imwe kuchita vinthu ivyo imwe ntha mukachitapo kale. Iwo wakazura chomene na Nkhongono yakusisipuska nyengo yira. Mukuwona?

<sup>216</sup> Thupi linu ntha likuwaso lakupulikira ku kwananga; imwe, vilakolako vinu.

Iyo wakuti, "Zanga kuwaro kuno!"

Imwe mukuti, "Jara mlomo wako."

"O, ise tiri na ukuru chomene. . ."

"Jara mlomo wako." Mwe, iwe ndiwe nombo!

<sup>217</sup> Kasi imwe mukawona umo nombo yikuyendera mwakujigomezga? Iyi ntha yikubwantha ngati chabaŵi, wonani, ku chakufwa chirichose, na vyakuvunda vyose viri pasi. Chara, bwana. Iyi yikwenda mwakunyadira.

"Jara mlomo wako."

"O, kuno kuli chakurya chiweme kudera *uku*."

<sup>218</sup> "Ntha cha ine. Wonani, vilakolako vyane viri kusintha. Njara yane ndi yakulekana. 'Pakuti munthu ntha wakhalirenge umoyo pa vyakuvunda vyacharu pera, kweni na Lizgu lililose likufuma mu mlomo wa Chiuta.'" Nombo yeneko yakusisipuskika yikukhalira umoyo Icho. Amen!

219 O, ndipo Iyo wakawuska Khristu ku dindi, wakukhala mwa iwe, wali kusiipuskira thupi lako lachivundi ku Kuŵapo Kwake. Iwe ukuchimanya Ichi. Iwe nthā ndiweso chaholi. Iwe ndiwe nombo. Iwe nthā ukukhumba vinthu vya charu. Iwe ndiwe mwana mwanarumi na mwana mwanakazi wa Chiuta. Iwe ukurya ku Mbwiwi iyo charu nthā chikumanya kalikose za ichi. Iwe ukumwa Ichi. Munyake wakumanya . . . Charu nthā chikumanya kalikose za ichi. Iwe ukurya Manna ghakubisika agho charu nthā nanga chikumanya kalikose za Ichi, pakuti iwe ndiwe nombo. Iwe uli kusiipuskikira uko iwe ungamanya kuchisanga Ichi. Iwe nthā ungachisanga Ichi pasi *apa*, iwe ukwenera kuti ukwerere kuchanya *uku*. Iwe ukwenera kuti usiipuskike, kukwezgekera muchanya uko, nthaura Iyi yikusisipuskenge.

220 Kasi iwo ŵakachita vichi? Iwo ŵakayowoya mu lilime linyake. Baibolo likati iwo ŵakachita. “Iwo ŵakayowoya mu lilime lililose kusi kwa Mtambo.”

221 Kasi imwe mungalingalira icho, mathupi ghakale ghara ghachivundi agho ghakaŵa mkati mula, kuti, “Inya, ine nkhumanya chara sono kwali ine nigomezge ichi panji chara?”

222 Mbweni panyengo yimoza, iwo ŵakasisipuskika chomene mpaka chikanga cha Nkharamu ya fuko la Judah chikawa mwa iwo, pa Mtolo ula wakukhupuzgika. O, Nombo yira yikiza kuzakachema Ŵake Yekha! “Ndipo iwo nthā ŵakatempwera maumoyo ghawo ku nyifwa.” Amen.

Ndipo kuzamkuŵa ŵanandi awo  
ŵazamkupereka ndopa zawo za umoyo  
Chifukwa cha Ivangeli Lituŵa la Mzimu  
Mutuŵa na chiziŵa Chake chandopa.

223 Ndipo Mwana wakwenera kuti—kuti wavumbukwe kamozaso, mu Mkwatibwi mu nyengo yaumaliro; Nkhongono yakusisipuska yikwenera kuti yifike, kuŵasisipuska iwo kufumamo mu mabungwe ghakufwa agha na kachitiro ka vigomezgo, kufika ku Mazgu ghamoyo gha Chiuta wamoyo. O!

224 Chara, Iyi yikaŵasisipuskira iwo ku Umoyo uphya. Iyi yikuchita chinthu chenechira kwa ise sono. Wonani, pamanyuma, iwo ŵakasisipuskika chomene mu Nkhongono yira yakusisipuska! Sono ine . . .

Tegherezgani mwatcheru sono. Ine nkhuvezga kuti ndimuwoneskeni imwe.

225 Nkhongono yakusisipuska nthā yikaŵa mu uzima wawo pera, kwani Iyi yikaŵa palipose pa iwo. Iyi . . . Nthā Nkhongono pera zikafika, kuti ziŵasisipuske, kwani Iyi yikasisipuska vyakupangira. Imwe mukuwona icho ine nkhung’anamura? Iwo ŵakasisipuskika chomene mpaka malilime ghawo ghakayamba kuyowoya mu chiyowoyo chinyake. Iwo ŵakasisipuskika chomene na Nkhongono yakusisipuska ya chiwuka cha Khristu,

mpaka iwo wakaŵika mawoko ghawo. . . Iwo wakisipuska chomene na Nkhongono yakusisipuska, mpaka, para iwo wakati wawika mawoko ghawo pa warwari, iwo wakachira. “Iyi yikasisipuska thupi linu lachivundi.” Iwo wakachizgika, pa kuchita kuwawika woko lawo.

<sup>226</sup> Ndipo Mzimu ukasisipuska wenenawene wawo pamoza na Chiuta, mpaka iwo nawoso wakasisipuskikira chomene mu Kuwapo kwa Chiuta mpaka, para munthu wakati wafwa ndipo uzima wawo ukafumamo, Iyi yikamuchemera uyu ku umoyo kamozaso. Amen! Uchindami! Sono ine nkhopulika usopisopi.

<sup>227</sup> Uwo mbunenesko, wakasisipuska! Ntha kuti chiwuka Chake chikaŵa cha Iyomwene pera, kweni kwa waliyose uyo wakhumbenge, kufika ku Mbewu iyi yakusankhikirathu iyo yikagonga kula. Kusisipuska, kusisipuska thupi lachivundi!

<sup>228</sup> Iwo wakaŵika mawoko pa warwari; iwo wakachira. Iwo wakaromba; mu Mzimu iwo wakawona mboniwoni, wakachemera wakufwa ku umoyo. Uwo mbunenesko. “Yikasisipuska thupi lawo lachivundi.”

<sup>229</sup> Usange Iyi yafika mwa imwe; usange ichi chiri ntheura. . . Sono, imwe mungamanya kuyowoya kuti chiri ntheura; kweni usange ichi chiri ntheura, vimanyikwiro ivi vikurondezga icho, imwe wonani. “Iyi yikasisipuska thupi linu lachivundi.” Iyi yimusisipuskeninge imwe.

<sup>230</sup> Sono, wonani, kusisipuskanga mu Kuwapo kwa Chiuta. Chifukwa? Ukaŵa Mzimu wa Chiuta uwo ukawuska Yesu ku dindi. Ndipo, Mzimu wa Chiuta, “Ine nkhopereka kwa iwo Umoyo Wamuyirayira,” likwiza kufuma ku lizgu la Chigiriki, usange imwe mungapenja ili, *Zoe*, icho chikusunthira Iyi mwa imwe ndipo pamanyuma kusisipuska (ghawo) nanga ndi malingaliro ghawo.

<sup>231</sup> Sono wonani. Kasi imwe muyowoyenge uli kuti Mzimu ukukhala mwa imwe? Nangauli imwe mukachita chirichose imwe mukaghanaghana kuti chikaŵa chiweme, apa pali ukaboni winu kwali imwe muli nawo Uwu panji chara. Usange Mzimu uwo ukaŵa mwa Khristu uli mwa imwe, Uwu ukumusisipuskirani imwe ku Mazgu, pakuti Iyo ndi Mazgu. Ndipo usange ichi, mwakususkana, chikumusisipuskirani imwe kutali na Mazgu, ntheura ntha ndi Mzimu wa Khristu! . . . nkhopwerera chara icho imwe mukachita, mpaka Uwo umusunthirani imwe mu Mazgu. “Mberere Zane zikupulika Lizgu Lane, ndipo izi zikhalirenge umoyo na Lizgu lirilose,” Lizgu lirilose! Ine nkhayowoyanga pa icho zuŵa linyake.

<sup>232</sup> Amama wane, iwo wali kuruta sono, ndipo iwo wakaŵa mwanakazi wachilendo chomene. Ndipo iwo wakaŵa, imwe mukumanya, pafupifupi hafu Mwenye, ndipo iwo wakaŵa wachilendo. Kweni mwenemumo iwo wakaŵa munthu uyo ntha wakalotanga. Kweni ine ntha nkughanaghana. . . Iwo wakaŵa

na maloto ghanayi panji ghankhonde pera, umoyo wawo wose. Kweni nyengo yiriyose para iwo wâlota loto, likaŵa launenesko. Iwo wakaŵa na loto, ilo likaŵa launenesko.

<sup>233</sup> Ine nkhekumbukira nyengo yimoza para ine nkhati ndayamba kupharazga, virimika vinandi vyajumpha. Ise tikakhalanga nkhanira kumtunda kuno pa msewu, nkhanira kumtunda waka uku. Ine nkhepharazganga nkhanira kuno pa kachisi uyu. Ndipo iwo wâkalota loto, kuti ine nkhayimirira apa kumphepete kwa masitepu ghatatu. Ndipo ine nkhayimirira, kupharazganga kwa waliyose, kuti iwo wâkwenera kuti wayende kukwera masitepu ghatatu agha pambere iwo wandafike ku msewu ukuru. Ndipo pa msewu ukuru pali mzere uchoko wakuwoneka-ngati ngare yituŵa, ukanjira mu—mu—mu makhomo gha Kuchanya, kufika ku chipata cha ngare. Ndipo ngare yira yikapangika kufika pachanya pa masitepu agha. Usange uwo nthu ndi ndendende Uthenga wane muhanyauno; kurunjiskika, kutuwiskika, ubapatizo wa Mzimu Mutuŵa! Ndipo ine nkheyowoyanga kuti munthu wakwenera kuti wayende pa masitepu ghatatu agha, kuti wayenerezgeke kuyenda pa msewu ukuru ula. Ndipo nkheyowoya kuti . . .

<sup>234</sup> Kukaŵa dona wakiza. Sono, imwe mukumanya mtundu wa skapato wanthu wakavwaranga virimika sate-fayivi vyajumpha. Kukaŵa dona wakiza, wakavwara skapato yikuru ngati ndi izo iwo wakuvwara muhanyauno, skapato yitali yagogoda. Ndipo iyo wakiza. Ndipo ine nkhati, “Lindizga miniti pera, mlongosi. Iwe ungayenda chara pa msewu ukuru uwo na iyo.” Ndipo ine nkhati, “Iwe—iwe, iwe ungachita chara icho.”

<sup>235</sup> Ndipo iyo wakati, “Ah!” Iyo wakayowoya, wakalaŵiska kung’anamukira ku wanakazi wanyake wose, wakati, “Kumugomezga chara iyo. Iyo ndi munthu wakufuntha. Mukuwona? Kumugomezga chara iyo. Ine ndimuwoneskeninge imwe ine ningamanya kurunjiskika, kutuwiskika, na kuzuzgika na Mzimu Mutuŵa, na kuyendapo ndithu apo.” Ndipo iyo . . . Ine nkhamuleka waka iyo warute. Ntho nkhamanya kuchita chinyake za ichi, nkhatondeka kumulekeska iyo. Ndipo iyo wakadukira pa msewu ukuru. Ndipo iyo wakalaŵiska kunyuma kwa mlongosi, wakati, “Wona, ine nangukuphalira iwe!” Iyo wakayamba kuchimbira kukwera, ndipo iyo . . .

<sup>236</sup> Imwe mukumanya, umo Baibolo likayowoyera, mu Yesaya, chipatulo 5, kuti iwo wâzamkuŵa na “singo zitali.” Iwo wâkwenera kuŵa nazo; iwo wâkuteremuka wakuwa, wonani. “Kunyatirira apo . . .” Iwo wâkwenera kuchita, wâkwenera kujigwenyura, “Kunyatirira apo iwo wâkuruta, kuchitanga kulizga na gogoda zawo; wonani, wana wanakazi wa Zion mu nyengo yaumaliro.”

<sup>237</sup> Ndipo iyo wakayamba kukwera pa msewu ula ukuru, mwankhongono waka umo iyo wakamanya kuchimbirira. Ndipo,

pakati pajumpha kanyengo, msewu ukayamba kuŵa ufinyi na ufinyi. Iyo wakayamba kugenuka, kunyatirira ngati *ntheura*, ndipo iyo wakaterumuka wakawa.

<sup>238</sup> Ndipo amama ŵakati, “Kulira kwakofya chomene uko ine nkhapulikapo mu umoyo wane, wakaŵa mwanakazi yura kuwiranga mu dimi na josi, kukhiranga pasi, kukhiranga ngati *ntheura*.” Ŵakati, ine “nkhang’anamuka ndipo nkhati, ‘Mukuwona?’”

<sup>239</sup> Iyo wakapulikira waka chirichose kweni Lizgu limoza, wonani, chirichose kweni Lizgu limoza. Nadi, ŵanakazi ŵa Pentekoste ŵangamanya kuponoskeka, kutuŵiskika, na kuzuzgika na Mzimu Mutuŵa, ndipo pamanyuma kutondeka. Nadi. “Munthu ntha wakhalenge wamoyo na chingwa pera, kweni na Lizgu lirilose lakufuma.” Mukuwona? Mukuwona? Ndipo iyo wakatondeka Ichi. Ndipo umo ine nkhayowoyera, wonani, iyo nthena wakati wanjirenge umu, makora waka, kweni, wonani, iyo wakatondeka kupulikira; kumuphaliranga iyo icho chikaŵa kunthazi. Ndipo Iyo wali kulemba Ivangeli kugwiriska ntchito ŵasambiri, ŵapostole, na Chisambizgo cha ŵapostole na ŵaprofeti, na ŵanyake *ntheura*, ndipo iwo ntha ŵapulikirenge.

<sup>240</sup> Sono wonani Nkhongono iyi yakusisipuska, *Zoe*, kuperekanga Mazgu, malingaliro agho ghakaŵa mwa Khristu ghakaŵa mwa imwe kale. Ine nkhuvezga kumuwoneskani imwe, icho, imwe, para imwe mukati mwawuka. Para Chiuta wakati wawuska Yesu ku ŵakufwa, Iyo wakamuwuskani imwe, namweso. Ndipo kweniso wakamuisipuskirani ku Umoyo, pamoza na Iyo, imwe sono mwasisipuskikira ku Umoyo, nangauli kale imwe mukaŵa maukhaliro gha maghanoghano Ghake, kweni Chiuta wakawona mose mwa Iyo, pa kumalira, wonani. Para Chiuta wakati walaŵiska pasi pa thupi . . .

<sup>241</sup> Mzimu ukamuleka Iyo, mu Munda wa Gethsemane. Iyo wakayenera kuti wafwe, munthu. Kumbukirani, ŵabwezi, Iyo ntha wakayenera kuti wachite icho. Yura wakaŵa Chiuta. Chiuta wakazozga munofu ula, uwo ukaŵa munofu wa munthu. Ndipo Iyo ntha. . . Usange Iyo wakarutenge kuchanya kula, ngati Chiuta, Iyo nthena wakafwa nyifwa ya mtundu ula chara; mungamukoma chara Chiuta. Kweni Iyo ntha wakayenera kuchita ichi.

<sup>242</sup> Kweni, kumbukirani, Iyo wakaruta kula pamoza na imwe mwa Iyo. Wonani, Chiuta wakaŵa wandamupature Mkwatibwi kufuma ku Mwenenthengwa, nyengo yira. *Ntheura* para Chiuta wakati walaŵiska pasi pa thupi la Khristu, Iyo wakawona vyose mwanarumi na mwanakazi. Chose chikawomborekera mu thupi limoza lira. Mukuwona? Iwo ndi yumoza, gheneghara, Mazgu gheneghara. Mazgu gheneghara, ghakayowoya za Mwenenthengwa, ghakuyowoya za Mkwatibwi.

<sup>243</sup> Inya, kasi Mkwatibwi wangafika uli, na kutondeka kuwoneska chirichose chikalayizgika za Iyo; ndipo Mwenenthengwa wafika, ndipo nthena Iyo wakaŵa Mkwatibwi chara? Kweni para Iyo wakati wachita chirichose, nanga ndi kusimikizgira ichi pa kuchita kujiwuska Iyomwene ku ŵakufwa, pamanyuma, mbwenu wangatondeka—Mkwatibwi wakwenera kuti wachite chinthu chenechira, wakwenera kuŵa ndendende icho Mazgu ghakayowoya kuti Iyo wazamkuŵa mu mazuŵa ghaumaliro agha? Kasi Iyo wakwenera kwizira mu Malaki 4 chara? Kasi Iyo wakwenera kuti wawonekere ngati ndiumo kukaŵira chara mu mazuŵa gha Sodom? Kasi charu chikwenera kuŵa ndendende chara umo ichi chiliri? Kasi vinthu ivi ndi chimanyikwiro chakufikapo chara cha Mazgu gha Chiuta kuvumbukwa kwa ise?

<sup>244</sup> Inya, ŵabwezi, ine nkhumanya ine nkhumusungirirani imwe nyengo yitali, maminiti fifitini kuti yikwane nyengo ya chakurya, kweni panji ine ndiŵenge kuti ndamalizga kufika nyengo iyo. Kweni wonani, laŵiskani kuno, ndi chinthu chakufika uli ichi. Ine nkhumanya chara mphauli apo ine ndizamkumuwonaniso imwe. Mukuwona?

<sup>245</sup> Laŵiskani, wonani ichi. Kweni Chiuta wakamuwonerathu Mkwatibwi mu Mwenenthengwa. Haleluya! Wonani, kuti waponoske Muwoli Wake, ngati Adam, Iyo wakayenera kuruta na Mwanakazi. Adam wakamanya icho iyo wakachitanga; Eva wakamanya chara icho iyo wakachitanga, kweni Adam wakayenda pamoza na muwoli wake. Mukuwona? Ndipo Yesu wakatora malo gha Muwoli Wake ndipo wakazgoka kwananga m'malo gha Muwoli. Kumbukirani, Iyo wakazgoka imwe, Iyo wakayimirira mu chilango chinu, mwakuti imwe mungayimirira mu malo Ghake. Iyo wakayimirira mu malo ghinu, mwakuti imwe mungayimirira mu malo Ghake. Chitemwa uli! Wenenawene uli! Kasi ise tingakana uli ichi? Kasi ise tingachita uli chinyake chirichose kweni kumutemwa Iyo, mubwezi? Ine ningamanya kukhala pa ichi maora, kweni tiyeni ise tirute munthazi pachoko.

<sup>246</sup> Ngati ndi chakutichitikira cha chipentekoste muhanyauno, na kwiza kwa Mzimu Mutuŵa mu mazuŵa ghaumaliro agha, umo kukalayizgikira, chiri ngati chikhole cha kalata yaukaboni. Mukuwona?

<sup>247</sup> Sono, imwe mungamanya kupoka chikalata. Nadi. Mukuwona? Imwe mungamanya kupokera zina ku malo, kweni icho nthā chikuyowoya kuti nginu. Chara, bwana. Munthu munyake kunthazi chomene wangamanya kwiza na kuzakayowoya kuti ntchake. Kweni para imwe mwapokera chikhole, icho chikuwoneska kuti chirichose chikamatikika ku ichi chakhwachika, nkhanira kufuma ku chiyambi. Ndi unenesko uwo?

248 Ndipo para munthu wayowoya kuti iyo wakugomezga Mazgu, ndipo ntheura para Mzimu Mutuŵa wafika, Ichi ndi chikhole ku chikalata. Ndipo icho chikukupa iwe chilorezo, para iwe uli na chikhole chira, kuti chigaŵa chirichose cha icho ntchako, ndipo chirichose chiri pa ichi ntchako. Amen! Ndipo icho chikutipa ise chikhole, para Mzimu Mutuŵa wafika pa kalata iyi yaukaboni iyo Chiuta wakawona kale chomene pambere charu chikaŵa chindaŵeko, ndipo wakaŵika zina la ichi pa Buku la Umoyo; kweni wakababika mwa mwanarumi na mwanakazi, ndipo wakaŵa kuti wangananga, ndipo wakasangika kuti wananga. Kweni para ine nkhati ndagomezga Ichi, ine nkhopokera chikalata; kweni para Mzimu Mutuŵa wakati wafika, Ichi chikaŵa chikhole kuti chirichose chakwanangika pa ine, kwali amama ŵane ŵakachita ichi, adada ŵane ŵakachita ichi, asekuru ŵane ŵakachita ichi . . .

249 Ngati muchoko, mwana wavizirisi ine nangumurombera, maminiti ghachoko ghajumpha, icho chikizira mu ŵasekuru ŵake. Chizirisi chikafika, ndipo chikafika pa mwana, ine nkhayowoya.

250 Kweni para chikhole chafika, Ichi chikakhwacha, kufufuta chirichose. Ine ndine mweneko wa chikhole. Amen! Ndipo mwakusimikizga umo Mzimu uwo ukawuska Khristu ku ŵakufwa, ine ndiri na kalata ya chikhole kuti ine ndine chiŵaro cha Thupi lira, na chikhole cha Mzimu Mutuŵa kupanga thupi lira la Mazgu kukhala umoyo ndendende ngati ndiumo Uwu ukachitira mwa Iyo, umo Iyo wakalayizgira mu nyengo yaumaliro. Chikhole! Zakwananga zane zose zakhwachika, zakwananga zinu zose zakhwachika, na Ndopa za Yesu Khristu, ndipo Mzimu Mutuŵa wafika ngati chikhole ku kalata yaukaboni iyo Chiuta wakandipa ine mwa uchizi, mwa kumanyirathu. O, mwe!

251 Kasi imwe mukuwopa vichi? Ndicho chifukwa Iyo wakati, “Mungopanga; Ine ndine Iyo uyo wakafwa ndipo ndiri wamoyo kamozaso; ndipo Ine ndiri wamoyo muyirayira; ndipo ndiri na makiyi gha nyifwa na gehena.” Ntha mungenjerwanga na chirichose. Nanga ndi nyifwa yizakumupwetekani chara imwe. Wonani. Kutowa!

Tiyeni tirute nkhanira mwaluŵiro sono.

252 Kalata ya chikhole! Ngongole yalipirika. Chirichose chakwanangika ichi chiri kukhwachika. Ha-ha-ha! Uchindami! Ine panji ningachita mwakupusa, kweni ine nkhopulika makora. Wonani. Mukuwona? O, kalata ya chikhole, kasi imwe mukumanya kasi icho chikung'anamura vichi? Kasi imwe mukumanya kasi icho chikung'anamura vichi, m'bale? Kulije chirichose chingamanya kufumiskako ichi kwa iwe. Amen. Ine ndine mweneko. Amen. Kasi a . . .



253 Chikalata uli? Ine sono ndapokera ichi pa uhaliri wane, wa nyifwa Yake, kusungika, na chiwuka. Iyo wakazgoka ine, mwakuti ine ndizgoke Iyo. Sono, Iyo wakazgoka wakwananga, mwakuti ine ningamanya kuŵa mwana, amen, na kutora kalata ya chikhole. “Pakuti vimanyikwiwo ivi viŵarondezgenge ŵeneawo ŵakugomezga,” wonani, kalata ya chikhole!

Sono mwaluŵiro, pambere...Ise tiri na maminiti teni ghakhalako.

254 Tiyeni ise tiwone sono, mwaluŵiro, kusionuska kwa Mzimu. Ine ndimuwoneskenenge imwe vimanyikwiwo vinyake mwakuti imwe mupulikiske. Laŵiskani, sono wonani vichi, “Nkhongono yakusionuska” iyi yikaŵa yakupulikira ine. Pamanyuma pakuti Mwana wawuka, laŵiskani umo Iyi yikachitira kwa iwo pa Pentekoste, icho Iyi yikachita kwa iwo, icho Nkhongono yira yakusionuska yikachita kwa iwo. Iyi yikaŵasionuska iwo.

255 Sono tiyeni tiwone icho Iyi yikachita pa Stefano. Stefano wakazura na Nkhongono yakusionuska. Ukaŵa unenesko chara ula? Wonani, iyo wakazura na Nkhongono yakusionuska. Iyi nthā yikamupanga iyo wawofi. Iyo wakati, “Imwe ŵakomirasingo na ŵambura kukotoreka mu mtima na makutu, imwe nyengo zose mukuwukana Mzimu Mutuŵa; umo ŵadada ŵinu ŵakachitira, nthēura namwe mukuchita. Ndinjani yumoza wa ŵapofeti uyo wakawoneska kwiza kwa Yumoza Murunji, ŵadada ŵinu nthā ŵakamubwanya na mawe?” O, mwe! Yikachita chinyake kwa iyo. Nadi, iyo wakazura na Nkhongono yakusionuska.

Ndipo iwo ŵakati, “Ise tikome munthu yura!”

256 Ndipo para iyo wakati wafwa, iwo ŵakamubwanya na mawe iyo; ndipo mutu wake wachitima, malibwe kutchayanga uwu ngati nthēura. Iyo wakalaŵiska kuchanya ndipo wakati, “ine nkhuwona Kuchanya kwajurika.” Nkhongono yakusionuska yikateŵetanga. “Ine nkhuwona Kuchanya kwajurika, ndipo Yesu wayimirira ku woko lamaryero la Chiuta.” Icho ndicho Nkhongono yakusionuska yikamuchitira Stefano.

257 Muwonani munthu munyake, wakaŵa na Nkhongono iyi yakusionuska, zina lake wakaŵa Filipu. Iyo wakazura chomene na Nkhongono yakusionuska. Iyo wakaŵa na ungoro ukuru chomene kusika ku Samariya. Viŵanda vikafumiskikanga. Ŵanthu ŵakabapatizika mu Zina la Yesu Khristu. Iwo wakaŵa na ungoro weneko nadi. Ndipo Mzimu ukayowoya kwa iyo, o, a—Nkhongono yikakhira, ndipo Iyi yikati, “Chileke chisisimuso ichi.” Kweni kasi ŵapharazgi ŵayowoyenge vichi? Nthā chikupanga mphambano yiriyose icho iwo ŵakuyowoya. Mukuwona? Iyo wakazura na Nkhongono yakusionuska. Iyo wakaŵa na mafuta, ndipo a—Nkhongono zikawanga pa iyo. Yikati, “Ruta mu chipululu.”

258 Ndipo iyo wakasanga nthunguli kwenekula, ndipo wakamubapatiza iyo mu Zina la Yesu Khristu; munthu yumoza, uyo wakatorera Uthenga ku Ethiopia. Mbunenesko uwo? Ndipo iyo wakapulikira Chiuta.

259 Mu kupulikira Chiuta, usange imwe nthu muli kubapatizika mu Zina la Yesu Khristu, chitani ichi, ndipo wonani Nkhongono yakusisipuska yikumunyamurani imwe pamanyuma. Mukuwona?

260 Para Stefano wakati wachita chinthu chikuru ichi. . . panji, nthu Stefano. Kweni Filipu wakati wachita chinthu chikuru ichi, kuti wachileke chisisimuso chikuru chira na kupulikira maranguro gha Chiuta, para iyo wakati wakwaniriska, mwakuchita kukwaniriska. . . Pa kuchita kubapatiza nthunguli iyi, mu kupulikira Chiuta, iyo wakazura chomene na Nkhongono yakusisipuska mpaka Iyi yikamutorera kutali iyo. “Iyi yisisipuskenge thupi linu lachivundi, usange Mzimu uwo ukawuska Yesu ku wakufwa.” Iyi yikasisipuska Filipu mpaka iyo nthu wakawoneka panji mitunda handiredi na fifite, kuruta kumalo kunyake, kuruta mu charu chinyake. Iyi yikasisipuska thupi lake lachivundi. Kasi iyo wakachita uli ichi? Iyo wakazura chomene na Nkhongono yakusisipuska.

261 O, Mpingo wa Chiuta wamoyo, ise tingayimirira chara kudera kuno pa vyakunowa ivyo ise tikukhazikikapo kuno muhanyauno. Ise tikwenera kuti tiwe wakuzura na wakukhozgeka, na Nkhongono yakusisipuska, mpaka kufike kususipuska kwa Mzimu Mutuwa! Ise tikwenera kuti tikwapulikire kutali, zuwa linyake, mu Mkwatulo ula kuchanya. Inya, bwana. Amen! O, mwe!

262 Phepani pa kayowoyero ako. Ine nkhanghanaghananga za mama uyo wakupanga tumabedi tuchokotuchoko uto, ise kale tikapangiranga, bonda. Wanyake wa imwe wamama wakale mukukumbukira ichi. Bonda mulara pachoko wakuyamba kusuzga; imwe mukutora coffee wakusira na shuga pachoko, kuvunga ichi mu kathumba na kumuleka iyo wawonkhe ku ichi, kumuchetamiska waka iyo. Mulije nkhongono mu icho. Ichi chimukomenge iyo. Mukuwona? Caffeine wakale wali mkati mula, na vinthu, kunweskeka pachoko kumupangiska iyo kuti wamize ichi, ichi chikunjizga caffeine mwa iyo.

263 Ise tavuka na vinthu ivyo ngati icho. Tcheukani! Imwe ndimwe nombo; wererani ku Mazgu gha Chiuta! Khorani; kulije chingamanya kupwetweka malingaliro ghinu, ipo imwe ndimwe wanangwa ku kwananga kulikose kwa munthu. Chirichose munyake wakuyowoya kususkana na imwe, icho chikwiziska waka chitemwa chikuru. Amen. Ndipo, Nkhongono yakusisipuska, yikamukwapulira kutali mu Mitambo, nombo iyo yawuruka kujumpha nkuku, kutali nkhanira Mchanyachanya mwa Khristu Yesu! O!

Iyi yikaŵa pa Filipu. Yira yikamusisipuska iyo, yikamukwapulira kutali iyo.

<sup>264</sup> Tiyeni titore munthu munyake. Kukaŵa munthu zina lake Enoki. Sono, iyo wakayenda na Lizgu lirilose la Chiuta, pa virimika pafupifupi fayivi handiredi. Iyo wakaŵa na ukaboni, wakuti, “ine ntha nyengo yimoza nkhatimbanizgapo Mazgu Ghake.” Iyo wakazura chomene na Nkhongono yakusisipuska para Nkhongono yikati yamukhwaska iyo, pa Vyakupangira vira, iyo ntha wakayenera nanga nkhubwisa; iyo wakanyamuka waka kuruta Kukaya. Wakayamba waka kuyenda. Iyo wakaŵa nkhanira. . . Ngati Filipu, iyo wakazura chomene na Nkhongono yakusisipuska, m’ malo mwakuruta ku Gaza na kurutanga ku malo kunyake, uko, iwo ŵakamusanga iyo mumphaka zakumpoto kula. M’ malo mwakuruta nthowa yira, iyo wakaruta waka, o, wakati, “ine ndine munthu mulara, munthowa yiriyose. Ine ndiri waka na Nkhongono yikuru chomene yakusisipuska, ine ndiyendenge waka kufumapo pa charu chapasi.”

<sup>265</sup> Iyo ndi Nkhongono yeneyira yakusisipuska ise tiri nayo sono nthena. Wonani, Iyi yisisipuskenge thupi linu lachivundi. Ndi unenesko chara uwo? Ndi Nkhongono zakusisipuska.

<sup>266</sup> Enoki, na ukaboni wakufikapo ula, wakuti, “Chirichose Chiuta wakandiphalira ine kuti ndichite, ine nkachita ichi. Chirichose ine nkawona Iyo wakandiphalira ine kuti ndichite, ine nkachita ichi.” Ndipo iyo wakazura chomene na—na Nkhongono, panji—panji Vyakupangira, mpaka, para Nkhongono yakusisipuska yikati yamukhwaska iyo, Vyakupangira, Iyi yikamunyamulira waka muchanya iyo. Iyo wakayenda kufumapo pa charu chapasi, kunjira Kuchanya.

<sup>267</sup> Sono, sono wonani, pa Elija. Pamanyuma. . . Laŵiskani, Elija, muprofeti mukuru yura, munthu mu nyengo yake. Mundizomerezge ine. M’ bale, mlongosi, mu nyengo yira iyo wakaŵachombora ŵanakazi ŵara ŵakuphoda-nkhope zawo, ŵa Jezebel ŵara na ŵa Ahab. Ndipo wakayimirira mwakungangamika. . . Ndipo ntha wakaŵako, wakawoneka ngati, wakayima na iyo. Ndipo iyo wakachenya, ndipo wakasasura, ndipo wakayimirira kuwaro kula, ndipo Chiuta wakamupwerera iyo ndipo wakamovwira iyo ku malo ghalighose. Imwe mukumanya, munthu mulara wakavuka zuŵa limoza. Iyo wakati, “ine nkhubekura, nthaura ine ningarutirira chara.” Iyo wakarutiriranga, ine nkhusachizga, virimika vyakubabika nayinte; muchekuru nadi, ndipo wakayendanga kudera kula, ndipo iyo wakazura chomene na Nkhongono yakusisipuska. Imwe mukumanya kasi? Iyo wakalaŵiska kusirya kwa Jordan.

O Chiuta! Ine pafupifupi nkhuwona sirya linyake. Mungachita chara imwe?

268 Wakuzura chomene na Nkhongono yakusisipuska, mpaka, iyo wakawona gareta likakorekeka kudera kula, wakavalo wanyake wa Moto na gareta la Moto, likakorekeka ku khuni linyake kudera kula. Iyo wakayenda waka kuyambuka mronga ndipo wakaruta Kukaya, kwambura nanga nkufwa. Nkhongono yakusisipuska yikatuma, yikapangiska gareta kuti likhire pasi kufuma Kuchanya ndipo yikamutorera iyo kuchanya. Yikamuvura nanga ndi munjirira wake ndipo yikachiponya ichi kunyuma kwa Elija. Ndi unenesko uwo.

269 Sono, ntheura munthu yura wakatora munjirira ula, chithuzithuzi cha Mpingo kamoza, wonani, wakatora munjirira ula. Sono, iyo wakachita minthodwe kawiri, cheneicho ndi chithuzithuzi cha Khristu na Mpingo. Mukuwona? Elija wakachita yinayi; iyo wakachita eyiti. Wonani, sono, iyo wakaŵa—iyo wakaŵa na nkhongono paŵiri, chifukwa iyo wakaromba ichi. “Vinthu vikuru kuruska ivyo Ine nkuchita imwe muzamkuchita.” Mukuwona? Kweni iyo wakazura chomene na Nkhongono yakusisipuska, na chirichose, mpaka iyo wakachita vyose ivi, kawiri, ivyo Elisha wakachita, vinandi kuruska ivyo iyo wakachita. Ndipo wonani, iyo wakakhala umoyo mpaka pafupifupi virimika eyite panji nayinte vyakubabika, iyo wakachekura ndipo iyo—iyo wakafwa. Iyo wakafwa, ndipo iwo—iwo wakamura iyo ndipo wakamusunga iyo.

270 Imwe mukumanya, inya, Nkhongono yakusisipuska yira nthu yikamuleka iyo. Vinandi, virimika vinandi pamanyuma pa icho, apo munofu wose ukaŵa kuti wavunda ukafumako ku viwangwa vyake, iyo wakagona mu dindi. Ndipo iwo wakanyamura munthu wakufwa zuŵa limoza, ndipo iwo wakawona murwani, ndipo iwo wakamuponya waka munthu mkati pachanya pa viwangwa vya Elisha. Pakaŵa Nkhongono yikuru pa viwangwa vira mpaka munthu wakaduka kuwukira ku umoyo. O!

271 “Iyi yisisipuskenge thupi linu lachivundi.” Nangauli wakafwa ndipo wakavunda mu dindi, ndipo kweni Nkhongono yira yakusisipuska yikaŵa pa dongo lira. Haleluya! U! “Uyo wakawuska Khristu ku wakufwa wakusisipuskaso thupi linu lachivundi.” Elija kale kula, Elisha na Elija . . .

272 Kumbukirani, munthu wakufwa yura, muprofeti yura, wakuzura na Nkhongono yira yakusisipuska, wakagona mu dindi ndipo wakavunda; mukaŵa Nkhongono yinandi chomene yakusisipuska, mpaka, iwo wakaponya munthu wakufwa pa iyo, iyo wakiza ku umoyo. Iyo wakaŵikanga ndithu mawoko pa warwari. Wakachita chara iyo? Amen. Apo imwe muli.

273 Ndipo kumbukirani, ise ndise munofu wa munofu Wake, Yesu Khristu. “Ise ndise munofu wa munofu Wake, ndipo viwangwa vya viwangwa Vyake.” O, kulije nthowa yakufumamo

mu ichi. Ise tizamuwuka, ndipo mbwenu kwamara. Imwe muzamuwuka, mbwenu kwamara.

274 Chikondwerero cha chiwuka chikung'anamura vinandi kuruska waka mwambo. Ichi chirikoso sono, pakuti mathupi ghithu ghasisipuskikira pamoza na Iyo ndipo ise takhala malo gha Mchanyachanya.

275 Ndipo thupi ili panji lingavundira mu nyanja; ili panji lingavundira mu dongo; panji ntha vingaŵako vyoto vyakuzura spuni; kweni ili lizamuwuka. Pakuti, Mzimu uwo ukawuska Fumu yane ku ŵakufwa wasisipuska thupi lachivundi ili. Uwu wasisipuska thupi linu lachivundi. Ndipo ise ndise ŵahaliri Ŵake ŵachiwuka Chake, ndondomeko Yake ya Umoyo Wamuyirayira icho ine nkuchiyowoya chomene, imwe mukumanya. Ndicho chifukwa Iyo wakati, "Mungopanga." Iyo wakamanya.

276 Pakuti umo Paulos wakayowoyera, "Nyifwa, kasi lirinkhu liwozga lako? Dindi, kasi kulinkhu kutonda kwako? Ine ndazura na Nkhongono yakusisipuska. Wawongeke Chiuta, Uyo wakutipa ise kutonda kwizira mwa Fumu yithu Yesu Khristu." Inya, bwana! Nkhongono yakusisipuska. O, mwe!

277 Iyo ngwamoyo muyirayira, "mweneyura mayiro, muhanyauno, na muyirayira." Ŵahebere 13:8. Wonani, Mesiya, Yumoza wakuzozgeka; ntheura wali Mkwatibwi Wake, Twamesiya, wonani, Yumoza wakuzozgeka.

278 Wonani, nyifwa ntha yikukanizga Nkhongono yakusisipuska ya Chiuta. Nyifwa yingakanizga chara Iyi. Para imwe muli nayo Iyi, Iyi ndi yamuyirayira. Kulije chirichose chizamuyikanizga Iyi. Imwe mungayikaka chara Iyi; imwe mungachita chara—mungachita chara chirichose ku Iyi. Imwe mukhale kaŵiro kaumoyo winu, icho ndipouli ntha chikuyikanizga Iyi; njiweme waka umo Iyi yikaŵira.

279 Wonani, Moses ngwakuzura na Nkhongono yira yakusisipuska. Wakaŵa iyo? Iyo wakaŵa muprofeti uyo Mazgu ghakizirako. Iyo wakaŵa gawo la Mazgu. Iyo wakaŵa Mazgu gha nyengo yira. Ndi unesko uwo? Ndipo para iyo wakati wafwa, virimika eyiti handiredi; pa Phiri Lakusandulika, apo iyo wakayimirira, na Elija. Mbunnesko uwo? Nkhongono yakusisipuska, nyifwa ntha yikufumiskapo Iyi. Chara, chara. "Ine ndizakuliwuskaso ili." Ŵangelo Ŵakiza; ŵakamusunga iyo kusika kula mu chithaŵali. Iyo wakavunda ndipo wakamara, viwangwa vyake vikamara, na chinyake chirichose, kweni Nkhongono yakusisipuska yikaŵa ndithu mwenemula. Iyi yikamusisipuska iyo ndipo yikamuwuska iyo. Ndipo iyo wakaŵa apo, wakayimirira apo. Wonani.

280 Imwe mukuti, "Ndi unesko uwo, M'bale Branham, pakati pajumpha virimika eyiti handiredi?" O, mwe!

<sup>281</sup> Usange imwe mungaŵazga mu Mateyu, ine ndiri na Lemba, Mateyu 27:51. Imwe mungamanya kulemba, lembani ichi. Para wose ŵara kunyuma kula, awo ŵakagomezga kuti Iyo wazamkwiza...Baibolo likayowoya apa, para Iyo wakati wafika, iwo ŵakaŵa chigonere mu dongo. Nkhongono yakusisipuska yikaŵa pa iwo, ndipo iwo ŵakaŵa gawo la Iyo, ŵatuŵa ŵara. Iwo ŵakaŵa gawo la Iyo, chifukwa iwo ŵakagomezga pa Iyo.

<sup>282</sup> Mwachigomezgo iwo ŵakaŵa nawo Umoyo ula, kwizira mu sembe ya mberere, kutuniska, cheneicho ntha chikamanya kutorera mzimu wa mberere kuwerera pa munthu. Kuli uli sono na Mzimu wa Munthu, Chiuta Iyomwene, pa imwe, wonani, ndi Nkhongono yikuru uli yakusisipuska ise tiri naŵo! Kweni kwizira mu kutuniska kwananga mwanamberere wakaperekeka, mu chithuzithuzi. Icho ise tiri nacho ndi chithuzithuzi chara; ndi chakulekana. Kasi ise tikuwopa vichi? Ndipo ŵanthu ŵara awo ŵakaŵa na chithuzithuzi pera, kurongoranga ku chiwuka Chake, ndipo ŵakanjira mu dindi na ichi.

<sup>283</sup> Umo Job kale kula mu kunyekezgeka kwake kukuru, mwe, chirichose chikatoreka kwa iyo! Devulu wakati, “Ndizomerezgeni ine ndimukore iyo. Ine ndimupangiskenge iyo wamutukeni Imwe panthazi Pinu.” Ndipo nthura iyo wakaruta.

<sup>284</sup> Wakati, “Ntha iwe ungatoranga umoyo wake.” Ndipo iyo wakachita (iyo) vyose kweni kutora umoyo wake.

<sup>285</sup> Ndipo nanga ndi muwoli wake wakamuwukira iyo. Wakati mvuchi wake ukazgoka wachilendo kwa iyo. Mu kayowoyero kanyake, mwanakazi—mwanakazi ntha wakati waŵenge na chirichose chakuchita na iyo. Mwanakazi ntha wakawoneka kuti wakamutemwaso mwanarumi, wakamukankhira waka kutali iyo. “Job, iwe ndiwe wachitima! Uli iwe umutembe waka Chiuta, na kufwa?”

Wakati, “Iwe ukuyowoya ngati mwanakazi wakupusa.” O, mwe!

<sup>286</sup> Wonani, iyo wakakoreska nkhanira ku icho iyo wakaŵa nacho. Sono, iyo wakaŵa muprofeti. Iyo wakati, “ine ndine wakwananga chara. Ine ndapereka sembe yakuperekeka.” Amen. Iyo wakamanya apo iyo wakayimirira. Iyo wakaŵa pa Mazgu. Kwambura kupwerera icho ŵanyake ŵakayowoya, iyo wakaŵa nkhanira kula pa Mazgu. Nthura ora likuru lira...Wakati, “Iwe ukuyowoya ngati mwanakazi wakupusa.” Iyo wakati, “Yehova wakapereka, Yehova watora; chifukwa, litumbikike Zina la Yehova!” Wakati, “ine nkhiza mu charu ichi kwambura kalikose. Ine nkhiza kuno, nkhuli, ine ndifumengemo mwanthuraso. Litumbikike Zina la Yehova!” Wakakhala kula, wakasuzgika na maphumba, ŵana ŵake ŵakafwa, iyo wakakavuka chomene, ndipo ŵabwezi ŵake wose ŵakamuwukira iyo, mamembara ghake gha mpingo, chinyake

chirichose, kujikwanthanga iyomwene na...Ndipo wakaŵa msokwa uli! Palije wa imwe wali kujumphamo mu icho kufikira sono. Ndipouli, iyo wakakoreska ku Mazgu ghara.

<sup>287</sup> Iyo wakaŵa nombo. O, mwe! Imwe ntha mungarutirira kuŵika chibenekero pa maso ghake nyengo yose. Chara, chara. Mbweni pa nyengo yimoza, chiyimirire pa Mazgu ghara, kasi kukachitikachi? Mitambo yikajurika, vidududu vikayamba kududuma, leza wakayamba kuthwanima, ndipo Job wakalaŵiska kuchanya ndipo wakawona mboniwoni, wakati, "ine nkhumanya Muwomboli wane ngwamoyo. Pa mazuŵa ghaumaliro Iyo wazamkuyimirira pa charu chapasi ichi. Ndipo nangauli pamanyuma pakuti mphorozi za thupi zaparanya thupi ili, viwangwa na vyose, Nkhongono yira yakusisipuska yizamkuŵako kula. Ine ndizamkumuwona Chiuta ndamwene, Uyo ine ndizamkumuwona ndamwene. Maso ghane ghazakumuwona ndipo ntha ghanyake." Ndi unesko uwo? "Nangauli pamanyuma pakuti vyamkati vinangike mwa ine, nangauli pamanyuma pakuti mphorozi za thupi izo ziri mu thupi lane sono, zizakaliparanye ili."

<sup>288</sup> Imwe mukumanya, mphorozi za thupi ntha zikuchita kwiza kwa imwe. Mphorozi yira yiri kale mwa imwe, mphorozi za thupi zinu mwaŵene. Kasi imwe mukumanya icho? Kumuŵikani imwe mu bokosi, na kujara ili kuleka kunjira mphepo; vibungu vimuryeninge imwe, mwakuyana waka, chifukwa viri mwa imwe. Imwe ndimwe waka mulu wa vibungu, kufuma pakuyamba, mkati.

<sup>289</sup> "Nangauli mphorozi za thupi, mphorozi zane za thupi zindiparanye ine, munofu wane, kweni mu thupi lane ine ndizakumuwona Chiuta."

<sup>290</sup> Ndipo pa mlenji ula wa chiwuka! Uchindami! Haleluya! Mateyu, mlembi mukuru uyu, 27:51, wakati, "Para Iyo wakati wawuka ku ŵakufwa, kuti ŵatuŵa ŵa Chipangano Chakale, ŵanandi ŵa awo ŵakagona tulo mu dongo la charu chapasi, ŵakawuka kufuma mu dindi, ndipo ŵakanjira mu msumba ndipo ŵakawonekera ku ŵanandi." Nkhongono yira yakusisipuska, yichali pa viwangwa vira vya Elija apo ntha chikaŵako chiwangwa chirichose, yichali pa Job apo ntha kukaŵa dongo lakuzura spuni la thupi lake. Kweni Nkhongono yakusisipuska yikaŵako ndithu kula.

<sup>291</sup> "Usange Mzimu uwu uwo ukawuska Yesu ku ŵakufwa ukukhala mwa imwe, Iyo wazamusisipuskaso thupi linu lachivundi." Wonani, mwaluŵiro sono.

<sup>292</sup> Imwe mukuti, "O, ine nthena nkakhala umoyo kale..." Imwe mukukhala mu nyengo yiweme. Sono usange imwe mose...

<sup>293</sup> Ine nkhumuwonani imwe mukulemba Malemba ghanyake. Viri makora, lembani Ŵatesalonika Wakudanga 4:16. Wonani

umo chikutowera, wonani. Mu a... “Watuŵa, awo ŵakugona tulo mwa Khristu, Chiuta wazamkuŵawuska pamoza na Iyo,” wonani, ŵatuŵa mu dindi, ŵakupumura. Ngati ndiumo Elija wakaŵira; ŵanyake ngati ndiumo wakaŵira Elisha; wonani, ŵanyake ŵa iwo ŵazamkuisipuskika, ŵanyake ŵazamkutoreka, ŵanyake ŵazamkuŵa mu dindi. Iwo ŵazamkuruta na Iyo. “Mbata ya Chiuta yizamulira, ndipo ŵakufwira mwa Khristu ŵazamudanga kuwuka. Ndipo ise taŵeneise tiri ŵamoyo ndipo tikukhalirira tizamkukwapulikira pamoza na iwo, kukakumana na Fumu mu mlengalenga.” Nkhongono yakuisipuska pa ŵamoyo; Nkhongono yakuisipuska pa ŵakufwa. Mukuwona?

<sup>294</sup> Nkhongono yenyera yakuisipuska ya Chiuta yikawoneka mu wose ŵaprofeti aŵa. Laŵiskani mazina ghawo, pafupifupi ngakuyana, Elisha, Elija. Mukumuwona Mkwatibwi na Mwenenthengwa? Yumoza wa iwo ndi Mr. Yesu; ndipo yumoza munyake ndi Mrs. Yesu. Imwe wonani, pafupifupi ghakuyana, mbwenu—mbwenu pakatikati a—Mwanarumi na Mwanakazi. Mukuwona?

<sup>295</sup> Elija, ndipo wonani umo ichi chikuŵayimirira apa. Sono, Elisha... Wakatorekera kuchanya mu mkwatulo, wakuyimirira Mpingo, viri makora, Elija; ndipo Elisha wakapumura mpaka chiwuka. Mukuwona? Ichi chiri ngati waka kayuni, kakukhumbikwa mapapindo ghaŵiri kuti kajibalanse ikokekha. Mukuwona? Mpingo ukayimirika nkhanira kwenekula mu ŵaprofeti ŵaŵiri ŵara. “Pakuti ise taŵeneise tiri ŵamoyo ndipo tikukhalirira kufika ku kwiza kwa Fumu, nthā tizamkuŵajandizga awo ŵali kugona tulo; pakuti Mbata ya Chiuta yizamulira,” mapapindo ghoŵe ghaŵiri ghazamkwiza pamoza, ndipo ise tizamuwuruka kuruta, haleluya, kuwuruka kuruta. Chifukwa, (vichi?) mu ŵamoyo, panji ŵakufwa, Nkhongono yira yakuisipuska njamoyo ndithu.

<sup>296</sup> Wonani. Kumbukirani, kumbukirani sono, kuisipuskika kuti tiwone kasi vinthu ivi ndi vichi. Wonani Nkhongono yakuisipuska ya nyengo iyi. Kumbukirani, ise tasisipuskika. Ntha kale chomene, kuti tivwirike...

<sup>297</sup> Ndipo ine—ine nkughanaghana Fumu yithu yikayowoya, ndipo nthēra Paulos wakachita nayoso, “Icho Ŵadada ŵakandiwoneska ine, ine nthā ndiri kumubisirani chirichose. Ine nkhumuphalirani imwe.” Ndipo mu mazuŵa ghaumaliro agha apo ise tikuwona Nkhongono Yake yakuisipuska pa ise, Iyo wakupereka nanga ndi Nkhongono yakuisipuska kwa ise, kuti tiwone ŵarwari ŵakuchizgika. Ise tiri kuyiwona Nkhongono Yakuisipuska yikugwira ntchito pakati pithu, ngati ndiumo Iyi yikaŵira kale pa iwo mu mazuŵa ghakuwuyambiliro, wonani, wonani Iyi yikwiza mwa mboniwoni ndipo yikuwuska ŵakufwa, wonani Iyi yikupanga ŵarwari kuchira.



298 Zuŵa linyake ine nkaphaliranga munyake. Donavon Weerts muchoko kuno, ine nkhusachizga imwe mose mukumumanya iyo. Ine nkhaŵa kumtunda kuzengeranga na iyo. Munthu muchoko mukavu. . . Iyo ndi munthu muweme muchoko. Iyo wakwiza kuno ku tchalitchi. Iyo wazamku. . . Mubwezi waka muweme chomene wa ine. Ndipo iyo mbwenu waka. . . Iyo wakati, “Nkhakhumba chara kukusuzga iwe.”

299 Ine nkhalawiska, ndipo khutu lake, likasintha lose, mkati kuwaro. Ndipo ine nkhati, “Kasi uli makora, Donavon?” Nkhamukora waka iyo pa woko, ngati *ntheura*, ndipo kansa. Ine nkhati, “Donavon, kasi suzgo ndi vichi na khutu lako?”

300 Iyo wakati, “Nkhumanya chara, M’bale Branham. Pafupifupi sikisi, myezi seveni, ndipo likurutirira waka kuŵanga. . .”

Ine nkhati, “Ntchifukwa uli iwe nthu ukayowoyapo chinyake za ichi?”

301 Wakati, “ine—ine nkkhumba chara kukusuzga iwe, M’bale Branham.”

Ine nkhati, “Kasi iwe ukumanya icho chiriko?”

Wakati, “ine ndamanya.”

302 Ine nkhaŵika waka woko lane pa iyo, nthu nkayowoya lizgu. Mazuŵa ghaŵiri pamanyuma pa icho, nthu pakaŵa nanga ndi bamba. Kasi ntchichi ichi? Nkhongono yakusisipuska, wonani, Iyi yisisipuskenge thupi linu lachivundi. Khutu lake likati liriyekenge, mahara ghake ghakati ghamarenge, wonani, iyo wakati wafwenge. Kweni, Nkhongono yakusisipuska! Mukuwona?

303 Ndipo zuŵa limoza apo ine nkhavuka, ndamwene, za. . . Ine nkhati, “Usange iwe. . . Mnyamata, chingaŵa chiweme kuti iwe undangireko, iwe uli na virimika fifite vyakubabika. Iwe, usange iwe uyichitirenge chirichose Fumu, iwe ntchiweme ufulumire na kuchita ichi. Iwe ukuchekura.” Mukuwona? Ndipo kula mlenji ula, Nkhongono yakusisipuska yikiza, ndipo Iyo wakandizomerezga ine kulaŵiska kuseri kwa katani, ndipo ine nkhamuwonani mose imwe kudera kula. U-nhu. Mukuwona? Iyo wakati, “Chose icho iwe ukachitemwa, ndipo chose chikakutemwa iwe, ivi vyapika kwa iwe.” Mukuwona? Ine nkhaŵawona wose iwo ngati *ntheura*. Kasi chikaŵa chivichi? Nkhongono yakusisipuska.

304 Yohane muvumbuzi wakazuzgika chomene na Nkhongono yakusisipuska, kuti wakayimirira ndipo wakawona umaliro wali ku chiyambi.

305 Yesaya wakazura na Nkhongono yakusisipuska, ndipo wakayimirira ndipo wakawona Mileniyamu na vyose.

306 Nkhongono yakusisipuska! “Ndipo usange Mzimu uwo ukawuska Khristu ku ŵakufwa, ukukhala mwa imwe, Uwu

usisipuskenge thupi linu lachivundi...thupi lachivundi.” Kumbukirani, Nkhongono yakusisipuska!

<sup>307</sup> Laŵiskani ivyo ise tiri kuwona mu nyengo iyi. Nkhongono yakusisipuska yiri kwiza kwa ise, kuti tijure Vididimizgo Seveni. Kasi icho chikaŵa chivichi, mahara gha munthu? Chara, Nkhongono yakusisipuska ya Chiuta. Wonani, Nkhongono yakusisipuska ya Chiuta yikaphalira nkhanira ichi chizamkuchitika. Wonani, Nkhongono yakusisipuska ya Chiuta yikapangiska charu chichitire ukaboni ku Ichi, ndi Unenesko. Mungelo wa Fumu, ine nkhamuphalirani imwe, wakaŵa penepapo, mu Laŵi la Moto; Nkhongono yakusisipuska yikapangiska charu kuchitira ukaboni kuti Ichi ndi Unenesko. Ndipo, mu icho, iwo ntha ŵakamanya kasi Ichi chikaŵa chivichi; ndipo ise tikamanya, laŵiskani waka kudera *uku*, ndipo Ichi ndi Fumu yithu kumtunda kula, imwe wonani.

<sup>308</sup> Iyo ndi Yumoza Uyo wakajura Vididimizgo vira. Iyo ndi Vididimizgo vira, pakuti Mazgu ghose gha Chiuta ndi Khristu, ndipo Khristu ndi Vididimizgo ivyo vikajurika. Ipo kujurika kwa Vididimizgo ndi vichi? Kuvumburanga Khristu.

<sup>309</sup> Ndipo Ŵangelo seveni ŵeneŵara, awo ŵakayimira Mipingo Seveni yose yakukwanira, ndipo ise ntha tikamanya nanga nkhuhiwona Ichi. Iwo ŵakachita, iwo ŵakajambura chithuzithuzi, ise chara. Ndipo Iyo wali apo, wayimirira apo, Mweruzgi Mukuru; kuwoneskanga kuti Iyo ndi Alfa na Omega, wakudanga na waumaliro. Kumanyiskika uli! Nkhongono yakusisipuska yikachita icho kwa ise.

<sup>310</sup> Nkhongono yakusisipuska yikutizomerezga ise kuwona kwiza Kwake. Nkhongono yakusisipuska yikatipoka ise ku nyifwa kufika ku Umoyo. Nkhongono yakusisipuska yikupereka kusanda; kumanya icho chanangika na imwe, na chakuti muchite; icho imwe mwachita, na icho imwe ntha mukayenera kuchita; na icho imwe mukayenera kuchita, na icho imwe muzamkuŵa. Nkhongono yakusisipuska, vinthu vyose ivi!

<sup>311</sup> Fumu yithu Yesu njakuzura na Nkhongono yakusisipuska, Iyo wakaŵa yose Iyi, pamoza. Iyo wakazura chomene na Nkhongono yakusisipuska, Iyo wakayowoya ichi, “Imwe muphwanye thupi ili, ndipo Ine ndizamkuliwuska ili mu mazuŵa ghatatu.” Kuyowoya za chisimikizgo mu Nkhongono yakusisipuska! “Phwanyani thupi ili, ndipo Ine ndi...tempile ili, ndipo Ine ndizamkuliwuska ili mu mazuŵa ghatatu.”

<sup>312</sup> Chifukwa, ntchifukwa uli Iyo wakayowoya icho? Iyo wakamanya kuti kukalembeka za Iyo, wonani, kuti kukalembeka za Iyo, na Mazgu gha Chiuta gheneagho ntha ghakamanya kutondeka. Mazgu ghakati, “Ine ndizomerezgenge chara Yumoza Wane Mutuŵa kuti wawone chivundi, nesi Ine ndizamkuwuleka uzima Wake mu gehena.” Ndipo Iyo wakamanya kuti Nkhongono yakusisipuska yira

yizamkumuwuska Iyo, kuti ntha chizamkuŵako chiduswa chimoza chivunde.

<sup>313</sup> Iyo wakati, “Imwe muphwanye tempile ili, ndipo Ine ndizamkuliwezgereska ili mu mazuŵa ghatatu.”

<sup>314</sup> Chifukwa? Ukaŵa uchimi, Mazgu gha Chiuta. Ndipo uchimi, usange Ichi ndi Mazgu ghaneneska gha Chiuta, ungatondeka chara. Ndipo uchimi weneula na Mazgu gha Chiuta agho ghakayowoya kuti Iyo wazamkumuwuska Iyo, ghakuyowoya kuti ise tiri kuwuka kale pamoza na Iyo. Ndicho chifukwa Iyo wakati, “Mungopanga.” Ndipo kuli kulembeka, kuti, “Mzimu uwo uliko sono, ukaŵa mwa Iyo, sono mwa ise, ukusisipuskaso thupi lithu lachivundi.” Ungopanga, bwezi, M-w-a-n-a wawuka. Mwana wawuka. Kulije. . .

<sup>315</sup> Sono laŵiskani pa kusandulika. Ise tikaŵako, waliyose, tikayimiririka kula. Kukaŵa ŵatuŵa ŵamoyo awo ŵakakwatulika, kukaŵa Elija wakayimirira apo; ndipo apo pakayimirira Moses, ŵatuŵa ŵakufwa ŵakayimi-. . . Kweniso, wose ŵakaŵa na Nkhongono yakusisipuska. Kwali munyake wakafwa, ndipo munyake ntha wakafwa, iwo wose ŵaliko kula.

<sup>316</sup> Wonani, o, laŵiskani icho ise tikuwona sono mu mazuŵa ghaumaliro agha. Chinthu chenechira icho Iyo wakalayizga, Yohane 14:12. Sono laŵiskani. [Pa tepi palije kalikose—Munozgi.] Nadi.

Ŵanthu ŵakuti, “Imwe mukuti muli na nkhongono?” Chara, chara, chara.

<sup>317</sup> Ise tiri waka ngati ndiwo pa Phiri Lakusandulika, wonani. Nadi, ise ntha tikuti tiri na nkhongono. Kweni, ise, ngati—ngati umo iwo ŵakaŵira. . . Pa Phiri Lakusandulika, iwo ntha ŵakayowoyanga, Moses, kuti, “Wonani icho, wonani icho ine ndiri,” ŵasambiri ŵakuti, “wonani icho ine ndiri, wonani icho ine ndiri.” Imwe mukumanya icho chikachitika? Wonani, iwo ŵakawona Yesu wachindamikika. Ndicho chekha iwo ŵakakhumbanga kuwona chikwimiririka, Yesu wachindamikika.

<sup>318</sup> Ndipo nthura ndimo kuliri muhanyauno, ise ntha tikuyezga kuŵa munthu munyake mukuru. Ise ntha tikupwerera icho ŵanthu ŵakuyowoya za ise. Zina lithu ndi kanthu chara; ndi Zina Lake. Umoyo withu, ndi kanthu chara; ndi Umoyo Wake. Ndi Nkhongono Ŷake, ntha nkhongono zithu. Ndipo kuli chinthu chimoza pera icho ise tikutemwa kuchita, ndi kumuwona Iyo wakuchindamikika. Ndipo kasi ichi chingaŵako uli? Para Iyo wachindamikika mwa ise, mwa chiwuka Chake icho chiru mwa ise. Ise tikumuwona Iyo wakuyimiririkaso umo Iyo wakaŵira, muhanyauno.

<sup>319</sup> Kasi imwe mwanguchipulika icho? Wonani, kukhumba kwithu ntha ndi kwakuti ise tichindamikike. Kukhumba kwithu ntha ndi zina linyake likuru. Kukhumba kwithu ntha

ndi kukwezga mpingo unyake, panji kuŵa na ŵanandi mu Sande sukulu, panji kuyezga kuŵikamo, chakuŵakakirira, kuŵakakamizga, kuŵa na phwando la chiryerano, panji kwiza na nyenyezi, mabatani, panji chinyake chirichose ngati icho. Icho nthā ndi kukhumba kwithu. Kukhumba kwithu ndi kumuwona Iyo wakuchindamikika. Kuchindamikika, (vichi?) nthā na kuthumbwa kwa taŵene; kweni mwa ise, maumoyo ghithu, kusimikizgira kuti Iyo ngwamoyo ndipo wakukhala mwa ise.

<sup>320</sup> Usange ine ningajifumiskapo ndamwene pa nthowa, nthoura para William Branham nthā nanga nkhumughanaghanira, ndipo imwe nthā kumughanaghanirani, mpaka ise tingamanya kuwona Yesu wakuchindamikika pakati pithu. Kumuwona Iyo, ndiko kukhumba kwithu. Iyo ndi yakusisi-. . .chikutipa ise Nkhongono yakusisipuska. Ndipo ichi chikutipa ise chimwemwe, kumanya kuti ise tiri na Iyo, vyose munofu na chiwangwa cha Iyo, pakuŵa Mkwatibwi wa Iyo; na kuwonanga nthowa Zake zenezira zakukhozgeka, kusimikizgiranga mwa ise kuti Iyo sono wawuka ku ŵakufwa. Mukuwona?

<sup>321</sup> Ndicho chifukwa Iyo wakati, “Mungopanga”, pakuti sono, wonani, ise tawomboreka na Iyo, ndipo sono tawuka pamoza na Iyo. Icho ndicho chikondwerero cha Chiwuka chikung’anamura ku ŵanthu, “kuwuka pamoza na Iyo”! Wonani. Sono ise tiri na Mzimu Wake mwa ise, kalata ya chikhole yalipirika kwathunthu.

<sup>322</sup> Chara, imwe nthā mukuti, “Inya, ine nkughanaghana kuti ine ndachita ichi.” Imwe mwachita kale ichi. Nthā, “ine *ndizamkuchita* ichi.” Ine ndachita kale ichi. Ine nthā nkachita ichi; Iyo wakandichitira ichi. Mukuwona? Ine chara; Iyo! “Inya, M’bale Branham, iwo ŵakuti. . .” Ine nkupwerera chara ivyo iwo ŵakuyowoya. Kula Iyo wakachita ichi, kuchitira ine. Ndicho chekha ine nkukhumba, ndicho ine nkupwerera.

<sup>323</sup> Ine mbwenu—ine nkukhumba waka kumuwona Iyo wakuwonekera. Kasi imwe mungachita uli ichi, kumuromba Iyo? Chara. Iyo wali mwa imwe. Wonani, Iyo wali mwa imwe. “Inya, ipo, Fumu, usange ine ningajifumiskapo ndamwene pa nthowa, Imwe mungamanya kuwonekera. Ndamwene. . .Kasi imwe mungachita uli ichi? Chifukwa Imwe mukamikirathu ichi nthoura. ‘Wose awo Ŵadada ŵali kundipa Ine ŵizenge.’” Wonani. Uchindami!

<sup>324</sup> Na ukaboni wose uwo tatora, uli na ise sono mlenji uwu, o, ine nkughanaghana za sumu yira:

Pa mlenji ula wa chiwuka,  
Apo mikusa ya nyifwa yizamkudumuka,  
Ise tizamuwuka, (Haleluya!) ise tizamuwuka!

<sup>325</sup> Imwe mukugomezga icho? [Gulu likuti, “Amen.”—Munozgi.] Ise tizamuwuka! Mwa Iyo ise tikuzgoka gawo la Iyo,

chikondwerero cha Chiwuka, chisisi chakuvumbukwa cha Chiuta ngati ndiumo kukaŵira kale, cha Umoyo pamanyuma pa nyifwa. Ise sono tiri ŵamoyo, ise kale tikaŵa ŵakufwira mu kwananga na majuvyo. Chididimizgo cheneko cha chikondwerero cha Chiwuka chadumura nyifwa kufumapo pa ine, ndipo ine ndiri wamoyo. Chididimizgo cha chikondwerero cha Chiwuka, pa chiyambi, chikadumura chididimizgo cha chididimizgo cha Chiroma, Chididimizgo cha chikondwerero cha Chiwuka, icho Iyo wakabenekerereka nacho. Ndipo ŵanthu, para iwo ŵakati ŵafwa, ŵakaruta; kweni Iyo wakadumura chididimizgo ndipo wakavumbura chisisi. Ndipo sono Chiuta, mwa Mzimu Mutuŵa Wake, wali kudumura chididimizgo pa maumoyo ghithu, ndipo Khristu wavumbukwa apo Iyo wakukhala mwa ise, pakuti sono ise tasisipuskika pamoza na Iyo. O, peji pamanyuma pa peji!

Ise tizamuwuka, (Haleluya!)  
 Ise tizamuwuka! (Amen!)  
 Pa mlenji ula wa chiwuka,  
 Apo mphiringizgo za nyifwa zikudumuka,  
 Ise tizamuwuka, (Haleluya!) ise tizamuwuka!

<sup>326</sup> O, kasi imwe ndimwe ŵakukondwa chara! Ine ndiri wakukondwa chomene! Kutali kusika nkhanira, mu kanyumba kachoko kamakala mlenji umoza, vididimizgo vikadumuka, ndipo ine nkhawuka pamoza na Iyo, chilengiwa chiphya. Nkhongono Yake yakusisipuska; Mwana wawuka.

<sup>327</sup> Ntha kale chomene, ine nkaphalirika nkhani yichoko za a—mlovi. Munthu wakiza ndipo wakachema mlovi wakale kuti warute nayo kukaŵeja Mumphaka za Kuzambwe. Iwo ŵakaruta mlenji ula.

<sup>328</sup> Usange munyake wa imwe wali kuŵejako kula kupenja salmon, chifukwa, imwe mukumanya icho chikuchitika, uku kukuŵa nyakuŵinda wakofya kuwaro kula. Ine nkhumuwona m'bale wane muchoko, Eddie Byskal, kusika kula, wa mishonare ku Ŵamwenye kuwaro kula. Ndipo ise tikaŵeja, taŵene, kuwaro mumphaka zira.

<sup>329</sup> Ntheura mlovi uyu wakaŵa mujira, imwe mukumanya. Iyo wakaruta kukaŵeja, ndipo iwo ŵakayeghekera kutali. Kulindizganga kuti kuche, imwe mukumanya. Ndipo iwo—ndipo iwo ntha ŵakalipulikangaso belu lakuchenjezga za nyakuŵinda, ndipo mlovi uyu wakakondwa chomene, wakati, “Wakayowoya, ise tikuyeghekera ku nyanja! Heyi!” Wakakondwa chomene.

<sup>330</sup> Iyo wakati, “Khala pasi, wamwana. Khala pasi.” Mlovi wakale, chete, imwe mukumanya. Iyo wakamanya icho iyo wakayowoyanga. Wakati, “Lindizga waka mpaka zuŵa lifume, ntheura ise tingamanya kuwona uko ise tiri.”

Imwe mukuti, “Kasi ine ndiŵe wa Methodist? Baptist? Pentekoste?”

<sup>331</sup> Lindizgani waka. Mwana wakwiza, ise tiwonenge apo ise tiri. Iyo ndi Mazgu. Lindizgani mpaka imwe muwone Mazgu ghakuwonekera, kuŵaliranga pa Mbewu, Mtolo wakukhupuzgika, ise tiwonenge apo ise tiri. Kasi imwe mukumutemwa Iyo? [Gulu likuti, “Amen.”—Munozgi.]

<sup>332</sup> Phepani ine nangumusungani imwe nyengo yitali ntheura. Kasi mbalinga ŵa imwe mukhalirenge kufika usiku uwu? O, fikani waka kamozaso ntheura, kumise uku, wonani. Pakunji seveni koloko? Kasi imwe mwanguŵa na munyakeso? [M’bale Neville wakuti, “Chara.”—Munozgi.]

Tiyeni ise tisindamiske mitu yithu.

<sup>333</sup> Kasi walimo yumoza muno, panji ŵanandi, awo ŵaliye Nkhongono iyi yakusisipuska mwa imwe? Mwana waŵalira palipose, ndipo imwe mwakhala mu kachisi uyu, imwe mwategherezga ku matepi, ndipo kweni Mzimu ntha uli kumusisipuskani imwe kuti imwe mungamanya kurondezga Mazgu gha Chiuta, kuti imwe ŵanakazi na imwe ŵanarumi mungamanya kupulikira Lizgu lirilose liri kulembeka! O, icho ndi chinthu chakofya. Uli usange imwe mukaŵenge mbewu yakufwa, ŵambura umoyo mwa Imwe? Kweni chirimo chinyake mwa imwe, icho chikumuphalirani imwe, “ine—ine nkhukhumba kuwuka, mlenji uwu. Ine nkhukhumba kuti ndiwuke kufumamo mu kaŵiro ako ine ndirimo. Ine nkhukhumba chara kuŵa waka mbewu yakufwa, kulekeka mu dongo na viduswa vya khuni. Ine nkhukhumba kuti ndiwuke.”

<sup>334</sup> Uli imwe mukwezge woko linu, yowoyani, “Mundirombere ine, m’bale”? Chiuta wamutumbikeni imwe. Chiuta wamutumbikeni imwe. Mwe, wonani mawoko; kulije nthowa yiriyose kuchemera ku guwa. Icho ise tikuchema kuchemera ku guwa, ŵanthu ŵakwiza kuzungulira guwa, ine ntha nkhuchitemwa ichi, munthowa yiriyose. Icho chikasazgikako waka ku mpingo mu mazuŵa gha chisisimuso cha Methodist. Mukuwona?

<sup>335</sup> Baibolo likati, “Wose awo ŵakagomezga, wonani, ŵakabapatizika.” Chiripo chiziŵa apa, chakuzura na maji, kulindizganga munthu waliyose uyo ngwakunozgeka kufwa kwa iyomwene.

<sup>336</sup> Sono, imwe panji mungabizgika, nyengo zinandi, mu Zina la Fumu Yesu; kweni mpaka Mbewu yira ndi Yamoyo, wonani, Iyi ntha yisisipuskenge ichi. Chara, chara, chara. Ubatiziro wa maji uli ngati waka jumi ilo likawa kufuma kuchanya; ili lingamanya kuwa pa mbewu, kweni, mulije Umoyo umo, iyi yingakhala yamoyo chara.

<sup>337</sup> Kweni usange ubatiziro weneko ula wa maji, wa nyifwa kwa wamwene, ndipo iwe wanozgeka kufwa ku chirichose iwe

ukasambizgika na machitiro gha vigomezgo na mabungwe, cheneicho ndi chakususkana na Mazgu, ndipo iwe uyendenge ngati mwana mwanarumi panji mwana mwanakazi wa Chiuta, ndipo iwe ukung'anamura ichi mu mtima wako, wona icho ubapatizo wa maji ula uchitenge kwa iwe mlenji uwu. "Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke, kwananga kwinu, ndipo imwe mupokerenge Mtolo, sembe-yakuhupuzga. Imwe mupokerenge Nkhongono, Mzimu Mutuŵa. Pakuti phangano ndinu, na iwo wose. Ku mphapu zose, ichi chizamkuŵa ntheura."

<sup>338</sup> Ŵadada Chiuta, ine—ine ndayowoya nyengo yitali, ndipo ndatora nyengo yikuru ya ŵanthu, kweni, Fumu Chiuta, kulije kulekezga ku ichi. Ichi chikuwoneka waka kuti iwe ulekezge waka na kufumapo, na kukapumura, na kwizaso. Ise tikukhala mu charu chiri pafupi kumara, pakati pa ŵanthu ŵali pafupi kufwa; na Uthenga wa Umoyo, ndipo na ukaboni wa chiwuka. Chiuta wakutemweka, ise tiŵenge ŵachivundi kamoza, ndipo kasi kuzamkuŵa uli usange ise tizomerezgenge mwaŵi uwu utijumphe ise?

<sup>339</sup> Mitima yithu yikugolera; mauzima ghithu ghakondwa; iwo awo ŵafika. Ndipo ŵanandi kuno ŵakupulika Uthenga uwu mlenji uwu. Inya, ghaŵiri panji mahandiredi ghatatu ŵakwezga mawoko ghawo. Iwo ŵakukhumba kugomezga, Fumu. O, nadi mbewu yira njakufwa chara, Fumu. Kasi iwo ŵangakwezga uli woko lawo ngati ntheura? Chiripo chinyake. O Chiuta, ntchakale mwakukwanira, ndi muwoli yura wa Job wayimirira apo, kuyowoyanga, "O!" Kweni, Fumu, zomerezgani Job yura, wakugomezga yura, wafike, mlenji uwu, wafwe mwakukwanira, ndipo wasungike umu mu ubapatizo uwu wa maji.

<sup>340</sup> Manthonyezi gha jumi agho ghakwiza kufuma Kuchanya, Mazgu gha Chiuta agho ghakuti Iggho ghachapenge kwananga kulikose na kugowokere ichi! Imwe mukubapatizika mu Zina la Yesu Khristu, chifukwa chavichi? Kugowokereka ku kwananga kwinu, zakwananga kugowokereka mu Zina la Yesu Khristu.

<sup>341</sup> Nkhuromba, ntheura, Ŵadada, nkhuromba. . . Usange iwo mbarwari, nkhuromba iwo ŵarute ŵali makora. Nkhuromba, usange iwo mbakupundukwa, nkhuromba iwo ŵayende kusi kwa Nkhongono ya Mzimu Mutuŵa. Usange iwo ŵakaŵa ŵakwananga, nkhuromba iwo ŵarute ŵakuchapika na ŵakutozgeka. Ndipo vyakupangira, mwa kuchita kunjira mkati; Nkhongono yifike kufuma Kuchanya, Mzimu Mutuŵa, na kuŵatora iwo, Fumu. Sisipuskani thupi lawo lachivundi, pamanyuma ise tipulikenge malilime gheneko ghaphya, nkhangono za Chiuta, chitemwa chambura mayowoyeko, uchizi wakufwa na uchizi wamoyo; na Khristu wakuwuskika, Thupi, Mkwatibwi kuyimira Iyo pa charu chapasi.

342 Wadada, iwo Mbinu. Iwo wangukwezga mawoko ghawo. Ine ndapharazga Mazgu. Sono, Wadada, wapokerereni iwo, ine nkhuromba. Mu Zina la Yesu Khristu, ine nkhuromba ichi. Amen.

343 Imwe mukumutemwa Iyo? [Gulu likuti, “Amen.”—Munozgi.] Ndi muweme chara Iyo? [“Amen.”] Kasi imwe mwakhorwa kuti imwe muli gawo la Chikondwerero cha chiwuka chira, kuti imwe mukawuka pamoza na Iyo? [“Amen.”] Kwezgani woko linu. Imwe muli mwenemumo.

344 “Mwatwana twane tuchokotuchoko,” umo Paulos nthena wakayowoyera. Ntha kuyezganga kukopera iyo, kweni, chitemwa, ine nkhumutemwani imwe. Ine nkhuenda misewu ya chiwuvi na chinyake chirichose, kuti ndifike kuno, kuti ndifike kuzakayowoya kwa imwe. Kwiza kufuma mu chipululu, kujumpha mu vidikha vya chiwuvi, na vinyake nthaura, kuti ndifike kuno. Ise tikuduka mu ndege. Imwe mukutchika kujumpha charu, mwakuti ise tingamanya kwiza pamoza. Ise tikutemwana yumoza na munyake.

345 Ise tiri gawo la yumoza na munyake. Ntha mungamuzomerezganga Satana wamuphalireni imwe chinyake chirichose. Pakuwa gawo la yumoza na munyake, ise tiri gawo la Iyo. Ndipo ise tiri wenenekokaya wamoza wa Ufumu, kunjoyanga vitumbiko ivi, pamoza, vya chiwuka.

346 Ndipo sono, wonani, sono imwe mwawuka kale. Para Chiuta wakati wamuwuska Iyo, Iyo wakawuska imwe. Mwana sono wali pa imwe, ndipo sono imwe mukukulira ku kuwara kwa Umoyo ngati ndiumo Iyo wakawira, kuti muwuskike mwakukwanira mu zuwa lira laumaliro. Imwe ndimwe wakuyenezgeka, imwe muli nacho sono. Kasi imwe mukumanya uli? Uzima winu ukasintha, ukachita chara uwu? Thupi linu likafika pa kupulikira ku Ichi, likachita chara ichi? Mu kupulikira ku (vichi, mpingo?) Mazgu, cheneicho ndi Umoyo, nthaura imwe sono mwawukiskika ku wakufwa. Ichi ndi chikondwerero cha Chiwuka, Yesu pamoza na ine. Ichi ndi chikondwerero cha Chiwuka, imwe na Yesu. Ndipo ndi chikondwerero cha Chiwuka, na imwe, ine, na Yesu. Ise tose . . . Panji, Yesu, imwe, na ine, ise tose tawuskikira pamoza.

347 Ndipo ise tizamuwuka pa zuwa laumaliro, nangauli mizimu yithu yikufumamo mu mathupi ghithu, nangauli mathupi ghakuchita murosua, panji ghangaruta ku dongo, panji igho ghangawotcheka, panji igho ghangawa pasi pa nyanja. Baibolo likati, “Mungelo wakaponya lake mu nyanja, ndipo waliyose uyo wakafwa wakawuka.” Kulije icho chingatibisa ise, panji kutipatulanya ise, kufuma kwa Chiuta uyo ise tikumutemwa chomene, uyo wali kutiwuska ise pamoza.

348 Chiuta wamutumbikeni imwe. Ine ndamusungani imwe kuno nyengo yitali. Usange wanthu wara wachali pa telefoni yira, iwo nadi. . . Pa fifite cents pa miniti, iwo walipira



mwakukwanira, mlenji uwu. Kweni, ine nangutondeka kulekezgera pa yengo yira, ine nanguyenera waka kuti ndirutirire.

<sup>349</sup> Sono, para Fumu yazomerezga, ine ndifikengeso usiku uwu, kuti ndizakayowoyeskaneso namwe. Ndipo usange ine ningachita chara, ndipo nthaura imwe mose mukumanya. . . Ine nkhusachizga ise nthā tiri pa. . . panji nthā. . . Ise nthā tichaliso pa telefoni? Nthā tichali pa telefoni.

<sup>350</sup> Imwe mose mukumanya uko ine nkhouruta, mukumanya chara imwe? Africa! Ine ndiri kuchema pa nyengo yitali chomene; pa virimika ine ndiri kuyezga kuti ndiwerereko. Sono mboniwoni, Mzimu wa Fumu wanozga nthowa. Iwo ŵakayowoya, para ŵenekokaya ŵakavu ŵara ŵakati ŵapulika ichi, kuti ine nthā nkhafika nyengo yakunyuma para ine nkhaŵa kula, iwo ŵakagona pa dongo muhanya na usiku, ndipo ŵakatengera na kulira, na kuyowoyanga, “Fumu, kasi ise tachita vichi?” masauzandi gha iwo. Ŵanthu ŵara nthā ŵakugomezga kuti iwo ŵali na uzima. Mukuwona? Ndipo iwo ŵakalira ndipo iwo ŵakatengera, ndipo iwo ŵakalira.

<sup>351</sup> Nthā mungaŵatumiranga lizgu iwo mwakuŵamanyiskirathu. Chonde kuchita chara. Wonani, usange kalata yira ya chilorezo yikayenderenge kula na kufika pakati pa ŵapharazgi ŵara, iwo nthena ŵakandikanizga ine nkhanira penepapo. Ine nkhuayenera kuti ndirute ngati chiŵinda. Ine ndirutenge kwa fumukazi iyo yikiza na katundu mu sitima seventini za pa mtunda ndipo yikiza ku ungoro. Ine nkhuayenera kuti ndirute na kukazengera mu chigaŵa chake. Ndipo ine nkhouruta, pasipoti yane na chirichose viri kulembeka kuti ndine chiŵinda, nthā mutēweti msopisopi.

<sup>352</sup> Nthaura kwamkuŵa m’bale yumoza wamkukumana nane, kuti, “Ungachita chara ungoro umoza na ise?” Masitediyamu ngakulipirika kale. Iwo nthā nanga ŵakumanya ichi. Mukuwona? O, uchindami!

<sup>353</sup> Rombani kuti kukhumba kwa Chiuta kuleke kujandizgika. Kuti, uzima wane uwo uli kulirira Africa kufuma apo nkhawukirako, mphanyi changuchitika kuti ine ndiwererekoso, nthaura kumuyegherani imwe uthenga wa ungoro ukuru. Ine panji nthā ndizakumuwonaniso imwe, kufuma muhanyauno, mpaka ine nkhawereko. Ise tikuruta, mu mazuŵa waka ghachoko sono, pa teni Meyi. Asi imwe mudiromberenge ine? [Gulu likuti, “Amen.”—Munozgi.]

<sup>354</sup> Kumbukirani, imwe mukumanya chara kasi masuzgo ndi vichi, mpaka imwe mufikeko kula; ng’anga chigaŵa chirichose, na devulu, ndipo nthā mungaghanaghananga kuti iwo nthā ŵakumanya chakuti ŵachite. Mukuwona? Ndipo ntchiweme imwe manyani icho imwe mukuyowoya, para imwe mukuyimirira panthazi pawo. “Kweni ine nkhumanya mwa Uyo

ine ndagomezga, ndipo ine ndiri wakukakamizgika kuti Iyo ndi wamagomezgeko kusungirira cheneicho ine ndiri kuchita kwa Iyo mu zuŵa lira.”

Sono, pali mathaulo ghanyake ghali apa.

<sup>355</sup> Chiuta wakutemweka, apo Uthenga uwu mlenji uwu, wa chiwuka, ndipo ine ndayimirira pano, Fumu, na kusimikizgiranga mwa Mazgu kuti Nkhongono yira yakusisipuska yira yiri mu mwana wakugomezga. Ipo, pa kugomezga, mu chipulikano, kuti Nkhongono yira yakusisipuska yiri kusintha umoyo wane. Ndipo ŵanthu aŵa ŵakugomezga, Fumu, ndipo Iyi yikasintha maumoyo ghawo. Ndipo ise tikuromberana yumoza na munyake.

<sup>356</sup> Ine nkhuŵika mawoko ghane pa mathaulo agha, kuti... Mphanyi Chiuta, Uyo wakasisipuska Yesu Khristu ndipo wakamuwuska Iyo ku ŵakufwa, ndipo Mzimu ula uwo ukamuwuska Iyo ku ŵakufwa, ukhalenge mu thupi lithu.

<sup>357</sup> Mzimu uwo ukaŵa pa thupi la Elisha, kuti, wakati wafwa ndipo nthā kukakhalako chirichose kweni viwangwa, ili likaŵa na Nkhongono yakusisipuska mwa ili. Mawoko gha ŵapostole ghakaŵa na Nkhongono yakusisipuska mwa igho. Malingaliro gha ŵapostole, maso gha ŵapostole, a—malilime gha ŵakugomezga, vyose vikaŵa na Nkhongono yakusisipuska.

<sup>358</sup> Sono mphanyi Nkhongono yira yakusisipuska, apo ine nkhuŵika Lizgu ili pa igho, ndipo mawoko ghane kwimirira uyo wali nayo, mwa uchizi, wa Nkhongono yira yakusisipuska, nkhuromba Iyi yisisipuske lirilose la mathupi gharwari agha, ndipo igho ghazgoke ghamusuma kamozaso, Chiuta, mu Zina La Yesu Khristu.

<sup>359</sup> Nkhuromba nthā yingawanga pa mathaulo pera, kweni pa ŵanthu ŵara kuwaro uko mu gulu, waliyose uyo wakusuzgika. Ŵana ŵachokoŵachoko awo, ŵanthu ŵachekuru, chirichose iwo ŵali, nkhuromba Nkhongono yakusisipuska yira yiŵasisipuske iwo sono nthēna, mu Zina la Yesu. Amen.

<sup>360</sup> Sono, kasi mbalinga ŵali nayo Nkhongono yakusisipuska? [Gulu likuti, “Amen.”—Munozgi.] Sono ŵikani mawoko ghinu pa yumoza na munyake, usange Nkhongono yakusisipuska yira yiri mwa imwe.

<sup>361</sup> Sono, kuli chinthu chimoza pera chakuti chingatondeska Iyi, kujandizga, icho ndi kuwura kugomezga kwinu. Mwanakazi wakakhwaska chakuvwara Chake, wakazgoka wamusuma; msirikali wa Chiroma wakamuthunyira Iyo kumaso Kwake, ndipo wakaruta ku gehena. Mukuwona? Ntheura ichi chikaŵa... ichi chikutorera apo imwe muli. Kasi imwe mukugomezga Ichi? [Gulu likuti, “Amen.”—Munozgi.] Kasi imwe mukugomezga Ichi?

<sup>362</sup> Sono ine nkhuumba kuti imwe musindamiske mutu winu ndipo romberanani yumoza na munyake. Pe—Pempherani waka mwakukwezga, yowoyani waka, “Fumu, munthu uyu” . . . Wonani, romberanani waka yumoza na munyake.

<sup>363</sup> Chiuta wakutemweka, ise tikuchita ichi mu Zina la Yesu Khristu, Zina lekha pera liri kuperekeka pakati pa ŵanthu mu leneilo ise tingaponoskekeramo panji kuchizgika. Ŵanthu aŵa, awo ndi ŵenekokaya ŵa Ufumu, awo ŵali nayo Nkhongono yakusisipuska, sisipuskirani Iyi kwa iwo, Fumu, sono nthena. Ndipo nkhuomba Mzimu urute kufuma ku nombo kuruta ku nombo, kufuma ku Lizgu kuruta ku Lizgu, mpaka uzari wa Yesu Khristu uwonekere mu lililose la mathupi, lakukwaskika, lauzimu, panji chakusoŵerwa chirichose iwo ŵakusoŵerwa, apo ise tikuŵika mawoko ghithu pa yumoza na munyake. Mu Zina la Yesu Khristu.



*NDI KUFUMA KWA ZUWA* CTK65-0418M  
(It Is The Rising Of The Sun)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Epuleru 18, 1965, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. BOX 51453, LIMBE, MALAWI

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)